




27487

Mag. St. Dr.


P













0706  
DISSERTATIONES

HISTORICO-CRITICÆ

De Utroquè Archiepiscopatu Metropolitano  
Kijoviensi, & Haliciensi, uti olim distincto,

*Nec non*


De Episcopatu Leopoliensi Ritûs Græco Uniti

à

P. CLEMENTE CHODYKIEWICZ S. Th  
Præsentato, Chronologo Provinciæ Russiæ Ordinis  
Prædicatorum

Certioribus Documentis

ILLUSTRATÆ



Annô Domini 1770.



27487. II.





ILLUSTRISSIMO EXCELLENTISSIMO AC REVERENDO DNO  
D. LUDOVICO LEONI

*In Szeptyce*

S Z E P T Y C K I

Episcopo Leopoliensi, Haliciensi, & Camenecensi in Podolia, Archiepiscopatus Metropolitanus Kijoviensis & Totius Russiae, nec non Abbatiae Kijovo-Pieczarensis Coadjutori & Administratori Apostolico, Abbati Commendatario Mielecensi, Equiti Ordinis Sancti Stanislai Episcopi & Martyris, Mecænati ac Benefactori Amplissimo.

Fr. CLEMENS CHODYKIEWICZ Ord. Præd:  
*Perennem Felicitatem.*

**P**ublicis Reipublicæ Literariæ votis facturus satis, Universam Ecclesiæ Ruthenæ Unitæ Hierarchiam, ex privatis singulorum Episcoporum Archivis deprecandis documentis illustraturus, Tuis hac de re ad Cunctos Præsules directis adjutus Epistolis, cum intellexissem ex omnium gratissimis responsis, promissa monumenta propter præsentem Calamitosum Regni Statum feliciori, pacifico reservari tempori, Te primum omnium natus sum, qui hac in parte Doctori gentium similem Te demonstrasti, quum omnium Ecclesiarum Sacri Ritûs Tui Sollicitudinem in promovendo earum honore habens, subsidio Archivi Tui cunctos prævenisti. Summam pro-



inde votorum meorum consequutus videor; cum has Dissertationes de Præsulibus Ruthenis illustratas, Tibi Præsuli Metropolitanae dignitatis Candidato nuncupandas offero; qui ad Te jure spectare videntur. Archiepiscopatus enim Kijoviensis Metropolitanus declaratus Coadjutor, & futurus Successor, Prædecessores Tuos describendos in Antecessum Sollicitudinis Tuæ curasti, Halicienses verò Archiepiscopos Metropolitanos, uti olim à Kijoviensibus diversos, & planè hucusque ignotos, pro evidentia Sacrae antiquitatis vindicandos statuisti, ut ipso doceres documento, abscondita in lucem à Te producta, atq; Episcopatus Haliciensis originem ignotam illustrare. Leopoliensium quoq; Episcoporum Seriem, à Scriptoribus cum Latinis, tum Polonis minori accuratione, Literis mandatam, Archivi Tui locupletissimi evidentioribus Testimoniis deducendam diu in votis habuisti, ex quo cunctis compertum est, ita à Te Prædecessorum Tuorum imitari exempla Virtutum, ut Illi in Te quasi rediviui, Tu verò in illis glorificatus videaris. Spectata generis Nobilitate, Orthodoxæ Religionis Studio, rerum gestarum prudentiâ, & dexteritate, verum Te Illorum hæredem comprobas & Successorem. Paterno Maternoque genere Natura Te effecit Nobilissimum, Dignitas Excellentem, Gratia Clariorem.

Paternum Genus à Titio Romanorum Nobilissimo ducis, qui Imperante Trajano cum Septem filios Titios suscepisset, ob id Septitij Nomine auctus est, cui Plinius Epistolam suam primam inscripsisse legitur. Ab hoc Septitio prodiit Septitius Clarus, cujus Successor Septitius ab eodem Plinio binis memoratus Epistolis ex Romano Imperio quàm in Russiam migrasset, Septitius Hlib nuncupatus, reliquit Successorem Olympium Septitium, qui propter heroica gesta à Ducibus Russiæ Bonis Wojczance,



*Woszczańce. Uherce, & Kalnofoſty, & Szeptyce à Sua  
 vocatis agnomine, præmiatus fuiſſe vetuſto diplomate com-  
 probatur. Hic reliquit JACKONEM ſeu HYACINTHUM,  
 qui primus Chriſtianam Religionem amplexus, duos reli-  
 quit filios THEODORUM, & SIMEONEM hæredem bono-  
 rum Septyce, hic ex ANNA MONASTERSKA, NICO-  
 LAUM Proavum Tuum, in lucem dedit, qui ex CATHA-  
 RINA BANDROWSKA ADAMUM Avum Tuum edidit,  
 hic ex MARIANNA JAROSZYNSKA PHILIPPUM Pa-  
 trem Tuum, Venatorem Præmiſlienſem, cum ELISA-  
 BETHA CHRONOWSKA Matrimonio junctum genuit, ex  
 quibus Tu LUDOVICE & SIMON Frater Tuus Præſe-  
 ctus Kozicenſis, Vir Spectatiſſimus, qui in Tribunalibus  
 Regni binis, Judicem Deputatum egit, cum ANNA  
 TREBINSKA præſtantiffimis animi dotibus prædita ſpon-  
 ſatus, nuper Caſtellani Præmiſlienſis honore à STANI-  
 SLAO AUGUSTO Rege auctus eſt, in lucem prodiiſti.  
 Tam antiquos aborigines, tam Illuſtres Majores ſorti-  
 tus es.*

*Nec minus clarum Maternum Genus Tuum laudan-  
 dum venit. ELISABETHA enim Te enixa eſt, quæ ALE-  
 XANDRUM CHRONOWSKIUM, & CONSTANTIAM de  
 Dobrocin PODOSKA Parentes, JOANNEM SIGISMUN-  
 DUM, & EVAM KISIELEWSKA, Avos, JACOBUM JA-  
 XAM de Chronow CHRONOWSKIUM, qui à JAXA  
 Principe Serbiæ, Filio LESCONIS III. Ducis Poloniæ  
 descendit, & BARBARAM PRUSZYNSKIAM de Stem-  
 mate Rawicz Proavos habuiſſe deducitur. Hæc eſt Ma-  
 terna Origo. Reſtat Aviam Tuam memorare, MARIAN-  
 NA ſeu MARCIANNA ADAMI SZEPTYCKI Avi Tui  
 Conſors, THEODORI JAROSZYNSKI Subdapiferi Zy-  
 tomiriensis, & ANASTASIE JUREWICZOWNA filia, PE-*



TRI in Jaroszyńce JAROSZYNSKI & PIĘKOWSKA  
 Nepos fuisse perhibetur. Utroque igitur genere illustris,  
 affinitate multarum Clarissimarum Familiarum, quibus re-  
 censendis hic locus non est præstitutus, conspicuus, non  
 tantum Viris in Equestri Ordine de Patria bene, meri-  
 tis, verum etiam Ecclesiastica Dignitate conspicuis re-  
 fulges. BARLAAMUS hoc honore primus insignitus fuit,  
 pro Deo, Ecclesia, Lege, Patria, & Rege, emeritissimus,  
 cujus Anni, ut AUGUSTUS II. in Diplomate laudator  
 est, nonnisi in promovendo Cultu Divino numerantur, ad  
 diversos Episcopatus promotus, & vocatus, semper recu-  
 savit, quo magis liberiores Civium lucraretur animos,  
 tandem post quadraginta quatuor Annos in regimine Ar-  
 chimandriæ Unioviensis solâ pietate & virtute emensos,  
 fugientem sequutus est honos Episcopatus Leopoliensis.  
 Quid satis dicam de ATHANASIO Metropolita totius  
 Russiæ? quem commemorare, laudare est, sufficeret ille u-  
 nus ad totam Clarissimam Familiam Tuam commendan-  
 dam, à quo decus & ornamentum habuit maximum,  
 quum ille in vivis ageret, nisi adessent alij Superstites,  
 uti HIERONYMUS Płocensis Cathedræ Episcopus & Se-  
 nator Poloniae, & ATHANASIVS Præmisliensium, Sam-  
 borienſium, ac Sanocensium Episcopus. Tantorum facu-  
 da Parens Episcoporum SZEPTYCCIANA Proſapia, Te  
 ad augendum generis splendorem, & illustrandum Epi-  
 scopatus honorem meruit filium.

Porro Dignitas Te fecit virtute excellentem, ele-  
 ctus enim es à DEO pro Ejus promovenda gloria, pro  
 honore Sacri Ritûs Tui, pro Sacra Catholice Ecclesiæ  
 Communione servanda & amplianda, pro Clero informan-  
 do. Hinc est quod Te AUGUSTUS III. Rex Episcopa-  
 tu, & futura Metropolitæ Successione dignum declaravit,

STA-



STANISLAUS AUGUSTUS inter benevolentiae documenta Te Equitibus Tutelaris Sui Sancti Stanislai adlegit, nisi quia Regiae Majestati compertum fuit, Te Ecclesiae Orthodoxae, Patriae & Regibus fore fidelissimum. Si Regum meruisti benevolentiam, Procerum quoque possedisti affectus, perinde namque aequalibus, atque infimis charus, sic Episcopum Te geris, ut non obliviscaris Te esse Amicum, eâ indulgentiâ, & affabilitate; ut quasi amicus cum majoribus & aequalibus, cum inferioribus quasi Parens cum filiis vivas, par omnibus, & hoc tantum ceteris major, quo melior. Scis Sibi quemque praestare, quod videat, quod Te frequentet, ac tanto liberalius, ac diutius voluptatis hujus copiam praebes. Mirantur suavitatem Tuam, quibus nulla satietas adest, quando sincera omnia, & vera, & ornata gravitate; qua fit: ut Magnates injuriam Sibi adscirent, si Leopolum vidissent, Te non visitato, Te non salutato, Te non familiariter adloquuto.

Divina tamen Gratia Te efficit Clariorem, exemplaris enim Tua pietas, Divinum Cor conciliare Sibi quotidie, Ejusque honorem zelare nunquam desinit, hunc zelum testatum fecisti in retentis Episcopalibus Cathedralibus ne ab alienis occuparentur, in restitutis Templis avulsis, in frequenti Pontificali Celebratione, in diversis Regularium Templis solemniter perfuncta, in Sacris Aedibus erectis, inter quas praecipuum Metropoleos istius ornamentum est insignis Basilica Cathedralis Sancto Georgio Martyri edificata, In immensum diffunderetur Oratio mea, si Tuorum cuncta gestorum fidelissime susciperem enarranda, Satis dixi, si non satis Te laudatum pronunciavi.

Benigno igitur animo has Dissertationes meas recipies,



*pies, quas Tibi gratas fore non diffido, in tesseram &  
devinctissimi Cordis pignus Tibi oblatas, ut Tuo magno  
Exemplo alij Præsules ad Suarum Ecclesiarum origines  
illustrandas provocentur. Vive felicissimos Annos, æterna-  
que laude florentem Virtutis Tuæ gloriam, quam diu-  
tissimè incolumis amplioribus auge meritis, meque solitâ  
Tuâ complectere benevolentia.*





# GENEALOGIA

## Clarissimæ SEPTICCIORUM Familiæ Ex Authenticis Documentis Collecta

TITIUS SEPTITIUS, qui Imperante Trajano Cæsare floruit, cui Plinius Secundus Epistolam Primam scripsit. à quo

SEPTITIUS Clarus, ab eodem Plinio Lib. 1. Epist. pag. 20. laudatus, à quo  
SEPTITIUS, quem idem Plinius Lib. 7. & 8. Epistolis memorat in Russiam veniens, HLIB SEPTITIUS appellatus, à quo

OLYMPIUS SEPTITIUS à Ducibus Russiæ Bonis Szeptyce à Suo Nomine vocatis, Wofzezańce, Uherce, & Kalnofosty pro heroicis gestis præmiatus, à quo

Jacko seu Hyacinthus primus Christianus factus à quo duo filij.

Semion seu Simeon hæres Bonorum  
Szeptyce cum Anna Manaferka à quo

Regina M. Dubik Jaworki Uxor, & Nicolaus cum Catharina Bandrowska, ab his tres filij

I. Adamus  
Cum Marianna Jarofzyńska

Anna, Philippus Venat; Præmisliensis Jacobus Venat; Buscensis. Basilius Ord. S. B. M.  
Mci Ulanicki Uxor. Elisabeth Chronowska. Constantia Trzebuchowska

LUDOVICUS LEO Simon Castellanus Præmisliensis  
Episcopus Leopoliensis &c. Præfectus Kozicensis Anna  
Coadjutor Metropolitæ Totius Trembińska Confors.  
Russiæ.

MARIANNA.

II. Elias, cui cesserunt Bona Terfo  
Zaleska Uxor.

Ludovicus, Dobrzyniecka Uxor.

Joannes. Dominicus. Ludovicus. Nicephorus Ord. S. Basilij Magni.  
Theresia Jachowiczowna Uxor.

III. ANDREAS

Michaël. Joannes. Stanislaus. Alexander. Michaël

Athanasius Episcopus Præ-  
misliensis &c.

Joannes, Theresia de Tarnowskie  
Leduchowska Uxor.

Athanasius.

Theodorus, cui obvenerunt Bona Wofzezańce à quo

Alexander, Eva Winnicka Confors.

Stanislaus. Alexander Zacharias, Enifer Præmi-  
sliensis, Eva Lityńska Confors. à qui-  
bus quatuor filij.

I. Barlaam Episcopus Leopoliensis Haliciensis &c.  
II. Alexander Enifer Bielscensis, Barbara Wy-  
szpolska Uxor.

Athanasius Metropolita Totius Russiæ.  
Basilius Præfectus Tyszoviensis Sterilis.  
Marianna Mci Turzański Pocillatoris Zydzovienfis  
Confors.  
Anna Mci Bielski Vexilliferi Leopoliensis Uxor.  
III. Theodorus Pincerna Trembovliensis  
Mazarakowna Uxor.

Adamus qui in expeditione bellica ad Gedanum  
circa Electionem AUGUSTI III. occubuit Sterilis.  
Anna Mci Korytko Pocillatoris Mielnicensis Uxor.  
Marianna Mci Lifowski Uxor  
IV. Stanislaus Eustachius Venater Buscensis

Hieronymus Episcopus Płocensis.  
Georgius Præfectus Obuchoviensis, Wkryńska Uxor.  
Franciscus Dapifer Leopoliensis, Krosnowska Uxor.

Petrus, cui cesserunt Bona Uherce  
Promińska Confors à quo 4. Filij.

I. Alexander, Lifowska Uxor.  
Joannes, Brylińska Confors.


Nicolaus Vexillifer Laticzoviensis  
Dwernicka Uxor habet Prolem.  
Magdalena Mci Georgij Türkuł Confors.  
II. Constantinus, Szpotowna Confors.

Vladislaus, Casimirus Thesaurarius  
Gostinensis, Kuropatnicka  
Confors.

Constantinus Enifer Præmisliensis,  
Justina Lipska Confors.

III. Theodorus Sterilis.  
IV. Gabriel Sterilis.










# DISSERTATIO

## HISTORICO CRITICA

De Archiepiscopis Metropolitanis Kijoviensibus.

### CAPUT I.

*De Hierarchia Ecclesiæ Ruthenæ Unitæ.*

- I.  Ecclesia Ruthena, Sæculo Nono, Vladimiro Magno totius Russiæ Principe, gentisque suæ Apostolo, in Communionem Romanæ Ecclesiæ, Christi Fide initiata est, primumque Archiepiscopum, Metropolitanam Kijoviensem, Micháelem Catholicum nata, magnis licet Græcorum ageretur conatibus, semper tamen in obedientia Romani Pontificis constans perseveravit. Anno siquidem 1146. Prælati Rutheni Concilium Nationale Kijoviæ habuere, quo se opposuerunt Schismati per Micháelem Cerularium Patriarcham Constantinopolitanum excitato, deinde aliqui ejusdem nationis Metropolitanæ Apostolicæ Sedi obedientiam præstiterunt, quam
- A
- pariter



pariter universa gens per suos Legatos JNNOCENTIO Papæ IV. in Concilio Generali Lugdunensi primo professâ fuit. Immortalem hac de re memoriam reliquit Isidorus Cardinalis, qui in Concilio Florentino pro unionem Orientalis cum Occidentali Ecclesia stabilienda, plurimum adlaboravit. In Concilio denique Brestensi per Michâelem III. Unio decreta est, ad quam perficiendam duo Episcopi ad CLEMENTEM VIII. missi, Confirmationem ejus per Literas Apostolicas receperunt. CLEMENS itaque VIII. magni nominis, & in recipiendis ad gremium Ecclesiæ Catholicæ, Orientis & Septemtrionis Episcopis felicissimus Pontifex, effusissimo Corde Nationi Ruthenæ propensissimus, suis Charitate plenis Literis Annô 1595. Septimo Kalendas Martij, Pontificatûs quintô Annô, decrevit; ut ille, qui in Metropolitam Kijoviensem, à Rege Poloniæ nominatus fuerit, Electionis, & Nominationis suæ Confirmationem & Institutionem, seu provisionem, nec non Consecrationis licentiam à Romano Pontifice obtinere teneretur. Ipse verò Nominatos Episcopos, Sufraganeos Suos consecrare, vel per se vel per alios Catholicos tres Episcopos, de licentia Sua, (in quorum defectu unus Græci, & duo Latini Ritûs Episcopi possunt adhiberi) illosque confirmare, nomine Sedis Apostolicæ posset, & valeret.

II. Porro Hierarchia Ecclesiæ Ruthenæ sub uno Metropolita continet Episcopos, qui juxta Sessionis locum in Synodo *Zamoscensi*, talem servant Ordinem: Vladimiriensis & Brestensis simul est primus post Metropolitam, tam Episcopus, ideoque Prothotronij Nomen habet. Illum sequitur Luceoriensis simulque Ostrogienensis, qui est Exarcha Metropolitæ totius Russiæ, deinde Archiepiscopus Połocensis, simulque Vitebscensis, Mscislaviensis, Orizanensis, & Mohyloviensis. Połocensem subsequitur Leopoliensis,



poliensis, simulquè Haliciens & Camenecensis in Podolia. Posthunc Archiepiscopus Smolenscensis & Severiensis, deinde Præmisliensis simulque Sanocensis & Samborienſis, post hunc Chetmensis, simulque Belzensis, deniq; Pinscensis, & Turoviensis. Hi sunt Suffraganei Episcopi Metropolitæ totius Russiæ, qui in suis Diæcesibus nunc habent Clerum, alium in Cælibatu viventem, eruditum, & exemplarem, alium uxoratum, in meliorem vivendi normam redactum.

III. Illustrat hanc Hierarchiam Antiquissimus æquè ac Sanctissimus Ordo Monasticus Magni Doctoris, Episcopi & Legislatoris Basilij, in Russia unicus, Parens omnium ferè Episcoporum, Abbatum, & Virorum illustrium sæcundissima. Hypatio debet primam suam reformationem, ille enim unum Vilnense obtinens Monasterium, in eo collectos juvenes Monachos erudiri curavit. Ejus Successor Joseph Velaminus pluribus Monasteriis in unam Congregationem redactis, Unitorum sub Nomine Sanctissimæ Trinitatis nuncupavit, cujus approbationem ab **URBANO VIII.** obtinuit **B. Josaphat Polocensis** Archiepiscopus Anno 1624. quem idem Urbanus Beatorum Martyrum Cathalogo adscripsit Annò 1646. In Synodo deinde Zamosciana ex mandato **CLEMENTIS XI.** præſidente Hieronymo Grimaldo Archiepiscopo Edeſſæ, Nuntio Apostolico, deinde Cardinali, Leone Metropolitæ curante, reliqua Monasteria, quæ separata erant, in unam Congregationem redacta sunt, approbante **BENEDICTO XIII.** Annò verò 1739. in Civitate Leopoliensi præſidente Archiepiscopo Metropolitano, Athanasio Szeptycki coactum est Capitulum Generale, celebratum in Ecclesia Suburbana Sancti Georgij Martyris, adstante Protho-Archimandrita, in quo totus Ordo Basilianus in binas Congregationes, Litvanam scilicet Sanctissimæ Trinitatis, &



Russiae Protectionis Deiparae Insignitam titulis, distinctus remansit. Denique in Capitulo Generali Dubnensi Anno 1743. eodem Athanasio Metropolita praesidente ex duabus praefatis Provinciis, unica Congregatio sub regimine unius Protho-Archimandritae composita, & constabilita est, cum alternativa Electione Protho-Archimandritae, Consultorum, & Officialium servanda, quam Ordinationem BENEDICTUS XIV. Anno 1744. adprobavit, plerisque dubiis resolutis illustravit.

IV. Ad Jurisdictionem Protho-Archimandritae spectant Abbates, Monasteria porro Abbatialia sunt haec: Monasterium Kijovopieczarense, cujus Ordinarius Abbas scribitur Metropolita, quamvis in aliena sit possessione Monasterium Onuphriense, Polocense Chlebo-Boryssense, Mielecense Suprasliense non incorporatum alicui Provinciae, sed Jurisdictioni Metropolitanae subiectum. Zydzynense, Owruense, Kobrynenense, Dermanense simulque Dubnense, Unioviente per Sigismundum I. Episcopatu Leopoliensi applicatum Anno 1539. Drohobuscense, Lauryszoviente, Lauroviente, Zolkieviente nuper fundatum ad Ecclesiam Parochialem Civitatem, Bractaviense, Grodnenense, Pinscense, simulque Leszczynense, Kaniioviente, Trocense, sunt quoque plura Monasteria Monialium Basilianarum ex Nobilibus Virginibus sub Instituto S. Basilij virtutis laude florentibus congregata. Hanc Hierarchiam paucis commemorata ad Metropolitanos Archiepiscopos Kijovienses Primum progredior, in quorum statuenda Chronologia universi prorsus scriptores hallucinati sunt, quorum errorem & omissionem ex certis documentis illustrandum & emendandum pro viribus suscepi. A Kijoviensi Archiepiscopatu ad Haliciensem olim distinctum vindicandum pergo, ab eo ad Leopoliensem Episcopatum, cui Haliciensis est unitus, calamum moveo  
Reliquos



Reliquos Episcopatus non omittam describendos, si ab Illustrissimis & Reverendissimis Episcopis Certiora obtinero monumenta, à quorum plerisque Epistolas habui, in quibus commodiori tempore sua documenta ex Archivis eruenda se transmissuros promiserunt.

## C A P U T II.

### *De Origine Russiæ.*

I. **R**ussia undè Nomen habet, variæ sunt Scriptorum opiniones, quidam enim Russiam à Rhos Principe Japheti filio juxta Ezechielem Cap. 38. & Cap. 39. appellatam opinantur. Et quamvis in Vulgata Editione nulla apud Ezechielem Rhosi mentio habeatur, in Versionibus tamen extat. Inter Benjamin filios septimus legitur Ros, Gen. Cap. 46. v. 21. Sed ab hoc originem Rhossorum, qui deduceret, ipse ab Hæbreis Russos oriundos somniaret. Alij Russum Fratrem Czechii & Lechi comminiscuntur, atque ab his Lechorum, Czechorum, & Russorum gentes descendisse arbitrantur, sed Russorum nomen multò antiquius est Lechis, & Czechis. Alij Russos sive ab Oppido Russo, sive à flumine Rossa, appellatos autumant, sed Conditores Urbium, non ab Urbibus, nec à fluminibus denominantur, sed potius Urbes & flumina à suis Conditoribus nomen sortiuntur. Deniquè sunt illi; qui Russiam à disseminatione, & dispersione Rossiam appellant, quod ipsum Nomen indicat, Rossieia enim Russico idiomate disseminationem significat, quod Divinis quoque comprobatum est Literis; de filiis enim Noëmi dicitur: *Tres isti filii Noë, & ab his disseminatum est omne genus humanum super universam terram.* Hinc est, quòd Græci Russos Sporos, id est, dispersos,

B



spersos, vocant, gens enim Russica totam Sarmatiam Europæam, & Asiaticæ partem occupavit, atque ab Oceano glaciali, ad Mediterraneum usque Mare, & Sinum Adriaticum, nec non à Ponto Euxino ad Balticum usque suas Colonias extenderat.

II. Russia in Magnam, & parvam divisa est, Magna Russia, seu Rossia, postea Moschovia appellata est, quamvis enim Moscheni populi à Mosoch Japheti filio, qui in Genesi, & in Ezechiele memoratur, oriundi sint, quos Plinius & Strabo expressit, fieri enim potuit, ut Moschi populi, Colchis olim finitimi, in Russiam magnam, migraverint, ibique flumini & Urbi Nomen dederint, nullo tamen antiquo testimonio constat, id Moschorum nomen genti Russiæ ante Annum 1300. hæsisse, quia non ita pridem hoc nomen usurpare cæperunt, nec universim primum, sed unus de multis populis ita dici ceptus est, ex eo ferè tempore quo Gediminus Magnus Dux Lithvaniæ Anno 1319. Wolhyniam, totamque Russiam occupavit, ac subjugavit Sibi, & Joannes Danielis Ducis filius compulsus est Sedem suam in Urbem Moscuam transferre, & inde dicti sunt Moschi, seu Moschovitæ, quorum tamen Monarcha, non Moschoviæ, sed Magnæ Rossie titulo inscribitur. Parva Russia, quæ sub dominio Regis Poloniæ est, in rubram, nigram, & albam distingvitur.

III. Ante octavum Sæculum ignota sunt Ducum Russiæ nomina, quæ ab aliis potius finguntur, quam probantur. Roxanorum & Roxolanorum mentio quidem in Scriptoribus cum Græcis tum Latinis habetur, sed Roxolanorum nomine Scythæ quoque intelliguntur. ut Strabo, qui Tiberio Imperante res Geographicas scribebat. Lib. 2. Cap. 114: Habitant, inquit; ultra Borysthenem ultimi notorum Scytharum Roxolani. De eo genere fuit Oxia-



fuit Oxiares, cujus filiam Roxanam Alexandro Magno nuptam idem Strabo Lib. 7. memorat. Refert quidem Nicephorus Gregoras lib. 7. cap. 5. quendam Principem Rosfiacum Constantini Magni Dapiferum fuisse, id tamen Cangius in Notis ut commentum rejicit. Minus etiam veri habet, quod ex Socrate Lib. 3. Cap. 21. aliqui memorant, Antipatrum Episcopum Rhossu, interfuisse Concilio Antiocheno, ut legitur in Epistola Synodica ad Jovianum Imperatorem, Rhossus enim, seu Rhossopolis erat Urbs ad Sinum Issicum in Confiniis Syriæ, & Ciliciæ posita, ita enim legitur in Synodo VII. Act. 4. *Rhossopoli Ciliciæ*, de qua Strabo lib. 16. Rhossus inter Issum, & Seleuciam posita. Socrates itaque non de Episcopo Ruffico, sed de Episcopo Rhossopolis Urbis intelligendus venit. Multum etiam à vero aberravit Joannes Dugossius, Latinis Longinus, Nominatus Archiepiscopus Leopoliensis, cæteroquin egregius Rerum Polonicarum Scriptor, qui in Chronicis Suis pag. 25. hoc Commentum scriptis reliquit, quod Odonacer Ruthenus Annô Christi 599. sub S. Leone Magno in Italiam venit, Oresten captum, & Augustum quum Româ fugâisset, Victor quatuordecim annis tenuit, hunc Theodoricus Gothorum ad Aquileiam oppressit, & Ravennæ ad deditiorem maceravit, necavit, & à Ruthenis ad Gothos Regnum Italiæ transfudit. Exstat hujus facti memoria apud Volateranum Lib. 2. ubi non Odonacer, sed Odoacer, non Ruthenus, sed Italus appellatur, nescio, quo casu, pro Italo Ruthenum. posuerit Longinus, cum nullus Scriptor Victorem illum Ruthenum somniaverit.



# C A P U T III.

## *De Prima Conversione Russiæ ad Fidem Christi.*

I. **P**rimam Conversionem Russorum S. Andreæ Apostolo plerique adscribunt, hunc enim Apostolum è scythia venisse in Russiam, & in Montibus Kijoviæ constitisse, gentique Russicæ benedixisse, ac proinde Kijoviam Urbem à Kijo Duce ante Christi natalem conditam, ex Synaxario, & Majorum suorum traditione Rutheni gloriantur, quod tamen ab eruditis viris inter somnia rejicitur, sed quum Ecclesia Ruthena, quæ solemnè & præcipuo Cultu celebrat S. Andream, memoriam ejus adventûs in Russiam in Officio Ecclesiastico faciat, credibile id dixerim, si tamen ante Urbem Kijoviam conditam, in illis Montibus apparuisse credatur, in quibus postmodum Kijovia fundata est; sed utrum S. Andreas aliquos ad Fidem converterit, ignotum planè est. Ad alteram Conversionem progrediens, ut tempus illius designem, primos Duces Russiæ referam.

Kijus itaque primus Dux occurrit, cui duos Fratres Sicum, à quo Siekawice, & Chorevum, à quo Korewice, nunc Wyzogrod dictum, ac Lebeda Sororem, à qua Castrum Libice, tribuunt, hic à suo Nomine condidit Urbem Kijoviam Metropolim Russiæ, circa Annum 770. navali bello cum Græcis pugnasse, constat ex Theophane, Græco Scriptore, qui ad Annum 774. Constantini Copronymi 22. hujus belli mentionem fecit. Hoc Anno, inquit: Mense Majo, Indictione XII. Constantinus „Classem Chelandiorum bis millium in Bulgariam instruxit ipse adversus Russorum Chelandia in Danubium „aditum sibi paraturus movit. Hoc verò navale bellum  
Russorum



170  
Russorum, sine suo Duce geri non potuit, igitur si Annô  
774. Russi cum Græcis belligerabant, hōc Annô, non  
alium fuisse Ducem Russorum, nisi Kijum, oportet; quô  
Annô obierit, incertum est. Illi successerunt tres Fratres.

Oschaldus, Ascoltus, & Dyrus, qui navali bello  
Constantinopolim adorti, cum illam vallo cinxissent, Mi-  
cháel Balbus Imperator cum Patriarcha Photio ad Bla-  
chernense Deiparæ Templum venit, educamquē ejus-  
dem Deiparæ Sacram vestem, mari leviter intinxit, quo  
facto, fluctibus continuo excitatis, Russi fractis, quāvis-  
quē navibus domum redire coacti sunt, ut testantur Græ-  
ci Scriptores, Simeon Logotheta, Zonaras, Cedrenus, &  
alii, id contigisse Annô 859. sub Rurico Duce contendit  
Doctissimus Assemanus Tom. 4. Parte 1. Cap. 1. sed veri-  
us dixerim sub Oschaldo, testante id ex Annalibus Rus-  
sorum Mathia Stricovio, Scriptore Litvano, Russis Con-  
terraneo, Trucidatis Oschaldo, cæterisque Fratribus, Prin-  
cipatum obtinuit.

Oleclus seu Alexander, hic cum elegantem equum  
vatis præsenteret, quidve de illo augurarentur, quæsi-  
visset, mortem sibi ab eo equo causandam audivit, vati-  
cinium hoc fatalis eventus probavit, quum enim Equus  
ille interiisset, ejusque ossibus insedisset Oleclus cum il-  
lusionem vatum, mox è capite equi venenosus profiliens  
serpens, pedem ejus adeò lethaliter læsit, ut ex ejus mor-  
su vitam amitteret. Altercantibus de Principatu Russis,  
svadente Gostomislio, viro prudente, vocati sunt tres  
Fratres.

Ruricus, Sineus, & Trubor, seu Truwor, Principes  
Varagi, genere Slavonico oriundi, horum primus Duca-  
tum magni Novogrodi possedit, alter Album Lacum  
occupavit, ubi post biennium decessit, tertius Ducatum  
Plescoviensem, & Pskoviensem obtinuit, & uno dun-



taxat Anno supervixit: Plefcoviæ alto tumulto teñtus.

## C A P U T IV.

### *De altera Ruffiæ Halicienfis Converfione.*

**S**Criptor Libri Slavonici, cui titulus: Synopsis, editi Kijoviæ 1680. refert SS. Cyrillum & Methodium à Michæele Imperatore in Ruffiam miſſum adpoſtulationem Svatopolci, Roſtislai, & Coceli Principum, fed hæc relatio quam longè à vero aberret, inde patet; quod præfati Principes poſteriori ſæculo vixerint, & nondum viderint lucem, quando S. Cyrillus Apoſtolatum geſſit. Rejeñtâ hæc in Commentum Relatione. paucis mihi enarrandum eſt de his, SS. Apoſtolis Slavonicarum gentium quorum Vitam Slavonicè impreſſam Kijoviæ Annò 1700. Latinitate donatam à me, edidi in opere meo de S. Clemente Papa Annò 1757 impreſſo. Conſtantinus & Methodius Fratres Patre Conſtantino nobili cive Theſſalonicenſi, Matre Maria nati ſunt. Conſtantinus natu minor ab ipſis Matris uberibus Sanctitatem prætulit, nutrici ablactandus traditus, non niſi propriæ Matris uberibus nutrirı voluit. Adoleſcens cum Michæele Theophili Imperatoris filio, Literis deditus, à Grammaticæ rudimentis exorſus, adeò in Rhetorica, Arithmetica, Aſtronomia, Philoſophia, Muſica, & in Græcis artibus excelluit, ut à cunctis Philoſophus appellaretur. Hæbreæ, Græcæ, Latinæ, Syriacæ Lingvæ peritiā adſequutus, Monasticam vitam profeſſus, inſtitutus eſt S. Sophiæ Bibliothecarius, & Philoſophiæ Profeſſor, Miſſus à Michæele Imperatore in Syriam, quam occupaverant tunc Tartari, in Urbe Samarra, invenit Amurmuranam Principem, coram quo cum Saracenis longo tempore diſputans, poculum veneno infectum



fectum propinatum sibi innoxium bibit, Rediens Constantinopolim, recessit ad Montem Olympium, ubi Frater ejus Methodius abdicato militari honore, Monachum agebat. Iterum ambo mittuntur ad Chazaros, qui prope paludem Meotidem ab Hemero Iapheti filio originem ducentes, Hemeri, Cumeri, & à flumine Cymbro, Cymbri dicebantur. Ab Episcopo Chersonensi certiores facti de S. Clemente Martyre, & Pontifice, qui prope Chersonam exilium olim passus, in Euxino Marianchora alligata Collo, submersus fuerat, Post Solis occasum navigantes, circa ipsam mediam noctem viderunt egressam ex mari lucem instar Solis orientis, mox in eodem splendore illuxit Caput hominis, & tandem Corpus emerfit radians, quod videntes Viri Sancti, nimio perfusi gaudio, cum Summa reverentia acceperunt, & in navim asportaverunt, & reversi sunt ad Civitatem, ubi cum ingenti populi lætitia, portantes illud ad Ecclesiam Apostolorum, ibi honorificè deposuerunt. Acceptum deinde Sacrum Corpus ubique secum circumferebant; donec Romam pervenissent. Cum eodem Corpore S. Clementis pervenerunt ad Kahanum Gazarorum, à quo Summa reverentia excepti fuere; coram quo disputans cum Judæis & Saracenis Constantinus, convertit Kahanum cum primoribus & multitudine gentis. Disputationes autem Constantini Methodius connotavit, & in octo Discursus prædicabiles divisit, quæ in MSS. Slavonicis latent. Relictis ibi probis Præbyteris, cum reverterentur Constantinopolim, magnis muneribus sibi oblatis recusatis Christianos captivos ducentos obtinuerunt pro labore, pergentes autem per nemora, & loca inaquosa, cum sitim paterentur, offenderunt lacum, ex quo aqua falsa adconficiendum sal hauriebatur, aliis igitur dispersis per desertum propter aquæ fontem inveniendum,



Constantinus jussit sibi adferri aquam Salsam, quam in dulcem mutavit, omnesque Socios itineris recreavit. Redeuntēs Cherſonam, quū Constantinus cænaret cum Episcopo, post Cænam finitam dixit; Episcopo Georgio; ora Pater, & da benedictionem tuam mihi, sicut Pater solet benedicere filio benedictione extremâ; aliis verò secreto dixit: Episcopum crastina die moriturum, quod prædictum eventus probavit. Bulgariam quoque cum Rege, & tota gente converterunt ad Fidem, quorum auditâ famâ Comes Moraviæ rogavit Imperatorem, ut illi mitteret eosdem Apostolos, Constantinus igitur imprimis invenit Alphabetum Slavonicum, & interpretatus est Evangelium S. Joannis, quod cum audiret coram se lectum Imperator, cum Patriarcha, & toto Clero lætabatur nimis, & glorificabat Deum. Omnibus tandem necessariis provisi ab Imperatore, iter cæperunt feliciter in Moraviam, per Russiam Haliciensem cum Corpore S. Clementis festinantes, ut allegatur apud P. Rutkam in Suo Tribunali, plerosque ex Russis convertisse credibile est, illo enim tractu directius iter nacti sunt in Moraviam; Rurico Principe Russiam gubernante.

## CAPUT V.

### *De Episcopatu Constantini Philosophi.*

**M**ethodium fuisse consecratum ab Adriano II. Archiepiscopum Moraviæ constat ex Joannis VIII. Epistola 194. in qua Archiepiscopum appellat Methodium. De Constantini, seu Cyrilli Episcopatu dubitat doctissimus Assemanius, Vaticanæ Bibliothecæ Præfectus, & Canonicus, quia Tom: 3. parte 1. Cap. 2. pag. 115. Cyrillum Monachum & Præbyterum tantum fuisse asserit,



rit, JOANNIS VIII. ductus silentio, qui Epistola 247. ad Svatoplugum Moraviæ Comitem, Constantinum Philosophum tantum appellat, sed si Assemani valeret ratio, sequeretur ex allato Joannis Papæ testimonio, Constantinum nec Monachum nec Præsbyterum fuisse, sed tantum Philosophum, quod nec ipsemet Eruditus Assemianus admittere potest. Non ergo majoris est ponderis Silentium Joannis, loquentibus positivis, ut ajunt, argumentis Martyrologij Romani, Dubravij, antiqui Boheimiæ Scriptoris, aliorumquæ omnium Scriptorum, qui Constantinum & Methodium, utrumque fratrem Episcopali dignitate insignitum testati sunt. Porro in antiquissimo libro Slavonico, cui titulus: Sobornik; hæc habentur: Cum Adrianus Papa audisset, quod Cyrillus secum portasset Ossa S. Clementis Romani Pontificis, egressus est ei obviam, cum toto Clero, & recepit Libros Slavonicos, & benedixit illis, & posuit in Ecclesia S. Mariæ Pacis, ubi absolutô Sacrificio, jussit illos, scilicet Constantinum & Methodium consecrari per Formosum & Gordium, qui quum essent consecrati, cantaverunt Missam Slavonicè in Basilica S. Apostoli Petri, & in crastinum cantaverunt in Basilica S. Pauli. In alia autem vita Slavonica superius laudata habetur; Quinquaginta diebus ægritudinem passus Cyrillus, Episcopatu deposito, Spiritum Deo reddidit. Standum igitur est potius communi Sententiæ Scriptorum, asserentium Sanctum Cyrillum fuisse Episcopum, quam Silentio Joannis hanc tanto viro adimere dignitatem.

## C A P U T VI.

*De Inventore Literarum Slavonicarum.*

Duplicem Alphabetum, Illiricum, & Slavonicum distinguunt Scriptores, primi, Inventorem faciunt  
D S. Hie-



S. Hieronymum Dalmatam Doctorem Ecclesiæ, alterius, S. Cyrillum. Vidi ego in Bibliotheca Vaticana, Sixtino Clementina, utrumque Doctorem inter Inventores Literarum depictum in parietinis. Sub S. Hieronymo hæc leguntur: *S. Hieronymus Illiricarum Literarum Inventor.* Sub S. Cyrillo, qui in Pontificali Græco Ornatu depictus est, ad Cujus pedes anchora jacet, in signum inventi ab eo Corporis S. Clementis, anchorâ demersi, hæc leguntur: *S. Cyrillus aliarum Illiricarum Literarum Inventor.* Si hæc diversitas Alphabetorum admittitur, constat, S. Cyrillum Slavonici Alphabeti, non Illirici Inventorem fuisse. Testatur id luculentis verbis JOANNES VIII. in Epistola 247. Indictione XIII. Annô „880. ad Svatoplugum Moraviæ Comitem scripta. *Litteras quoque, inquit Joannes, Slavonicas à Constantino quondam Philosopho repertas, quibus Deo laudes debite resonent, jure laudamus, & in eadem lingua, Christi Domini nostri præconia, & opera, ut enarrentur, jubemus.* Nullam hic mentionem facit Joannes Illiricarum Literarum, nisi Slavonicarum, quarum repertorem seu Inventorem Solum asserit Constantinum.

## C A P U T VII.

*JOANNES VIII. Concessit usum Lingvæ Slavonicæ in Sacris adhibendum.*

Cum magno labore didicissent lingvam Slavonicam Sancti Doctores, Constantinus & Methodius, ex Græco Idiomate interpretati sunt Slavonicè Sacram Scripturam, Liturgias, & omnia ad Cultum Dei spectantia Græca opera, & cum hoc idiomate primum coram



coram Imperatore Constantinopoli, deinde in Russia, & in Moravia Sacra peregerunt, demum Romam venientes coram Adriano II. cantaverunt Liturgiam, quem ritum laudavit quidem Pontifex, sed Apostolicis Literis necdum confirmavit. Successor tandem Adriani JOANNES VIII. laudata Epistola 247. Confirmavit his verbis: „Nequè enim tribus tantum, sed omnibus lingvis Dominum laudare, Auctoritate Sacra monemur; quæ præcipit dicens: Laudate Dominum omnes gentes, & colate eum omnes populi. Et Apostoli repleti Spiritu Sancto, locuti sunt omnibus lingvis magnalia Dei. Hinc & Paulus, Cælestis quoque tuba intonat, monens: Omnis lingua confiteatur, quia D. N. JESUS Christus in gloria est Dei Patris. De quibus etiam Lingvis in prima ad Corinthios Epistola fatis, & manifeste nos admonet, quatenus lingvis loquentes, Ecclesiam Dei ædificemus. Nec sanè fidei vel doctrinæ aliquid obstat, sivé Missas in eadem Slavonica lingua canere, sivé Sacrum Evangelium vel Lectiones Divinas novi, & veteris Testamenti benè translatas & interpretatas, legere, aut alia horum Officia omnia psallere, quoniam qui fecit tres lingvas principales, Hæbraicam scilicet, Græcam, & Latinam, ipse creavit & alias omnes ad laudem, & gloriam Suam. Jubemus tamen, ut in omnibus Ecclesiis terræ vestræ, propter majorem honorificentiam Evangelium Latine legatur, & postmodum Slavonicâ lingvâ translatum, in auribus populi, Latina verba non intelligenti annuncietur. Et si tibi, & Judicibus tuis placet, Missas Latina lingua magis audire præcipimus, ut Latine Missarum Tibi Solemnia celebrentur, hæc ille.

Sed mos ille celebrandi rita Slavonico non diu duravit apud Moravos, & Bohemos; dat rationem Sta-



nislaus Hofius Episcopus Varmienſis, & Cardinalis, Dia-  
 logo de Sacro vernaculè celebrando Tom. 1. pag. 644.  
 quod plus adferre detrimenti, quam emolumenti vi-  
 ſus eſt, Sed non ea cauſa fuiſſe videtur, ſed quia à Ro-  
 mano Pontifice iis in locis non niſi Latinæ lingvæ ho-  
 mines ad Sacerdotium, & Episcopatum promoveri juſſi  
 fuerint, & quia poſt extinctum Moravorum Regnum Du-  
 ces Bohemiæ, ubi Latinam lingvam in Divinis Episco-  
 pi uſurpabant, Moraviam obtinentes, eundem illum mo-  
 rem in vexerunt. Undè cum Vratiſlaus Rex Bohemiæ  
 peteret reſtitui ritum Slavonicum, Gregorius VII. Lib. 7.  
 „Epistoſa 2. it' ei reſcripſit: Quia Nobilitas tua poſtula-  
 „vit, quod ſecundùm Slavonicam lingvam apud vos Di-  
 „vinum annueremus Celebrari Officium, ſcias nos huic  
 „petitioni tuæ nunquam poſſe favere.

Quæ tamen Pontificis verba non afficiunt Ruſſos,  
 quia Sedes Apoſtolica hunc Ritum ſæpius retineri præ-  
 cepit, ut juxta Privilegium JOANNIS VIII. literali Sla-  
 vonicâ lingvâ in Divinis Rutheni uterentur. Quod IN-  
 NOCENTIUS IV. Annò 1248. in Epistoſa ad quendam  
 Episcopum apud Raynaldum, CLEMENS VIII. URBA-  
 NUS VIII. PAULUS V. INNOCENTIUS X. BENE-  
 DICTUS XIII. qui Synodum Zamofcianam Anno 1720.  
 ab Episcopis Ruthenis celebratam in qua Slavonicæ lin-  
 gvæ uſus in Divinis Celebrandis commendatur, confir-  
 mavit, ac denique BENEDICTUS XIV. Sua Conſtitutio-  
 ne 98. die 2. Maij Annò 1744. declaravit.

## CAPUT VIII.

### *De Præſtantia Lingvæ Slavonicæ.*

**T**Res Lingvas narrat Sacra Scriptura fuiſſe in Cruce  
 Chriſti, Hæbreæ, Græcæ, & Latinæ, myſteri-  
um



um certè latuit in his tribus Lingvis, nam Hebrea lingua uest Sancta, Græca est lingua Sapientiæ, Latina est lingua Imperij, his igitur tribus lingvis titulus Christi Crucifixi constabat, ut innueretur, Eum esse unum de Trinitate, ac per lingvas Verbum Æternum significari, per Hæbream Sanctum Sanctorum, per Græcam Patris æternam Sapientiam, per Latinam totius universi Imperatorem credi debere, ac prædicari. Placuit etiam nobis mysteriosam imitari normam, & ad maiorem gloriam tribus lingvis celebrati Nominis Christi Crucifixi, & ad publicam utilitatem. Equidem duæ lingvæ, Græca, & Latina, meræ sunt Crucis Christi notæ, pro tertia verò lingua Hæbrea, substituimus Slavonicam, Matrem certè multarum lingvarum. Accedit ad augmentum Splendoris lingvæ Slavonicæ, quòd ipsissimam habeat pro origine gloriam, nam quod est Græcis, & Latinis gloria, hoc Slavis est *Slawa*, indeque per nominis Etymum, ab hoc nomine & gens, & lingua Slavonica ortum suum gloriosissimum deduxit, ac gloriam Christi prædicat, quam Hæbrea nunc blasphemat.

## C A P U T IX.

### *De Tertia Russiæ Conversione.*

**Q**Uùm Sancti Fratres, Constantinus seu Cyrillus, & Methodius, in Moraviam è Russiæ partibus migrassent, à Basilio Macedone Imperatore Græcorum, post absolutam Synodum octavam Annò exeunte 870. Missus est in Russiam Archiepiscopus, ab Ignatio Patriarcha ordinatus, is quùm venisset in Russiam, in Conventum Procerum à Principe Rurico vocatus & miracula Salvatoris exponeret, illi subdiderunt, nisi vide-

E rent



rent simile miraculum, quale in tribus pueris in camino ignis illæsis, factum audiverant, non credituros ejus verbis, petieruntque Librum Evangeliorum in rogam injici ab eis accensum, ut si quidem librum nihil flamma læsisset, ad Deum accessuros, qui ab illo prædicabatur; quibus sic dictis, ac Sacerdote oculos, ac manus ad Deum levante, ac dicente: Clarifica Nomen Sanctum tuum JESU Christe DEUS noster, etiamnum in oculis gentis hujus universæ, Sancti Evangelij liber in rogam ignis conjectus est, nec paucis decursis horis, ac rogô exinde extinctô, inventum est Sacrum Volumen illæsum, nec edacis flammæ vi ulla violatum, quô visô, ac miraculi magnitudine instuporem acti, omni sublatâ hæsitazione, Baptismo intingi cæperunt, ita refert Constantinus Porphyrogenitus in Basilij avi sui vita Num. 96. hæc sub Rurico Principe contigisse certum est, qui an hoc miraculô Fidem suscepit, non constat. Rurico Successit.

Ihorus, qui Uxorem duxit Olcham, Nepotem Goslomislij Ducis Pskoviensis, deindè ingenti classe comparatâ Græcas Urbes ingressus, cunctas vastabat, Constantinopolim demùm obsidens, à Romano Græcorum Imperatore victus, vix aliquam suorum partem Kijoviam salvam reduxit, ut testatur Luitprandus Lib. 5. Cap. 6. qui Igorum vocat Ruslorum Regem. Zonaras quoquè tradit Russos quindecim millia Navium habentes, repulsam passos esse. Hoc factum Annô 941. testante eodem Luitprando. Cedreno, Zonara. Cum autem injusta tributa à Dreulanis, exigerent, à Duce illorum Niskinia percussus, occisus est.

## C A P U T X.

### *De Quarta Russiæ Conversione.*

**O**Lcha Ducissa defuncto Ihoro vidua relicta, cum unico filio



filio Swiatoslao, necem mariti ingeniosis artibus de Dre-  
wlanis sæpius ulta, Constantinopolim ad Constantinum  
Porphyrogenitum, non ad Joannem Zemisce, ut Crome-  
rus, & alij mendosè scripsère, venit. Christianis legi-  
bus instructa, baptizata est Nomine Helenæ, Annò 955.  
reversa Kijoviam, magnam Russorum partem Christo ac-  
quisivit, primaque Christiana ex Principibus, & Aposto-  
la gentis suæ facta est. Filium tamen Suum ad ample-  
ctendam Fidem inducere non potuit. Obiit Sanctitate  
Clara, cujus Corpus honorificè Kijoviæ sepultum, à Vla-  
dimiro ejus Nepote sublevatum est, colitur à Russis die  
XI. Julij. Helenæ successit.

Swiatoslaus, hic ex jussu Uxore duos filios habuit,  
Jaropolscum, & Olechum seu Alexandrum, tertium verò  
Vladimirum ex concubina, nomine Maluska, filia cujus-  
dam Civis Novogrodensis, nuncupati Kaluscza, quæ in  
gynæcæo Helenæ erat, suscepit. Jaropolsco Ducatum  
Kijoviensem, Alexandro Ducatum Pereaslaviensem; Vla-  
dimiro magnam Novogardiam divisit. Joannes Zemi-  
sces Imperator Græcorum per Legatum Suum vocave-  
rat Swiatoslaum, ut adversus Bulgaros pugnaret, venit il-  
le, sed captam Bulgariam cum Sibi retinuisset, armaque  
insuper adversus Græcos movisset, factum est, ut ex ami-  
co inimicus factus, à Græcis profligatus fuerit, coactus-  
que pacem petere, tutumque reditum implorare. Cum  
rediret Kijoviam, in loco nimis periculoso, à Duce Pie-  
cingarum, cognomento Kures, natione Litvano, Capite  
plexus est, ejus cranium capitis auro tectum pro scy-  
pho adhibuit Kures, his in eo sculptis verbis: *Alienum  
quærendo, proprium amisit.* Obiit Annò ab Orbe con-  
dito juxta Calculum Græcorum 6480. Christi 972. Hinc  
emendandus est Herbeistenius, qui Græcos à Swiatoslao  
victos & spoliatos scribit, sub Basilio & Constantino Im-



peratoribus, cum hi Imperatores post Joannis Zemisches obitum Annô 976. imperare cæperunt, ut constat ex Græcis Scriptoribus Synchronis. Swiatoslao successit Jaropolsus.

Jaropolsus Swiatoslai primogenitus, Olgo, seu Alexandro fratri suo bellum intulit, incitante Svevoldo, qui principem honoris locum apud Jaropolsum obtinebat, cujus filium Alexander interfecerat, & immanitèr peremerat, nec multò post ipse quoque Jaropolsus à Vladimiro per speciem colloquij evocatus, similem exitum habuit.

## C A P U T XI.

### *De Quinta universali Russiæ Conversione.*

**V**Ladimirus omni Paterno Principatu potitus, tum primum unum Corpus Russiæ unius Ducis animo, & omnium manibus defendi cæptum, in molem ingentem, & robur adolevit. Finitimos Bulgaros, Croatas, cæterasque cognatas barbaras gentes subegit, ac tributarias sibi fecit. Chersonam, nec non septuaginta Castellam ad littus Istri posita Græcis, Præmisliam, & alia oppida Miecislao Poloniæ Duci jure Victoriæ ademit. Jamque Orientem ferrò cogitantem penetrare, Imperium Græcum timuit, Basilius & Constantinus Imperatores, augustâ affinitate destinatâ, Sororem suam Annam, filiam Joannis Zemische Imperatoris in matrimonium obtulerunt, paulo fermè tempore, quo Polonis lumen Orthodoxæ fidei per Dabrowkam Miecislai Consortem, à partibus Occidentis affulsit, Russis quoque favor Divinæ gratiæ studio Annæ Vladimiri Magni Conjugis ab ortu illuxit, Deo ita ordinante, ut à mulieribus & nox impietatis,



pietatis, & dies Evangelicæ veritatis, exordia fumerent. Cherſonam ducta Anna, mox Cæcum factum Vladimiri-  
rum, ut Cromerus, Miechovita, cæterique Poloni Scri-  
ptores memoriæ prodiderunt, invenit, qui ſuſceptâ Fide  
viſui reſtitutus, ſcribitur à Dlugoffio. Itaque Annò 988.  
Sacró lavacró tinctus à Michæle Metropolitano Catho-  
lico, quem Cherſonam miſerat Nicolaus Chryſoberges  
Patriarcha Conſtantinopolitanus, baptizati ſunt quoque e-  
jus ſimul filij, & tota familia, Nomen Baſilij impoſi-  
tum illi eſt. Kijoviam rediens ſecum attulit aliquas par-  
ticulas Offium S. Clementis Papæ, & Martyris, qui in  
Euxino mari propè Cherſonam ſubmerſus, per SS. Cy-  
rillum, & Methodium inventus erat, ut refert Stryikovi-  
us. Anna verò à fratribus Auguſtis in dotem inſignem  
particulam Vivifici Ligni S. Crucis, quæ nunc Lublini  
apud Prædicatores adſervatur, binasque Icones Deiparæ,  
quas à S. Luca pictas tradunt, quarum una per Ladisla-  
um Ducem Opolienſem in Claromonte collocata, à Cle-  
mente XI. Coronata Annò 1717. Altera per Leonem  
Ducem Ruſſiæ Haliciâ Leopolim delata; nuper à Bene-  
dicto XIV. apud Prædicatores Coronata veneratur, Ki-  
joviam ſecum detulit. Hinc falſi convincitur narratio  
illa, quæ ab Herbeſteinio ex Synaxario, & Annalibus  
Ruſſorum ſparſa eſt de Legatis à Vladimiro ad varias  
gentes miſſis, ut ſingularum nationum ritus explorarent,  
inter quos Græcum ritum præ cæteris placuiſſe Vladimi-  
ro, tum quia, ut advertit Doctiſſimus Aſſemanus, nequè  
Cedrenus, neque alij antiqui Scriptores Græci mentio-  
nem talis narrationis faciunt, feciſſent autem in gratiam  
Sux gentis, ſi verè contigisset, tum quia de Græca Re-  
ligione, rituque jam antea edocti fuerant per SS. Cyril-  
lum & Methodium, & poſt illos per Episcopum à Ba-  
ſilio Macedone in Ruſſiam miſſum, & Vladimirus ipſe



eam Religionem ignorare non poterat, si vera sunt, quæ de eo tradit in appendice pag. 110. Ignatius Kulcinus in hæc verba: Ab avia sua beata Olga imbutus Sacris Fidei mysteriis, jam ferè à puero cupiebat eam amplecti. Octavo post susceptum Baptismum Annò, scilicèt 996. Vladimirus Russos baptizari curavit, idola submersit in Borysthene, Templà ædificavit, inter quæ primum magnificentius in honorem Deiparæ erexit, sub titulo Patrocinij, totam gentem conversam protectioni ejus committens, ab eoque Festum Protectionis Deiparæ die 1. Sbris institutum, quùm de eo nulla in Menologiis Græcorum mentio habeatur. Constitutionem edidit, cujus meminit Herbesteinus, illamque refert Kulcinus integram, in specimine suo, quâ Decimas, Jura, & privilegia Ecclesiasticis debita, à suis Successoribus solvenda, & servanda imperavit; Magni Nomen promeruit, ob ingentem Fidei propagationem. Sed antequam factus esset Christianus à Ditmaro Episcopo Morsepurgensi arguitur de crudelitate, & nimia lascivia, octingentas enim concubinas servasse perhibetur, præter quinque Uxores justas, quarum prima fuit Rochmida, Ducissa Pskovien-sis, ex qua filios suscepit quatuor, Jsaclaum, Mscislaum, Jaroslaum, Wsewoldum, & duas filias juxta Stricovium. Altera Græca vidua relicta, Jaropolci fratris Uxor, ex qua prodiit Svatopolcus, occisor duorum Fratrum Davidis, & Romani, Tertia Bohema, ex qua prodiit Wse-slaus, Quarta quoque Bohema, quæ genuit Swiatoslaum, & Stanislaum. Quinta Bulgara, ex qua prodierunt Chleb & Borys, David, & Romanus in baptismo nuncupati. Susceptò denique baptismò, duxit Sextam Uxorem, Annam Augustissimam Virginem Græcam quæ genuit fili-am Mariam, Casimirò primo Regi Poloniæ desponsatam, Matrem Boleslai Audacis, occisoris S. Stanislai Episcopi Craco-

Cracoviensis. Hinc non concordant Scriptores in enumerandis filiis Vladimiri, tres habuisse filios Ditmarus, novem Miechovius, præter duas filias, quarum unam Prædislavam vocat, duodecim recenset Cromerus, scilicet; Wiseslaum, Ifaslaum, Stopolcum, Jaroslaum, Boryslum, Chlebum, seu Davidem, & Romanum, Stoslaum, Wsefoldum, Miecislaum, Stanislaum, Sudislaum, Poswidum, quibus distribuit ditiones suas, Wiseslao Novogrodum, Ifaslao Polockum, Svatopolco Turoviam, Jaroslao post obitum Wiseslai Novogrodum, Borysso Rostovum, Chlebo Muramum, Svatoslao Dereva, Wsewoldo Vladimiriæ, Miecislao Torocanum, Stanislaum Sinolenscum, Sudislao Plefcoviam, Poswido Wothyniam, Urbem Vladimiriæ à suo nomine condidit, & in ea Imperij sedem collocavit, Rebus suis dispositis, ac præclare omnibus gestis, Sacramentis munitus, ante Uxorem suam migravit à vita Berestovix die 15. Julij. Sed quo anno, discrepant Scriptores, Hofmannus enim in Lexico Universali verbo Ruricus, Vladimirus ait ab Anno 976. ad Annum 1005. Regnum Russiæ tenuisse. Herbesteinus verò mortem ejus ad Annum 1015. consignat, quarto anno post obitum Annæ Uxoris. Cedrenus vero pag. 718. Vladimirus. quem Bladimerum appellat, ante Annam Uxorem obiisse scribit, Annò 1022. Annam verò Annò 1025. ita enim pag. 719. ait: *Mortuâ Annâ Imperatoris Sorore in Russia, defunctô jam ante Bladimerô maritô.* Cedreno igitur Græco Scriptori major fides est adhibenda, quam recentioribus. Sepultus est Kievix in Templo Deiparæ, in marmoreo Tumulo conditus, quem Rutheni, uti Sanctum die 15. Julij magno Officio celebrant.



## C A P U T XII.

### *De Sede Kijoviensi Metropolitana.*

I. **T**Otius Ruffiæ Caput, & Metropolis olim fuit Kijovia, à Ruſſorum Principe Kijo ad Boryſthenis fluvij ripam occidentalem in loco feraci, & amœniſſimo condita ſæculo octavo. In hac Urbe florentiſſima Vladimirus Magnus Monarcha Ruffiæ, Chriſtianus factus, fundavit ſedem Archiepiſcopalem Metropolitanam, in qua collocari curavit Michæelem primum, hic verò quamvis titulo Metropolitanæ exornatus eſſet, diu tamen aliis Sedibus Episcopalibus Suffraganeis caruit, quæ ejus jurisdictioni ſubeſſent, quod compertum habeo ex Nicetæ Choniatis teſtimonio, quod exſtat lib. 5. Theſauri Fidei Cap. 5. ubi de Concilio primo Nicæno loquens hæc habet: Provinciarum enim aliæ unitantum, parebant, ut Scythia, & Ruſſia, uſque in hodiernum diem. Poſt Nicetæ itaque tempora crevit in Ruſſia Episcoporum numerus.

II. Kijovia itaque perpetua Sedes erat Metropolitanæ, à Michæele primo uſque ad Maximum, hic enim quum Litvani Ruſſiam devaſtaſſent, ac Kijoviam ſubegiſſent, relicta Kijoviâ, ſedem tranſtulit Vladimiriâ, cujus Succellor Petrus ob eandem cauſam relicta Vladimiriâ, cum aula ſimul Joannis Danielowicz Magni Ducis migravit in Urbem Moſkuam, in qua cum Ducis, tum Metropolitanæ ſedes fixa eſt, diuque manſit.

III. Cum Kijovia ea ætate Lituanorum Ducis ditionis eſſet, qui Romanæ Eccleſiæ ritus, & doctrinam impentẽ colebat, adeoque Florentinæ Unionis Decretum à ſuis admittere nitebatur, hinc factum eſt, ut Conſtantinopolitani Patriar-

Patriarchæ Schismatis tenaces, pro Kijoviensi Metropoli-  
tam alterum apud Moschovitas constituerint, qui Mo-  
scuæ, quæ Magni Ducis Sedes erat, una quoque federet.  
Rost Cyprianum igitur Catholicum, cum ejectus esset  
Photius, uniti Episcopi elegerunt Gregorium Bulgarum,  
disuniti verò quendam Micháèlem, usque ad Jobum, vi-  
gesimum tertium Metropolitam Moschensem.

IV. Sæculo itaque labente decimo sexto Hieremias  
II. Patriarcha Constantinopolitanus in Moschoviam pro-  
fectus, à Monachis conventus est, obnixè rogantibus, ut  
toti genti præficeretur Archiepiscopus, qui sui juris esset,  
nulli superiori alteri subiectus, ille annuit. Diploma Sla-  
vonico Sermone exaratum, quo novus Archiepiscopus,  
Patriarchæ instar constituebatur, demum in Urbe Moscuæ  
congregata Synodo coram Theodoro Duce, ejusque Con-  
juge, Jobum Archiepiscopum Rostoviensem, primum  
Moschoviæ Patriarcham renunciavit die 26. Januarij,  
Annò 1589. quæ omnia descripsit Chrysanthus Patriar-  
cha Hierosolymitanus Libro de Sacris Officiis Tergoviti  
in Valachia Græca dictione vulgato Annò 1715. Hiere-  
mias regressus Constantinopolim, convocatâ Synodo Jo-  
bum, uti Patriarcham cum omnibus prærogativis con-  
firmavit; ea conditione: ut Patriarcha Moschoviæ inau-  
guratus, à Constantinopolitano confirmari postulet, ut-  
que eidem quingentos aureos solveret. P. Bernardus  
Ribera Hispanus Ordinis Prædicatorum, Excellmi Du-  
cis de Liria Legati in Moschoviam Theologus & Missio-  
narius Apostolicus in Appendice Tomi II. exhibet Pa-  
triarchas Moschoviæ sequentes.

## PATRIARCHÆ MOSCHOVIÆ.

JOB I.

JGNATIUS II. cum Deme-  
trio ficto occisus.

NICON VI. post 15. Annos  
depositus ac in Monasteri-  
um intrusus, in Catholica

G

PHILA-



PHILARETUS III. antea fide pœnitens obiit.

Theodorus Romanow, pater

Ducis Michæelis

JOASAPH IV.

JOSEPH V.

JOSAPHAT VII.

PITIRON VIII.

JOAKIM IX.

ADRIANUS ultimus fedit

Annis 13. Successorem non habens.

V. Suppressum enim in totum fuit Patriarchatûs nomen à Petro Magno Alexiewicz statim ab obitu Adriani decimi Patriarchæ, qui Annô 1703. contigit, Petrus namque statuit, ut Ecclesiastica quæcunque negotia apud Synodum perpetuam, undecim viris constantem tractarentur, cui Metropolita unus præesset, quem Princeps designaret, itemque vice-præsides duo cum Consiliariis quatuor. Diploma Petri quô Synodum illam ad Imperij Sui Ecclesiam administrandam instituit, exhibet ex Slavonico Latine translatus Doctissimus noster Michæel Le-Quien in Oriente Christiano Tomo 1. pag. 1296.

VI. Cum Palatinatus Kijoviensis cum aliis nunc avulsus sit à Dominio Reipublicæ Polonæ, factum est; ut disunito Metropolita residente Kijoviæ, verus Kijoviensis Metropolita unitus in minori Russia fixam Sedem non habeat, sed in annexo Episcopatu per Sedis Apostolicæ dispensationem maneat. Chronologiam Metropolitanorum exhibuerunt, Herbestinius, Papebrochius, Quienus, Ribera, Kulcinus, & alij, sed ut ingenue fatear, nullus accuratam eorum exhibuit Chronotaxim, Quos ego illustrandos certioribus documentis suscepi.

## SÆCULO X.

### I. MICHAEL I.

Annô Mundi

Juxta Calculum Græcorum.

Christi 988.

6496.

N<sup>o</sup> Atione Syrus, ex Syria Constantinopolim venit, à Nicolao

Nicolao Chrysoberge Patriarcha Catholico ordinatus, missus Cherſonam, Annam Auguſtorum Sororem Vladimiro Magno ſponſandam comitatus, Vladimirus cum filiis baptizavit, Annô 988. octennio poſt, totam gentem Ruſſorum, ſubmerſis in Boryſthene idolis, Sacro fonte initiavit, quem Vladimirus in ſua Conſtitutione ita laudavit: Suſceptâ Sanctâ Fide Chriſti, obtinui ex Urbe Conſtantinopoli primum Metropolitam Kijoviensem Michâelem, qui baptizavit totam Ruſſiam. Hinc imprimis falſi convincitur Coſſovius, qui Michâelem à Sergio Photiani Schiſmatis aſſecla Annô 1000. miſſum fuiſſe contendit. Deinde hallucinantur quoque illi qui tradunt Vladimirus non à Michâele, ſed à S. Bonifacio Archiepiſcopo Latino Baptiſmum ſuſcepſiſſe, Auctoriſtate Romani Martyrologij ad diem 19. Junij, & S. Petri Damiani malè intellectâ, Librarij enim erratum eſt, qui Ruſſiam, pro Pruſſia, & Regem Ruthenorum, pro Ruthenorum, aut Boruſſorum apud Petrum Damianum poſuit, ex quo iſta à Baronio tranſumpta ſunt. Si enim à Latino Epicoſpo Vladimirus cum ſua gente Sacris initiaretur, Ritum utique Latinum, non Græcum amplecteretur. De Michâelis Sanctitate, hæc refert Kulcinius! Cum populus à Præbyteris baptizaretur in flumine, puer quidam è manibus Matris excidens, ſubmerſus fuerat, quem extractum in ripam, cum parens deploraret, precibus Michâelis Metropolitæ ſuſcitatum perhibet. Magnos labores in plantanda nova vinea Chriſti ſuſtinuit. Obiit plenus meritorum, & Corpus ejus hucusque incorruptum in Cryptis Kijoviæ requieſcit. Quot Annis ſederit, non concordant Scriptores, duobus duntaxat Annis Bernardus Ribera, quatuor Annis Michâel Quienus, Sexaginta Annis Kulcinius tradiderunt. Verius tamen dici poteſt, undecim ſaltem annis præſuiſſe Kijoviensi



Cathedræ, quod inde convincitur, quia ut testatur Vladimirus, Michâël totam Russiam baptizavit, baptismus autem totius Russiæ contigit toto octennio post susceptum baptismum à Vladimiro, ut doctissimus Assēmanus demonstrat, cum ergo Vladimirus Annô 988. sit baptizatus, Russia baptizata est Annô 996. tantæ autem multitudinis populus unô Annô vix Sacro fonte ablui potuit, undecimo igitur Annô Pastoralis Sux Curæ obijisse Michâelem constat.

## II. LEONTIUS.

Mundi 6507.      Annô      Christi 999.

Gente Græcus, quem Herbeistenius Leonem vocat, successit Michâeli, decrevit, ut Sedes Metropolitana Kijoviæ, & non alibi maneret stabilita. Ipso sedente Vladimirus Magnus obiit, cujus Corpus Leontius in marmoreo condidisse Mausoleo fertur. Si hoc verum est, quomodo Quieni ex Herbesteinio subsistet Chronologia? Leontio namque sexdecim Sessionis Annos assignat, Vladimirus verò ad Annum 1022. vixisse superius ostendi, quomodo ergo tumulare poterat Vladimirus Annô 1015. cum ipsemet Leontius prius diem extremum obierit? Longior igitur debet esse Leontij Sessio, ad Annum 1023. Annis viginti quatuor diuturna.

## SÆCULO XI.

### III. THEOPEMPTUS

Mundi 6531.      Annô      Christi 1023.

E Græcia oriundus, ille est, qui Dosithæo Hierosolymitano in amplissimo de Hierosolymorum Patriarchis opere Lib. 2. Cap. 2. §. 4. è Sabastiensi ad Kijoviensem Ecclesiam

Ecclesiam gubernandam translatus scribitur, & Theophi-  
lactus appellatur. Duo insignia Tempa in Urbe Kijo-  
via unum Divæ Sophiæ Sacrum, alterum Annunciatio-  
nis B. Virginis à Jaroslao Duce erectum, Solemni ritu  
consecrâsse perhibetur. Ab Alexio Patriarcha Catholi-  
co consecratus fuit, nondum Cerularij Schismate renova-  
to. Hoc tempore Svatopolcus Vladimiri filius duos fra-  
tres Chlebum & Boryssum, seu Romanum & Davidem  
interemit, quorum Corpora Deus miraculis illustravit,  
& innocentiam illorum vindicavit, quia Svatopolcum  
profugum, terra vivum absorbuit, post cujus interitum  
Jaroslau quietè regnavit, suumquè dominium amplius  
illustravit, datâ filiâ Suâ Annâ in Conjugem Henrico  
primo Galliarum Regi. Sedit hic Præful Annis novem.

#### IV. HILARION.

Mundi 6539.

Annô

Christi 1031.

Ruthenus Monachus, austeritate vitæ celebris, qui in  
Crypta, quam primus propriis manibus sibi effodit, diu  
latebât, cujus exemplo ducti Antonius & Theodosius. S.  
Theodori Studitæ asseclæ, profundiores Catacumbas erue-  
runt, in quibus eorum Corpora cum aliis benè multis,  
incorrupta hucusque venerantur, illi enim omnes in San-  
cta Unione vixerunt, & Sancta morte defuncti sunt.  
Inauguratus in Metropolitam Russiæ, & consecratus est  
Hilarion ab Alexio Patriarcha Catholico, non à Michæ-  
le Cerulario, Photiani Schismatis instauratore, Hinc re-  
fellenda est Scriptorum Ruthenorum traditio, quòd cum  
pervenisset fama in Russiam, renovati Schismatis per Ce-  
rularium, Prælati Rutheni non miserunt pro impetranda  
Bulla Constantinopolim, sed convenientes Kijoviam in

H

Tem-



Templo S. Sophiæ Hilarionem elegerunt, & consecraverunt Annô 1051. Imprimis enim falsi convincitur hæc traditio, quæ Annô 1051. Consecratum refert Hilarionem, Jaroslaus enim Princeps inivit consilium cum Hilarione Metropolitâ, ut Nomocanonem, id est, librum pœnitentialem, quô pœnam Canonibus præscriptam publicaret, ita enim in Constitutione sua loquitur: Ecce Ego Magnus Dux Jaroslaus, filius Vladimiri, juxta præceptum Patris mei, initô consiliô cum Metropolitâ Hilarione, transcripsimus Græcum Nomocanonem &c. Verum quum, uti testantur Cedrenus pag. 739. & Scylites pag. 102. Jaroslaus Annô Mundi 6544. Christi 1036. decesserit, Hilarionis electio & Consecratio Annô 1051. fieri non potuit. Deindè hæc Electio peracta est, antequam Cerularius, qui Photianum Schisma apud Græcos instauravit, die 25. Martij Annô 1043. post Alexij obitum Byzantinus Patriarcha inauguratus est, in festo S. Michæelis, quod Græci die 8. Junij celebrant, teste Cedreno pag. 758. Annô verò 1059. depositus fuit, vitamque cum morte commutavit, substituto in ejus locum Constantino Lichude, ut testatur Scylites pag. 808. Electio igitur Hilarionis, quæ facta est Annô 1031. inaugurationem Cerularij præcessit. Hilarioni Sessionis Annos viginti assignat Michâel Quienus, sed quum certum sit, Hilarionem interfuisse Synodo Constantinopolitanæ, quæ Annô Mundi 6575. Christi 1067. Celebrata est Joanne Xiphilino Patriarchâ, sponsalium causâ, sequitur, Hilarionem, ab Annô 1031. inaugurationis Sux pervenisse ad Annum 1068. adeoque triginta Septem Annis in Præfulatu vixisse.

V. GEORGI-

## V. GEORGIUS I.

Mundi 6576.

Annô

Christi 1053.

Græcus Kijoviam missus cum Michæle Monacho, è Studitarum Monasterio, à quo Theodosius percepit normam vivendi, quam Pieczarense Monachi. profitebantur, Georgio svadente, Demetrius Dux Haliciæ, Præmissiæ, & Wolhyniæ, filium suum ablegavit ad Gregorium Papam VII. Ducatum suum enixè commendans Protectioni S. Petri, cui etiam juramentum fidelitatis fecit, cui rescribens Pontifex, adprecatur ei patrociniū S. Petri, Boleslaum quoque Ducem Poloniæ admonuit ut avulsa ei restitueret, pacemque cum eo servaret, ut videre est Lib. 2. Epist. 74. apud Baronium ad Annum 1075. ex quo constat, Russiam à principio Sux Conversionis Catholicam fuisse, Hic Georgius Vladimiri Magni filios Romanum, & Davidem Sanctorum Martyrum Catalogo adscripsit, eorum Corpora in Urbem Wyzogrodensem transtulit solemniter, assistentibus Jaslao, Svatoslao, & Wsewoldo Principibus, Petro Pereaslaviensi, Michæle Juriensi Episcopis, Theodosio Hegumeno Pieczarensi, Sedit Annis quatuor.

## VI. JOANNES I.

Mundi 6580.

Annô

Christi 1072.

E Russia oriundus, Successit Georgio, Sapientiâ, liberalitate in pauperes & viduas conspicuus. Templum Kijoviæ ad Catacumbas, Solemni ritu, assistentibus Luca Bialogrodensi, Jsaia Rostoviensi, & Joanne Czerniechoviensi Episcopis consecrâsse perhibetur, Sedit Annis sex.



VII. JOANNES II,  
Mundi 6586. Annò Christi 1078.

Græcus genere, ab Alexio Imperatore Catholico in auguratus, Sanctæ Unionis laude clarus, nihil calamo dignum reliquit, quàm unò duntaxat Annò, ea in dignitate vixisset.

VIII. EPHREM  
Mundi 6588. Annò Christi 1080.

Græcus, Successit Joanni, quem Sanctæ Unionis cum Romana Ecclesia tenacem fuisse comprobatur ex eo; quod Festum Translationis S. Nicolai Archiepiscopi Myrhensis Metropolitæ Liciæ, & Thaumaturgi, acceptaverit, & in tota Russia celebrandum præceperit, Corpus S. Nicolai Victore III. Sedente translatum est Barium in Apulia; Cujus Successor Urbanus II. hoc Festum instituit, pro facta Unione Græcorum cum Romana Ecclesia, Urbanus enim convocatis Græcis Barium, Celebravit Synodum in sua præsentia, ubi disputante cum Græcis S. Anselmo Archiepiscopo Cantuariensi, de Processione Spiritûs Sancti, Græci Fidem Orthodoxam professi sunt. In signum igitur Unionis Ephrem Metropoli-  
ta Festum Translationis S. Nicolai die nona Maij celebrandum in Russia suscepit, quod deindè Synodus Zamosciana de præcepto colendum statuit. Sedit Annis 16. post quem Sedes vacavit Annò unò.

IX. NICOLAUS  
Mundi 6606. Annò Christi 1098.

Græcus, ab Alexio Comneno Imperatore, ob integritatem

gritatem Fidei Catholicæ ad Metropolitanam Sedem promotus, cui præfuit Annis duobus.

## S Æ C U L O XII.

### X. NICEPHORUS I.

Mundi 6609.      Annô      Christi 1101.

Græcus, inauguratus Metropolita, Vladimirus Monomachum Wsewoldovium unâ cum Metropolita Ephesino Regio diademinate Coronavit, Joannes enim Comnenus Imperator per Ephesinum, Legatum misit Vladimiro Coronam Regiam, quâ Kijoviæ à prædictis Metropolitanis Coronatus est in Monarcham Ruffiæ, Ruffiamque in plures Principatus divisam, iterum solus rexit, donec post ejus decessum inter filios partiretur Sedit Nicephorus Annis Septemdecim, Sedes vacabat Annis duobus.

### XI. NICETAS

Mundi 6629.      Annô      Christi 1121.

Græcus, missus à Joanne Calo Imperatore, filio Alexij Comneni Sedit Annis duobus.

### XII. MICHAEL II.

Mundi 6632.      Annô      Christi 1124.

Græcus, Successit Nicetæ, Vir pietate, & doctrinâ insignis, Constantinopoli pro more ordinatus, Synodo adfuit, quæ Annô 1155. Luca Chrysoberge Patriarcha, Soterichi Panteugeni causâ celebrata est. Adversus Soterichum



terichum pluribus argumentis ostendit, non solum Patri à Christo oblatum esse in Cruce Sacrificium, nec illi soli semel in Eucharistia offerre, sed sibi quoque uti DEO, & Spiritui Sancto. Quibus auditis, qui à Soterichio steterant, Ephesinusque præsertim Metropolita, mutata sententiâ rectæ doctrinæ subscripserunt. Ut testatur Leo Allatius in Vindiciis Synodi Ephesinæ pag, 585. Kijoviam veniens, Synodum celebravit contra quendam Martinum, circa modum locandi digitos ad Crucis signum ut refert Ribera Tom. 3. pag. 342. Obiit Annô 1156. Cum sedisset Annis triginta duobus.

### XIII. C L E M E N S.

Mundi 6667.

Annô

Christi 1156.

In Russia ortus, Civis Smolaticensis, probitate morum, doctrinâ, & Monasticæ vitæ laude commendatus, dignus fuit, ut sine recurſu ad Patriarcham eligeretur in Metropolitam. Quum enim fama pervenisset ad Russiam, renovari Photianum Schisma per Lucam Chrysobergen Patriarcham, Episcopi Catholici factô Consilio cum Jaslao Principe pientissimo, convenerunt Kijoviam, Onuphrius Czerniechoviensis, Theodorus Bialogrodensis, Eutymius Pereaslaviensis, Damianus Jurienſis, Theodorus Vladimiriensis, Niphon Novogrodensis, Emanuel Smolenscentis Episcopi, ac rejectô recurſu ad Patriarcham, elegerunt Clementem Virum præstantissimum, ut testatur Synodus Kijoviensis sub Cyrillo III. celebrata; „ubi ita dicitur: Prædecessores nostri id fecerunt sub „Jaslao Magno Duce, nam convocatâ Synodô, Canonice Clementem Metropolitam constituerunt, hæc ibi. Unde peractâ Canonica Consecratione, Clementem coronaverunt Sancti Clementis Papæ & Martyris Capite, in testimoni-

tevimonium subjectionis, & obedientiæ Romano Pontifici quam electus Clemens cum suis septem Episcopis electoribus, & cum Principe suo profitebatur, hoc factum singulari laude dignum memoriæ reliquit commendatum Eruditus Koiałowicz in Miscellaneis fol. 42. Hæc Coronatio magnam excitavit dissensionem in Episcopis Difunitis, qui electionem Clementis, uti contra præscriptam à Canonibus formam respuerunt, reclamantibus & respondentibus Catholicis Episcopis, servatâ impositione manuum, & Consecratione Clementem Canonicè fuisse ordinatum, impositionem verò Capitis S. Clementis, externam protestationem Obedientiæ Pontifici Romano fuisse adhibitam. Hinc falsum est, quod contrarij scripsere, Clementem fuisse depositum, & in locum ejus Constantinum subrogatum, tum quia Jſaslaus Princeps Catholicus nunquam hoc permisisset, tum quia Clemens juxta alios quatuordecim annis, juxta alios novem Annis regerat Sedem Suam, in eaque magnus Fidei Catholicæ defensor decessit, cum sedisset Annis novem. Cui successit.

#### XIV. CONSTANTINUS.

Mundi 6673.

Annô

Christi 1165.

Genere Græcus, non intrusus, sed electus in præsentia Rosislai principis Catholici, qui jus eligendi Metropolitam per Comprovinciales Episcopos strenuè sustinebat, quamvis Patriarcha ex Synodo Chalcedonensi Act. 16. illud sibi usurpasset. Sedit Annis tribus, totidem Annis vacabat sedes.

#### XV. THEODORUS.

Mundi 6680.

Annô

Christi 1172.

Græcus, electus ab Episcopis, & Consecratus, prius



emissiâ Fidei Catholicæ professione. Sedit Annis quatuor.

XVI. JOANNES III.  
Mundi 6685. Annô. Christi 1177.

Græcus, Sacris, politicisque Literis excultus, Constantinopoli missus Kijoviam, à Roscislao Principe Russiæ Catholico, filio Jfaslai, tamdiu admissus non est, donec Alexandro III. Romano Pontifici per Epistolam, veram obedientiam & fidelitatem testaretur, in qua Epistola ita „loquitur; ut refert Herbesteinus: Dilexi decorem tuum „Domine, ac Pater Beatissime, Apostolicâ Sede, ac vocatione dignissime, qui ex remotis respicis ad humilitatem, & paupertatem nostram, & aliis dilectionis fovet nos. Integram hanc Epistolam servari in Scriptis Slavonicis testatur Stricovius pag. 224. Joannes itaque sedit Annis duobus. Cui Successit.

XVII NICEPHORUS II.  
Mundi 6688. Annô Christi 1180.

Eo tempore electus & Consecratus Metropolita, quo Henricus Baldvini frater, è gente Gallica, Imperator Orientis inauguratus est, Maurocenus quoque Venetus Patriarchatum constantinopoli gerebat, proindè Nicephorum Catholicum fuisse constat. Sedit Annis triginta, Sedes vacabat Annô unô.

SÆCU-

# SÆCULO XIII.

## XVIII. MATHIAS.

Mundi 6719.

Annô

Christi 1211.

A plerisque Mathæus appellatur, Successit Nicephoro, in dignitate & fidelitate æqualis, ejus consensu Colomanus Andreæ Regis Hungariæ filius, ductâ in uxorem B. Salomeâ, Lesci quinti Ducis Poloniæ, filiâ, Boleslai Pudici Sorore, per Vincentium Kadubkonem, Episcopum Cracoviensem, in Regem Haliciæ & Vladimiriæ Coronatus est. Sedit Mathias Annis Octo. Sedes vacabat Annô unô.

## XIX. CYRILLUS I.

Mundi 6728.

Annô

Christi 1220.

Defunctô Mathiâ Episcopi Rutheni neglectâ Legatione pro impetrando Metropolitano Constantinopoli, elegerunt Cyrillum Ruthenum, pietate, & doctrinâ præstantem, qui Legatum expedit ad Honorium III. Papam, pro implorandis, & mittendis Viris Apostolicis in Russiam, sed Honorio hâc Annô 1227. defuncto, petitio frustrata est, Cujus Successor Gregorius IX. Papa cum Literis Apostolicis misit in Russiam S. Hyacinthum cum Sociis Annô 1233. qui Kijoviam veniens, Vladimirus III. Ryrikovium Ducem ad Unionem Sanctam convertit, filiam ejus cæcam illuminavit, filium ejus Svatoslavam tunc natum baptizavit, locum pro Ecclesia, & Monasterio ædificando obtinuit, cujus donationem Alexander Dux Litvaniæ & Kijoviæ Diplomate confirmavit Annô 1411. Dæmonem ex idolo fugavit miraculis, &

K

prædicatio-



prædicatione Ruthenos illustravit, totamque peragravit  
 Russiam, cum ingenti animarum lucro. Hinc minus ve-  
 ri habet Cromeri assertio, qui lib. 7. pag. 130. dicit;  
 non diu Vladimirus in Unione perseverasse, fuit equi-  
 dem turbatio modica in Russis propter Decretum Gre-  
 gorij Papæ IX. quo prohibebat Pontifex connubia La-  
 tinorum cum Schismaticis sœminis, sed labore S. Hyacin-  
 thi pacata est, ac Vladimirus constans in Unione per-  
 severavit adjuvante Cyrillo, qui fedit Annis Novem,  
 Sedes vacabat Annis duobus.

## XX. JOSEPHUS I.

Mundi 6739.

Annô

Christi 1231.

Successit immediatè Cyrillo, plerique affirmant, Cy-  
 rillo primo successisse alterum Cyrillum, fuit Joseph ge-  
 nere Græcus, patriâ Nicænus fide Orthodoxus, regnante  
 Svatoslao III. Vladimiri III. filio, qui primo prælio Vi-  
 ctor Tartarorum, altero prælio victus occubuit ut refert  
 Stricovius lib. 6. pag. 286. Sedit Joseph Annis quinque.

## XXI. CYRILLUS II.

Mundi 6744.

Annô

Christi 1236.

Ruthenus, pietate, doctrinâ, & zelo celebris, electus  
 Metropolita, regnante Daniele Romanowicz, Kijoviæ, &  
 Haliciæ Duce, qui contractô Matrimonio cum Constan-  
 tia Belæ IV. Regis Hungariæ filia, S. Cunegundis Soro-  
 re, duos suscepit filios Leonem & Romanum, ac duas  
 filias, Agaphiam & Mariam, Operâ S. Hyacinthi recon-  
 ciliatus Romanæ Ecclesiæ, ut refert Bzovius in Thau-  
 maturgo Cap. 15. misit Legatos ad Concilium Generale  
 Æcumeni-

Æcumenicum XIII. Lugdunense primum, ab Jnnocentio IV. postulans, ut receptus in gremium Ecclesiæ, Coronaretur in Regem Haliciæ, totiusque Russiæ, credidit JNNOCENTIUS promissis ejus, misitque Opisonem, Abbatem Messanensem, Episcopum Madensem, & Jacobum Crescentium Romanum Ord. Prædicatorum Theologum, qui Kijoviæ solemniter Coronârunt Danielelem in Regem Russiæ Australis, Cyrillus quoque nomine omnium Episcoporum, Cleri, & Monachorum juramentum fidelitatis misit JNNOCENTIO IV. Sedit Annis duobus, Sedes vacabat Annô unô,

## XXII. CYRILLUS III.

Mundi 6747.

Annô

Christi 1239.

Ruthenus, Successit Cyrillo II. ab JNNOCENTIO IV. accepit concessi, à JOANNE VIII. S. Methodio Archiepiscopo Moraviæ Privilegij Confirmationem Celebrandi Sacra idiomate Slavonico, Celebrasse Synodum Kijoviæ pro reformatione Cleri, certum est, Cujus Acta impressa sunt apud Kulcinium, In hac Synodo Consecratus fuit Serapion Episcopus Vladimiriensis. Peractâ Synodo habuit Sermonem ad Clerum, qui pariter extat in Specimine Kulcinij. Quùm Daniel Rex in Schisma pristinum, & crudeles mores recidisset, tristi nuncio ad JNNOCENTIUM delato, iterum mittitur Legatus Apostolicus, cui sociantur itineris Comites, Joannes Prandota Episcopus Cracoviensis, Gerardus Episcopus Russorum ex Ordine S. Dominici, alique, qui venientes Drohicinum, ad Danielelem, iterum abjuratô Schismate, Coronatus est, luculentam fidelitatis suæ Epistolam JNNOCENTIO misit, ac in vera fide vixit, usque ad An-



num 1266. quô, vitâ functus est. Cyrillus verò Sedit  
Annis triginta, Sedes vacabat Annô unô.

### XXIII. M A X I M U S.

Mundi 6778.                      Annô                      Christi 1270.

Ex Græcia missus Kijoviam, à Vecho Patriarcha  
Sanctæ Unionis Zelantissimo Propugnatore, qui pro ea-  
dem Martyrium quoque subire non recusavit. Sedem  
Metropolitanam Kijoviâ, Vladimiriâ transfudit Maxi-  
mus. Eo tempore celebratum est Concilium Generale  
XIV. Lugdunense Secundum, præfidente ipso Gregorio  
X. Papa, Anno 1274. in quo Unio Græcorum cum Ec-  
clesia Romana stabilita est, in hac Maximus vixit fide-  
litér, seditque Annis Viginti quinque, Sedes vacabat  
Annô unô.

### XXIV. C Y P R I A N U S I.

Mundi 6804.                      Annô                      Christi 1296.

Hic Cyprianus omissus est in omnibus Cathalogis  
Metropolitanarum Kijoviensium, ignotus certè fuit omnibus  
Scriptoribus, quia ignota erant Documenta illa, quibus  
probatur Successisse Maximo, Extat ille in Diplomate  
Leonis Ducis Ruffiæ, in favorem Ecclesiæ Metropolita-  
næ Haliciensis in Krytos sub Invocatione Dormitionis  
Deiparæ erectæ, dato, Haliciæ die Jovis, Octavâ Mar-  
tij, Annô à Creatione mundi 6809. qui correspondet  
Anno ab Incarnatione Christi 1301. hoc Diploma, Sla-  
vonica Simplici dictione, ut illa ætas inculta ferebat,  
scriptum, ad petitionem Gedeonis Bataban Episcopi  
Haliciensis & Leopoliensis Confirmatum fuit Auctoritate  
Regia

Regia STEPHANI Regis Poloniæ Annô 1581. die ultima Januarij, deindè à SIGISMUNDO III. Rege. Annô 1592. die primâ Octobris. In quo Diplomate Dux Leo præsentiam Cypriani Metropolitæ Kijoviensis exprimit, ut infra in Sede Metropolitana Haliciensi de illo plenius disputabitur. Hic ergo Cyprianus ab Anno 1296. ad Annum 1308. præfuit Sedi Kijoviensi, cum Sedisset Annis undecim.

## SÆCULO XIV.

XXV. PETRUS

Mundi 6816.

Annô

Christi 1308.

Petrus Successit Cyprianô, qui in Wothynia fidelibus Parentibus natus, cum ad huc in utero matris gestaretur videbatur Matri fovere Agnum candidum, è cuius capite prodibat arbor floribus, & luce emicans, tali præfagio fatura Sanctitas ejus præsignata fuit. Duodenis Vitam Monasticam elegit, in qua omnium Virtutum exemplar etiam provectis ætate demonstravit; arte pingendi præstans, Sanctorum Imagines plurimas penicillo, & Coloribus, & magis imitandis eorum virtutibus exprimebat, quarum pleræque miraculis illustratæ sunt. Præbyter ex Obedientia consecratus, in solitudinem secessit, ubi multis aggregatis Sociis, Angelicam Vitam duxit, non diu tamen abscondi potuit, defunctô enim Cyprianô, jussu Principis Constantinopolim navigavit, ubi ab Athanasio Patriarcha quum consecraretur in Metropolitam, facies ejus Cælesti luce fulgida cunctis apparuit. Reversus Kioviam, boni Pastoris partes implevit, Sed quum Gediminus Dux Litvaniæ totam Russiam sub-

L

jugaret



jugaret Sibi, Petrus Sedem Vladimiriâ movens, cum Joanne Danielis Ducis filio, migravit usque Moscoviam, antiquam Urbem primariam, primusque Moschoviæ Metropoli-  
 polita appellari cæpit, relicto Kijoviæ Vicariò, & inde Russi Moschovitarum nomine vocati sunt. Calumniis affectus, & accusatus apud Patriarcham, ab Andrea Episcopo Twerensi, convocata Synodo Pereflavij, accusator damnatus est, Petrique innocentia illæsa apparuit, Fidei Catholicæ magnus defensor fuit, nam quendam hæreticum resistentem veritati Catholicæ, anathemate punivit, qui paulo post interiit. Ejus svasu Joannes Dux in Urbe Moscu Magnificum Templum Deiparæ Virgini erexit, quod ab ipso consecratum fuit, Rebus præclare gestis, erectis in Cælum manibus orans, animam Deo reddidit, & in sepulchrò; quod propriis manibus sibi condiderat, tumulatus est, multis miraculis à Deo illustratus. Colitur à Russis die 21. Decembris. Præfuit Sedi Metropolitanæ Annis viginti uno. Sedes vacabat Annos duos. Hallucinantur plerique Scriptores, qui Joannem, illius Danielis filium comminiscuntur, qui Rex Haliciæ Coronatus fuit, Daniel enim hic patrem habuit Alexandrum Nevensem, sed quum careret Principatu, inter filios Alexandri non nominatur, ille verò Daniel Rex Romanum Ducem patrem habuit, hic plures habuit filios, ille duntaxat duos, Leonem, & Romanum. Joannes itaque dictus Calita, filius fuit Danielis Alexandrowicz.

XXVI. THEOGNOSTUS.  
 Mundi 6839.      Annò      Christi 1331.

E Græcia oriundus, in auguratus Metropoli-  
 tus fuisse creditur, tum quia Andronicus junior, magnus  
 Unionis Sanctæ Cultor Constantinopoli imperabat, unde  
 nisi

nisi Theognostus Catholicus fuisset, non permisisset Difunitum promoveri ad Metropolitanam dignitatem in Russia; tum etiam, quia Olgerdus Magnus Dux Litvanix, & Russiæ, qui suadente uxore Juliana Twerensi Fidem Christi amplexus est, non Græco sed Latino ritu fuit initiatus, quod indè comprobatur, quia Petro Gastoldo, Podolix, & Podlachiæ Palatinatum tradidit, Minoresque Conventuales S. Francisci Vilnam introduxit, eisque Templum erexit. Sedit Theognostus Annis viginti quinque.

XXVII. ALEXIUS  
Mundi 6864.      Annô      Christi 1356.

In Wolhynia Catholicis parentibus natus, Theodorum patrem, Mariam matrem habuit, in Baptismo Eleutherij nomen accepit. Cum duodecim esset annorum, & capiendis avibus intenderet, Somno correptus, audivit hanc Cælestem vocem; Alexi quid perperam laboras, en ab hinc eris homines capiens. Hâc voce ad sublimiorem Statum accensus, quum quintum supra decimum Annum viveret, Monasterium ingressus, Alexij Nomen consequutus est, miris virtutibus magnam sui famam comparavit, quâ motus Joannes Jwanowicz Dux eligi ipsum in Metropolitam curavit, quem Philotheus Patriarcha consecravit. Berdebecum Tartarorum Tyrannum adivit, & mirâ eloquentiâ vicit, & à vastatione Russiæ deterruit. Ejus famâ auditâ Amurates Agarenorum Rex rogavit eum, ut uxorem ejus cæcam illuminare non gravaretur, hoc nunciô acceptô Alexius, cum ad Sepulchrum Petri Metropolitæ prolixius oraret, innox Cereus mirabiliter accensus ardere cæpit, quò secum acceptô, ad Reginam cæcam ingressus, accensô cereô, & a-



quâ benedicta eam aspergens, mox ei visum restituit. Ut testantur monumenta sincera Ecclesiæ Ruthenæ. Plura Tempa erexit, inter quæ S. Michâeli, ad cujus Altare Sibi tumulum præparavit, tandem in bona Senectute, Sacramento Eucharistiæ refectus, obdormivit in Domino, & in suo Sepulchro conditus, miraculis clarere cepit, colitur à Russis die 12. Februarij. De illo scripsit Joannes Bollandus in Actis SS. ad eandem diem. Sedit Annis viginti.

## XXVIII. CYPRIANUS II.

Mundi 6884.

Annô

Christi 1376.

E Russia oriundus Coadjutor Alexij, eidem Successit, rejectis tribus intrusis æmulis ejus, Michâele, Pime-  
ne, & Dyonisio, quos partim ipsimet Duces Russiæ, par-  
tim Duces Litvaniæ repræsserunt, Solum Cyprianum, uti  
virum Sanctitate vitæ, & prudentiâ præstantem, dignum  
judicantes. Scripsit ille vitam Prædecessoris sui Alexij.  
Hoc tempore Jagello Dux Litvaniæ, susceptâ Fide Chri-  
sti, acceptoque Nomine Vladislai, electus & Coronatus  
Rex Poloniæ, suæ gentis factus Apostolus Magnum Du-  
catum Litvaniæ incorporavit Regno Poloniæ. Sedit Cy-  
prianus Annis triginta tribus, cujus meminit Basilius II.  
„Dux in sua Constitutione his verbis: Ecce Ego Ma-  
„gnus Dux Basilius, Demetrii filius. Sedens cum Patre  
„meo, Cypriano Metropolita Kijoviensi, & totius Russiæ  
„confirmavimus antiquum Nomocanonem de Judiciis  
Ecclesiasticis &c. Hunc Cyprianum confundunt cum Cy-  
priano primo, similitudine nominis ducti, cum utriusque  
diversa sint tempora, & documenta.

SÆCULO

# S Æ C U L O XV.

XXIX. P H O T I U S

Mundi 6917.

Annô

Christi 1409.

Post obitum Cypriani Metropolitæ, Episcopi congregati miserunt Constantinopolim Theodosium Episcopum Polocensem, rogantes Cæsarem; ac Patriarcham, ut ipsum Metropolitam constituerent, qui sederet juxta primævam consuetudinem in Sede Kijoviensi, & regeret primam Russiæ Ecclesiâ, Verum Cæsar & Patriarcha præstare hanc gratiam nolentes, rejecto Theodosio, miserunt Photium Græcum, quem minimè acceptare voluerunt Episcopi, & nunquam eum admisissent, nisi habiturum se assiduam residentiam ad Ecclesiâ Kijoviensem Sacrosanctè promississet, sed admissus, illico detexit suam peruersitatem, rarò enim manens Kijoviæ, frequentius verò excurrans in Græciam, thesauros Ecclesiæ asportabat, pessimis moribus, & Schismate inficiebat populum, quibus auditis Alexander Vitoldus Magnus Dux Litvaniæ, iussit convocari Synodum Novogrodi in Litvania, in qua congregati Episcopi, Theodosius Archiepiscopus Polocensis, ac Litvaniæ, Isacius Czerniechoviensis, Dyonisius Luceoricensis, Gerasimus Vladimiriensis, Gelasius Præmisliensis, Sebastianus Smolenscensis, Chariton Chelmenis ac Euthymius Turoviensis Episcopi, Photium accusatum, per Decretum deposuerunt, & ejecerunt à Sede Kijoviensi, qui Constantinopolim repetens, in Monasterio Pantocratoris sedit, multis secum advectis aureis, quos Joannes Paleologus Imperator in suos usus recepit, teste Sylvestro Syropulo. Sedit Annis Sex.



XXX. GREGORIUS I.  
Mundi 6923. Annô Christi 1415.

Genere Bulgarus, Cognomentô Cemivlacus, Vir eruditione insignis, & Catholicæ Unionis Studiosus, in eadem Synodo Novogrodensi in locum detrusi Photij electus die XV. Novembris, Annô 1415. verba Synodi refero: In Templo B. Deiparæ, invocatô Sanctô Spiritu, „per gratiam ab eodem nobis datam, elegimus, ac con- „secravimus Metropolitam Sanctæ Kijovienfis Ecclesiæ, „& totius Russiæ, nomine Gregorium, idque fecimus, „tum quia habemus Canones Apostolorum, in quibus „traditur, per duos, aut tres Episcopos, posse ordinari „Metropolitam, tum quia Prædecessores nostri similiter „fecerunt sub Jiaslao Magno Duce, nam convocatâ Synodo Canonice Clementem Metropolitam constituerunt. „Quod etiam testatur Alexander Witoldus in Decreto „contra Photium lato his verbis: In Præsenti Synodo „elegerunt unanimiter Metropolitam Kijoviensem, ac totius Russiæ, Gregorium, virum Religiosissimum. Scripsit Gregorius Epistolam ad Patres Concilij Constantiensis, pro concilianda Unione, quam ut efficacius promoveret, missus Romam à Vitoldo perhibetur. Cossivius illum alienum à Romana Ecclesia fuisse fingit, ideò quòd Festum S. Praxedis Tarnaviensis instituerit, quam Romana non colit Ecclesia, sed quam inane assertum, utique Romana Ecclesia plurimos Sanctos proprio officio non celebrat, quos celebrant diversæ Provinciæ, non tamen inde sequitur illas Provincias, earumque Episcopos esse hæreticos. Defunctô Vitoldô in tantum odium exarserunt disuniti, quòd ausi fuerint, adhuc vivente Gregorio, Gerasimum, seu Erasimum sibi eligere Metropolitam

politam, quem, Boleslaus Swidrigaylo Dux Litvaniæ, Vitebscij comprehendit, & vivum comburi jussit, teste Sricovio lib. 16. Cap. 5. Sedit Gregorius Annis viginti duobus.

XXXI. J S I D O R U S.  
Mundi 6945. Annò Christi 1437.

Jsidorum gente Bulgarum alij, Macedonem patriâ Theſſalonicenſem alij, Ruthenum plures dixerunt, & communi agnomine Jſidorus Ruthenus appellatus eſt. monaſterij S. Demetrii Conſtantinopoli Alumnus & Abbas, Vir Sapiens, Græcis, Latinisque Literis excultus, mirâ ſandi eloquentiâ, incredibili in promendis Scripturis, referendisque Patrum Sententiis memoriâ præditus, gravitate ac ſtavitate morum cunctis affabilis, & venerabilis fuit. Quùm Imperatori à Conſiliis eſſet, ad Synodum Baſileentem miſſus eſt, ut de Unione ineunda cum Patribus tractaret. Poſt reditum Ruſſiæ Metropoli- ta renunciatus, in Italiam venit ad Concilium Œcumenicum, quod EUGENIUS Papa IV. Ferrariam prius convocaverat, deindè Florentiam, ducentorum equitum comitatu ſtipatum Jſidorum adſuiſſe tradit Cromerus. In ea Synodo Græcorum cauſam ſtrenuè primùm tuitus eſt, tandem veritate victus, Unionis Decreto ſuffragatus eſt; ſubſcripſitque Suo, & Dorothei Antiocheni Patriarchæ nomine his verbis: Jſidorus Metropoli- ta Kijoviæ, & totius Ruſſiæ, locum tenens Apoſtolicæ Sedis, Smi Patriarchæ Antiochiæ, Dorothei, lubens ſubſcripſi. Conſtantinopolim regreſſus, Schiſmaticorum frangere perti- naciam non valens, in Ruſſiam rediit, ubi complures u- nioni reluſtantes invenit, quorum malitiâ oppreſſus, à Magno Duce Baſilio carcere maceratus, fugâ demùm,  
M2 para-



paratum sibi ignis rogam evadens Romam se recepit, ubi in Cardinalium Collegium unà cum Bessarione, Nicæno Archiepiscopo ab Eugenio cooptari meruit, titulo SS. Petri & Marcellini exornatus. Byfantium iterum repetens, ibi egit usque ad Urbis excidium, atque è Turcarum manibus in aliena veste evadens, Romam rediit, Metropolitanam dignitatem Summo Pontifici resignavit, à NICOLAO V. Episcopus Sabinensis, à PIO II. Patriarcha Constantinopolitanus, renunciatus, obiit plenus dierum & meritorum Romæ die 27. Aprilis, Annò 1463. Sepultus in Vaticano. Plura edidit opera, de capta Constantinopoli, & Nigroponte. Disputationes aliquot Actis Concilij Florentini insertas, Orationes in Annunciationem, Præsentationem, Assumptionem, & Nativitatem Deiparæ, quas ex Græco Latinitate donavit Mathæus Cariophilus Episcopus Cretensis. Appellatus est facundus Græcorum Doctor, & gentis decus. Sedit Annis quindecim.

## XXXII. GREGORIUS II.

Mundi 6960.      Annò      Christi 1452.

Bulgarus, fidelis amicus, & comes Isidori Cardinalis, qui dum Constantinopolim perrecturus, ut Legatione Summi Pontificis fungeretur, Metropolitanam dignitatem resignaret, non alii, nisi Gregorio conferendam curavit, itaque NICOLAUS V. Pontifex ad Commendationem Isidori, Gregorio contulit hunc honorem, illumque à se Consecratum, remisit in Russiam; fuit Gregorius Archimandrita S. Demetrii Constantinopoli, sinceræ fidei, & doctrinæ, quem Casimirus Rex Poloniæ lubenti animo recepit. Interea Jonas à Moschis electus Kijoviensem Sedem invadens, Gregorium ab illa conabatur

tur

30

tur expellere, qua de re consultus PIUS II. Bullam edidit Annô 1458. tertio nonas Septembris, quâ Jonæ Superiorem Ruffiam, feu Moschoviam, inferiorem verò Ruffiam, Regibus Poloniae fubjectam, Gregorio, ejusquè Succelloribus perpetuò adminiftrandam adjudicavit, Kijoviensî itaquè Metropolitano hos Suffraganeos Epifcopos effe voluit, fcilicèt; Polocenfem, Brestenfem, Smolenscensem, Luceorientem, Vladimiriensem, Præmisliensem, Chelmenfem, Leopoliensem, Haliciensem, Turoviensem. Abhinc Moschovia fuos, Ruffia Polonica Suos Kijovienses habere cæpit Metropolitâs. Kijoviensem regebat Gregorius, Moschoviensem verò Theodosius, & ejus Succellores, quos refert Ribera, ego Catholicos Kijovienses Metropolitâs profequor, relictiis Moschoviensibus. Emendandus est Kulcinius, qui Gregorium à Nicolao V. ordinatum dicit Annô 1442. quùm eô Annô nondum Pontifex electus fuerit Nicolaus, nam Annô 1449. electus est, & Pontificatum gessit ad Annum 1455. Gregorius fedit Annis Sexdecim.

XXXIII. M I S A E L

Mundi 6976.                      Annô                      Christi 1468.

Epifcopus primùm Smolenscensis, electus Metropolitâ Kijoviensis Catholicus, Legatos misit ad SIXTUM IV. fcilicèt Jacobum Notarium M. D. L. Joannem Sol-  
N
tan

---

Annô 1458 Leopoli, & Halicia necdum fuos habebât Epifcopos, fed per Vicarios regebatur, proindè nomine Epifcopatûs Leopoliensis & Haliciensis intelligendæ veniunt Diæcefes, Metropolitæ Kijoviensî assignatæ quæ post incurfiones Tartarorum proprium non habentes Epifcopum, referebantur ad Metropolitanum Kijoviensem ad Annum ufque 1539.



tan Thesaurarium, cum recognitione, & obedientia, huic Legationi subscripsere Misâel Metropolita, Joannes Kijoviensis, Macarius Vilnensis Archimandritæ, Michâel, & Theodorus Principes, Joannes Chodkiewicz Supremus Dux & Mareschalcus M. D. L. Demetrius Princeps, alijque. Sedit Annis novem.

### XXXIV. S I M E O N.

Mundi 6985.      Annô      Christi 1477.

Successit Misâeli in dignitate, fide, & moribus. Sedit Annis quinque.

### XXXV. J O N A S I.

Mundi 6990.      Annô      Christi 1482.

Hleзна, inauguratus Metropolita, Catholicus fuisse vel inde comprobatur, quòd Casimiro Regi Poloniæ, qui contra disunitos legem tulit, morienti assistebat, certè Rex Catholicus moriens non admisisset Pontificem de fide suspectum. Sedit Annis Septem.

### XXXVI. M A C A R I U S I.

Mundi 6997.      Annô      Christi 1489.

Archimandrita Vilnensis Monasterij SSmæ Trinitatis, qui subscripsit Legationi à Misâele expeditæ ad SIXTUM IV. electus Metropolita, sinceræ fidei fuisse pro certo habetur. Cossovius tradit, ipsum à Tartaris captum, & capite truncatum fuisse, cujus Corpus in marmoreo tumulo ad S. Sophiam incorruptum servari perhibet. Sedit Annis Sex.

XXXVII.

XXXVII. JOSEPH II.  
Mundi 7003. Annô Christi 1495.

Ex Nobili Litvana Proſapia Soltanorum ortus, ex Epifcopo Smolenscenſi renunciatus Metropolita, adeò ſincerus Sanctæ Unionis in Concilio Florentino ſtabilitæ fuit Cultor, ut ab ipſis Moſcis Latinus meruerit appellari, Annô 1510. Vilnæ Synodum celebravit, in qua nullam mentionem Patriarchæ, ejusque obedientiæ fecit. Alexandri Ducis Litvaniæ, fratris S. Caſimiri, Uxorem, Helenam Joannis Waſilewicz Ducis Moſchoviæ filiam ad Unionem Sanctam reducere ſatagebat, ſed irritò conatu, quia Alexandro electo Rege, Coronata non eſt in Reginam propter ſuam obſtinationem in Schiſmate. A Sigifmundo I. Rege, Succellore Alexandri obtinuit Privilegium in favorem Unitorum. Sedit Annis viginti duobus.

SÆCULO XVI.  
XXXVIII. JONAS II.  
Mundi 7025. Annô Christi 1517.

Archimandrita Minſcenſis ad importunas præces Helenæ Alexandri Regis Uxoris, Viduæ relictæ, à Sigifmundo Rege permiſſus occupare Sedem Metropolitanam, acerrimus impugnator Unionis, cujus ſvaſu plures Viri Nobiles, à Fide avulſi ſunt, inter quos Conſtanti-  
nus Princeps Oſtrogienſis fuit Principalis, cui dum Sigifmundus conferret Palatinum Trocenſem, adeò ægrè tulit Equeſtris Ordo; ut Rex in Comitibus Grodnenſibus



1522. Se, Suosque Successores lege adstrinxerit, nullum ab Ecclesia Romana alienum, ad Senatoriam promovere Dignitatem, Sedit Jonas Annis Sex, qui Jonæ Successerunt, ejusdem Fidei fuere, usque ad Michælem, ideo nihil dignum calamo reliquerunt.

XXXIX. JOSEPH III.

Mundi 7031. Annô Christi 1523.

Ex Episcopo Polocensi electus Metropolita. Sedit Annis Octo.

XL. MACARIUS II.

Mundi 7039. Annô Christi 1531.

Olim Aulicus Helenæ Capellanus, Sedit Annis undecim.

XLI. SYLVESTER.

Mundi 7050. Annô Christi 1542.

Ex Familia Wielkiewiczorum, olim Thesaurarius M. D. L. deindè Archimandrita Vilnensis, demum electus Metropolita, Sedit Annis Septemdecim.

XLII. JONAS III.

Mundi 7067 Annô Christi 1559.

De Stirpe Protasowicz, ex Episcopo Pinscensi & Turovienti electus Metropolita. Sedit Annis Octo.

XLIII.

### XLIII. E L I A S.

Mundi 7075.      Annô      Christi 1567.

Cognomentô Kucza, pari sorte, & dote successit  
Jonæ. Sedit Annis undecim.

### XLIV. O N E S I P H O R U S.

Mundi 7086.      Annô      Christi 1578.

Cognomine Dziewocza quem Hieremias Patriarcha  
à Turcis expulsus Constantinopoli, per Poloniam va-  
gabundus, Vilnæ privavit dignitate Metropolitana, eò;  
quòd ei ingentem extorquenti pecuniam, dare recusa-  
verat. Sedit interim Annis decem.

### XLV. M I C H A E L III.

Mundi 7096.      Annô      Christi 1588.

Ex Illustri Profapia Rahosarum progenitus, ex illa  
enim, prodiit Rahoza Magnus Cancellarius Litvaniæ, al-  
ter Thesaurius Bogdanus, multique in Equestri Ordine  
rectefaciis illustres floruerunt. Micháel igitur ab eodem  
Hieremia in locum detrusi Onesiphori subrogatus, Sy-  
nodum Brestensem statim celebravit, in qua ab Episco-  
piscopis itum est in sententiam unanimem, potius Romano  
Pontifici, quam Patriarchæ esse obediendum, ut innuit  
Zochowski Metropolita in Colloquio Lublinensi fol. 32.  
Interea quum Jeremias constituisset novum Patriarcham  
in Moschovia, & ingentes pecunias indè collegisset,  
quibûs erogatis Turcarum Imperatori, Patriarchatum  
O.      Byfanti-



Bysantinum consequutus, memor injuriæ illatæ sibi à Michæle Ragoza, eò; quòd esset frustratus spe extorquendæ pecuniæ, Literam suam publicavit, quâ Micháelem à dignitate Metropolitana, & à Communione Ecclesiæ amovit, & exclusum declaravit. Quo nuncio offensi Episcopi Rutheni Catholici, instabant, ut Synodus Brestensis in Litvania convocaretur, quam convocavit Micháel Annò 1594. die secunda Decembris, Cujus nomine elegerunt duos Legatos, Hipacium Pociej, Vladimiriensem, & Cyrillum Terlecki Luceoriensem Episcopos, quibus suffragatus est Sigismundus III. Rex literis suis Regiis Commendatitiis Sedi Apostolicæ. Grato animo suscepit Legatos CLEMENS VIII. illosque in publico Cardinalium Consistorio Vaticano audivit, post osculum pedis, Professionem Fidei in manibus Pontificis, & juramentum fidelitatis super Evangelium fecerunt, cum Summa Urbis exultatione. Acceptis à CLEMENTE Literis, & benedictione, cum ad propria feliciter reverterentur, Micháel Metropolita iterum convocavit Synodum Brestam Litvaniæ Annò 1596. ad quam convenerunt Legati Summi Pontificis, Archiepiscopus Leopoliensis Joannes Sieniński, cum duobus Latinis Episcopis, Legatus Regius, Princeps Nicolaus Christophorus Radziwiłł, Dux & Palatinus Trocensis, Leo Sapieha Cancellarius M. D. L. Demetrius Halecki Thesaurarius, & alij. Itaque Metropolita cum tanto congressu veniens ad Templum S. Nicolai, jussit legi literas CLEMENTIS Papæ, quas legit Hermogenes Archiepiscopus Polocensis, quibûs lectis, mutuo pacis osculo omnes Episcopi reconciliati sunt. Liturgiam Metropolita cantavit, Concionatorem de Sancta Unione egit Petrus Skarga Soc: JESU, & sic sub anathemate pax & Unio stabilita est, & confirmata. Dum hæc agerentur, Nicephorus Schismaticus cum Ariamis,

nis, & Anabaptistis in quadam taberna convenientes, Synodum illam execrare ausus est, sed mox comprehensus & exilio damnatus est, dispersis asseclis. Tam præclare gestis rebus Micháel, obiit Annó 1598. Epistolam Synodicam ad CLEMENTEM VIII. directam, uti pretiosum Sanctæ Unionis testimonium exhibeo, quam refert R. P. Micháel Le Quien Tom. 1. pag. 1276. Sanctissime Pater, Pastor Summe Ecclesiæ Christi, Domine Clementissime.

Repetentes memoria consensum in omnibus, atque Unionem Orientalis, atque Occidentalis Ecclesiæ. Ac proinde, sciente, volenteque Domino nostro Sigismundo III. Dei Gratia Poloniæ & Sveciæ Rege, Magnoque Duce Litvaniæ, cujus singulare ac Sapientissimum Studium hac in re enituit; mittimus ad Sanctitatem Vestram carissimos fratres nostros Reverendos in Christo Hypatium Pociei Protothronum atque Episcopum Vladimiriensem ac Brestensem, & Cyrillum Terlecki Exarchum atque Episcopum Luceoriensem, & Ostrogiensem, quibus mandavimus, ut Sanctitatem Vestram adæant; ac, si quidem Sanctitas Vestra Administrationem Sacramentorum, Ritusque ac Ceremonias Orientalis Ecclesiæ integrè, inviolabiliter, atque eo modo quo tempore unionis illis utebamur, nobis conservare, confirmareque pro se & successoribus suis in hac parte, nihil innovaturis unquam, dignetur suo & omnium nostrum Archiepiscopi & Episcoporum, totiusque Ecclesiastici nostri statûs, & ovium commissarum nobis Divinitus nomine, Sedi Sancti Petri & Sanctitati Vestræ, uti Summo Pastori Ecclesiæ Christi debitam obedientiam deferant. &c. Data ex Regno Poloniæ & Magno Ducatu Litvaniæ die duodecima Junij. Annó Domini 1595. juxta Calendarium vetus.



Micháel Dei gratiâ Archiepiscopus, Metropolita Kio-  
vienſis, Halicienſis, & totius Ruſſiæ.

Hypation Dei gratiâ Protothronus, Episcopus Vladi-  
mirienſis Breſtenſiſquè.

Cyrillus Terlecki Dei gratiâ Exarcha, Episcopus Lu-  
ceorienſis, Oſtrogienſiſquè.

Gregorius nominatus Archiepiscopus Vladika Polo-  
cenſis, & Vitebſcenſis.

Micháel Kopyſtyńſki Episcopus Præmiſlienſis. Sam-  
borenſiſquè.

Gedeon Bałaban Episcopus Leopolienſis.

Dionyſius Zbirowſki Episcopus Chełmenſis.

Leontius Pełczycki, Episcopus Pinſcenſis, Turovien-  
ſiſquè.

Jonas Hohoł Archimandrita Cobrinenſis, Eccleſiæ S.  
Salvatoris.

Idem Jonas Hohoł, Nominatus Episcopus Pinſcenſis,  
Turovienſiſquè.

Reſcriptum CLEMENTIS VIII. per Legatos, Mi-  
cháéli Metropolitæ, cæteriſque Episcopis tranſmiſſum, uti  
inſigne benevolentiæ Pontificiæ pignus exhibetur.

## CLEMENS Papa VIII.

Venerabiles Fratres, Salutem, & Apoſtoli-  
cam Benediſtionem.

**B**enediſtus ſit Paſtor ille bonus, & Princeps Paſtorum  
qui animam ſuam poſuit pro ovibus ſuis, qui venit  
ut eas diſperſas adduceret, & congregaret, ut omnes u-  
num ſint, ſicut Ipſe & Pater unum ſunt. Benediſtus  
ſit Ipſe, qui dives eſt in miſericordia, & ſecundum di-  
vitias

vitias bonitatis Suae fecit vobiscum, & replevit nos gaudio Spirituali, propter conversionem vestram; ad hanc vestram Matrem Carissimam, Sanctam Romanam Ecclesiam, quæ est Magistra & Mater omnium Ecclesiarum, quæ Materno affectu, jam pridem hoc expectabat, & assidue precabatur à Patre luminum, qui dat Spiritum bonum, & Sapientiam his, qui invocant eum in veritate. Deus enim Ipse Cælesti sua luce corda vestra illustravit, ut veterum errorum tenebris disiectis, agnosceretis, quia unus est Deus, & una fides, & una Ecclesia Catholica, & Apostolica, supra unum Petrum Apostolorum Principem fundata, Cui Christus ipse, qui portat omnia verbo virtutis suæ, immobilis petræ firmitatem dedit, cui oves suas & agnos credidit, jussitque ei, ut ipse confirmaret fratres suos, Episcopos: qui in partem sollicitudinis vocantur, & veluti Caput, omnia membra regeret; unum est enim visibile Caput, Ecclesiæ Catholicæ, unus in terris Vicarius, æterni Sacerdotis, & Episcopi animarum nostrarum JESU Christi, Summus Romanus Pontifex, Beatissimi Petri Apostoli Successor, cui qui non adhæret, longè à via Salutis aberrat, & qui cum eo non colligit, dispergit. Rectè igitur Fratres, & piè, ac prudenter Spiritu Sancto Auctore statuistis venire ad montem Domini, & ad Domum DEI Jacob, ut doceret vos vias suas, & ambularetis in semitis ejus. Misistis enim ad Nos Oratores Vestros, pios, & Religiosos homines, & Dei zelo præditos, Venerabiles Fratres, Hypatium Vladimiriensem & Brestensem, & Cyrillum Luceoriensem & Ostrogiensem Episcopos, qui Literas vestras Nobis reddiderunt, quibûs significatis, cupere vos vehementer Corpori Christi, quod est Ecclesia Catholica adglutinari, & ad Nostram, & Romanæ Ecclesiæ Communionem admitti, quemadmodum olim Majores Vestri,



in Sacra Generali Synodo Florentina admissi sunt. Ac propterea vos iisdem Episcopis, & Procuratoribus Vestris, mandata dedisse, ut vestro & eorum proprio, totiusque Cleri, & populi nationis vestrae nomine, huic Sanctae Sedi, & humilitati nostrae, uti Summo Pastori Ecclesiae Christi, debitam Obedientiam deferrent. Nos igitur qui pro nostro Pastoralis Officio, nihil aliud quærimus, quam animas Christo lucrari, & fidem Catholicam propagare, eosdem vestros Co-Episcopos, tanquam Nuncios pacis, omni cum humanitate excepimus, idque tanto impensius, quod Carissimus Filius Noster Sigismundus Poloniae & Sveciae Rex, de vestra Salutari deliberatione ad nos scripserat, totumque hoc conversionis vestrae, & membrorum ad Caput conglutinationis pium negotium accurate commendaverat, quod nonnulli item Venerabiles Fratres nostri Poloni Episcopi fecerunt; quare petitionibus, & oblationibus vestris consideratis, quas iidem Episcopi, & Procuratores Vestri detulerunt, & omnibus, gravi & prudenti consultatione examinatis, & deliberatis, tandem ad laudem & gloriam Dei Omnipotentis, ad Sanctae Ecclesiae exaltationem, & fidei Catholicae incrementum, statuimus, Vos & Clerum populumque vestrum intra Ecclesiae Catholicae gremium recipere, & ad nostram, & Sanctae Romanae Ecclesiae Unionem admittere; quod ut ritu magis solemni fieret, certo praestituto die, qui fuit tertius & vigesimus, proximi Mensis Decembris, Sacro quatuor Anni temporum jejuniô, & Vigilia Natalis Domini insignis, Venerabiles Fratres nostros, Sanctae Romanae Ecclesiae Cardinales, eorumque Sacrum & amplissimum Collegium convocavimus: quibus nobiscum confidentibus multis etiam praesentibus Praelatis, & viris honoratis Aulæ Romanae, duos Episcopos, & Oratores vestros, introduci, vestrasque Literas & Decretum

tum de Unitate cum Romana Ecclesia petendi, & Obedientia Nobis, uti Capiti, & Summo Ecclesiæ Pastori præbenda, clara voce legi iussimus, primum Rutheno vestro Sermone, deinde Latino, mox iidem Episcopi duo, Catholicæ fidei Professionem, de scripto fecerunt, tam suo, quam vestro nomine, omnesquæ hæreses, & Schismata, & errores detestati sunt, & eos præsertim, qui vos hactenus à Sancta Romana Catholica Ecclesia separarunt, & disjunxerunt, & Nobis, qui licet indigni, & meritis impares, Deo tamen ita disponente, Beati Petri locum, & Auctoritatem tenemus, Successoribus Nostris, & Sanctæ huic Apostolicæ Sedi perpetuam obedientiam præstiterunt, quam Nos, unà cum iisdem Fratribus nostris Cardinalibus accepimus, & duos Episcopos Oratores vestros, & te Frater Archiepiscopo, & vos omnes Episcopos Corpore quidem absentes, sed Spiritu præsentis, uti Fratres, & membra nostra, unà cum Clero, & populo vestro, complexi sumus caritate sincera, in visceribus intimis JESU Christi, tanto nostro cum gaudio, & omnium qui aderant, quantum ne cogitatione quidem quemquam æstimare, nedum verbis exprimere satis licet. Ergo in æternum benedicta sit Sancta, & individua Trinitas, quia fecit nobiscum misericordiam suam. Fratres verò nostros, Hypatium & Cyrillum Episcopos, Prælatos nostros Domesticos, & Assistentes fecimus, qui sæpius nobiscum interfuerunt, ad Sacrum & tremendum sacrificium, & Solemnes Divinorum Officiorum functiones, & præcipuè in Basilica religiosissima, ad Venerandum Corpus Principis Apostolorum, ut veræ Unionis, & Communicationis in Christo, manifesta signa exstarent. Eosdem autem cum opus fuit, benigne ad Nos, privatim etiam admisimus, & dum hic fuerunt, omni cum humanitate tractari iussimus, & discedentes, omni erga vos, &  
P<sub>2</sub> illos,



illos, benevolentiae significatione profecuti sumus. Quae enim expetere visi sunt, libenter, quantum cum Domino licuit, concessimus, Ritus enim, & Cæremonias vestras quae Fidei Catholicae integritatem, & mutuam nostram conjunctionem, nequaquam impediunt, eadem ratione, & modo, quo à Concilio Florentino permissum est, & Nos quoque vos retinere permisimus. Sigismundo Regi, Filio Nostro Carissimo, Vos & Ecclesias vestras, earumque Bona efficaciter commendavimus, atque ab eo petivimus; ut non solum Vos & vestra, Sua ope & Auctoritate tueatur, sed etiam ut vos ornet & amplificet, & Senatoribus Regni adscribat, quamdiu in Ecclesiae Romanae obedientia & Fidei Catholicae integritate permanferitis, quod Deo auxiliante perpetuum fore speramus. Quo de negotio, scripsimus etiam diligenter ad complures Regni Senatores Ecclesiasticos & Sæculares. Denique quantum cum Domino potuimus, operam dedimus, ut viscera nostra Paterna vobis ostenderemus, quod multo copiosius referre Vobis poterunt Episcopi ipsi Oratores, & Collegæ vestri, qui visitatis de more, Beatorum Apostolorum Petri & Pauli liminibus, & cæteris hujus almae Urbis, Basilicis, & Sanctorum Martyrum reliquias pro cultu venerati, ad vos cum Nostra Benedictione revertuntur, quorum zelum & prudentiam, & inagendo sedulitatem, in Domino commendavimus. Reliquum nunc est, ut Vos, quae Romae acta sunt à Procuratoribus vestris, eadem animi alacritate & sincere relata habeatis, & confirmetis. Cujus rei causa volumus, ut tu Frater Archiepiscopo, Nostra etiam Auctoritate suffultus, Synodum Provinciale[m] indicas, & Episcopos tuos convoces, ut singuli profiteamini, in publico Conventu, Fidem Catholicam, ex eadem formula integre, quemadmodum Episcopi duo Oratores vestri hic professi sunt. Hæc enim Fi-

dei

dei professio, quam Sancta Romana Ecclesia docet, Fides est Petri, & Apostolorum, Fides est Patrum, & Orthodoxorum, quam nisi quisquam fideliter, firmiterque crediderit, salvus esse non poterit, cum eodem modo nobis, & huic Sanctæ Apostolicæ Sedi, veram obedientiam spondebitis; Et de his omnibus, quæ à Vobis in Synodo acta erunt, Literas ad Nos dabitis, ritè conscriptas, & publica Auctoritate communitas, ut ad perfectæ Conversionis Vestræ, & ad Ecclesiam Catholicam Romanam aggregationis & Unionis testificationem, & ad memoriam posteritatis perpetuam, in Nostriis Archivis, & Tabulariis conserventur. Scripsimus autem & ad Latinos Episcopos, Fratres nostros, Archiepiscopum Leopoli, & ad Episcopos Luceoriensem & Chelmensem, ut in eadem Synodo Vestra interesse velint, ut hæc inter Fratres unio tanto profundiores caritatis radices agat, & tanto firmitus in Domino coalescat. Agite igitur Fratres, confitemini Deo Cæli, & coram omnibus viventibus date Gloriam Nomini Ejus, qui fecit mirabilia magna solus, qui Vos in viam pacis, & Salutis direxit, & Vos nobiscum conjunxit, & statuit supra petram pedes vestros, ut non essetis, veluti parvuli fluctuantes omni vento doctrinæ, sed ut viri perfecti, in plenitudinem Christi, stabiles essetis in Fide & Nobiscum unà ambularetis in Domo Dei, cum consensu. Conservate hanc mentem, Fratres, conservate pacem & Charitatem, quæ est vinculum perfectionis, conservate Sanctam humilitatem, quæ diaboli machinas proflernit, & Domino summoperè placet, qui dixit: Discite à me, quia mitis sum, & humilis corde. Pascite gregem vestrum, verbo & exemplo, & docete eum viam bonam & obedientiam, erga Apostolicam Sedem & Romanam Ecclesiam, ut cum eo ad gaudia æterna perveniatis. Postremò orate pro nobis, ut gravissimum hoc Pa-



floralis Officij onus in hac temporum acerbitate, ipso  
adjuvante, qui dat omnem sufficientiam, & infirma cor-  
roborat, ad ejus gloriam fortiter sustineamus. Gratiā  
Dei sit vobiscum Fratres, quibus nostram Apostolicam  
Benedictionem amantissime impertimur. Datum Romæ  
apud Sanctum Petrum sub Annulo Piscatoris die VII.  
Februarij. M. D. XC. V. Pontificatûs Nostri Annô quartô.

Silvius Antonianus.

XLVI. H Y P A T I U S.

Mundi 7106.

Annô

Christi 1598.

Ex Illustrissima Pocieiorum Familia Luca Pocieio,  
Thesaurario M. D. L. & Anna Łuszczanka progenitus,  
in Sacro Fonte Nomine Adami appellatus est. Literis  
politoribus excultus, primum Judex Terræ Brzescia-  
nensis, deindè ejusdem Castellanus. Annam, Ostroze-  
ciam desponsavit sibi, ex qua tres filias, Annam, Ale-  
xandram, & Catharinam, totidem filios Joannem, Chri-  
stophorum, & Petrum progenuit. Defunctâ Uxore, mun-  
do valedicens, Institutum S. Basilij Magni elegit, in Re-  
ligione Hypatij nomine insignitus, sed non diu latuit in  
Monasterio, à Sigismundo enim III. Rege Poloniæ re-  
nunciatus est Episcopus Vladimiriensis & Brestensis, à  
Michaële Ragoza, Metropolita, consecratus, eidem suc-  
cessit, electus Metropolita, & Archimandrita Pieczaren-  
sis, mox zelantissimus Sanctæ Unionis defensor apparuit,  
fidemquē & obedientiam, quam CLEMENTI VIII. dum  
Legatione fungeretur, testatam fecerat, luculentis Docu-  
mentis cumulavit. Egregia Ejus in Ecclesiam Dei meri-  
ta laudat Synodus Provincialis Petricoviensis Annô 1607.  
Capite de Unione. Seminaria pro Ruthenis erudiendis  
erexit. Privilegium à Sigismundo Rege obtinuit, ne Ec-  
clesiastici ritûs Græci Uniti citarentur ad judicia sæcularia.

Zelo

Zelo suo tantum odium inimicorum in se excitavit, ut conspiratione factâ necem optimo Præsuli inferre auli fuerint, quum enim die Corporis Christi in Metropolitana apparatu Solemni Processioni in foro Vilnensi assisteret, quidam sacrilegus vir districto ense improvise aggressus Hypatium, ita Caput illius animadvertit; ut: nisi leva manu ictum reprimeret Hypatius, caput amputaret, tres tamen abscidit digitos, à minimo ad medium, Catenua aurea è Collo Hypatij pendens, retinuit ensen, Columquè à vulnere præservavit. Avulsos digitos Hypatius in Templo Ssmæ Trinitatis ad Imaginem Gratiouam Deiparæ Virginis appendi iussit, cum hac inscriptione: *Castigans castigavit me Dominus, morti autem non tradidit me*, quæ in argentea lamina incisa est. Venerandum senem in terram corruentem levantes, Josephus Rudzki Archimandrita, & B. Josaphat Kuncewicz ad Monasterium reduxerunt. Impius aggressor pro tanto scelere morti adjudicatus, cui vitam impetravit benignus Pastor. Tam optimè meritis de Ecclesia Dei ad præmium æternum migravit Annô 1613. Corpus ejus sepultum Vladimiriæ, hucusquè incorruptum servatur. Scripsit eruditas Homilias, quas simul cum Ejus Vita Leo Kiszka Supraslij vulgavit 1674. De Privilegijs quoquè in favorem Unitorum reliquit librum. Sedit Annis Quindecim.

## SÆCULO XVII.

### XLVII. JOSEPHUS IV.

Mundi 7121.

Annô

Christi 1613.

**V**elaminus Węzyk Rudzki, Nobilis genere, Virtute præstantissimus, Successit Hypatio, de quo ita egregie



giè scriptum reliquit Nicolaus Comnenus Pápadopolí  
adversus Epistolam Joannis Hokston Angli pag. 103. Ve-  
laminus Romæ in Collegio Græcorum educatus, Nobilif-  
simi Sangvinis vir, & Sancti Basilij Monachus, Vilnensis  
SSmæ Trinitatis Monasterij Præfectus, ubi apud Ruthenos  
ob virtutem, & Sapientiam clarus, supremas Insulas na-  
ctus est, atquè omni studio schisma delere aggressus, ad,  
Fidem Catholicam decies centena Schismaticorum millia  
convertit, dictus propterea ab URBANO VIII. Atlas  
Unionis, Columna Ecclesiæ; Athanasius Russiæ. Pervi-  
cacia cæterorum, quos bonis artibus in obsequium Fi-  
dei trahere nequaquam poterat, sævissimo pænarum &  
mulctarum apparatu perdomare decrevit per Sigismun-  
dum Poloniæ Regem. Hæc ille. Sedit Kijoviæ ad tem-  
pora usquè belli, quod Vladislaus IV. Poloniæ Rex cum  
Kozacis, qui ab ipso defecerant, gessit, quod non alia ra-  
tione confectum est, nisi pactis Conventis, hoc eis annue-  
ret, ut Metropolitam à Patriarcha Constantinopolitano de-  
signatum, Kijoviæ manentem haberent, illò; qui Roma-  
nam Communionem fovebat, procul a mandatò, & Vil-  
nam migrare coactò, donec benigniora tempora DEUS  
illi indulgeret, quo priscam Sedem recipere sibi liceret,  
ut narrat Augustinus Liber Baro in Mejerberg itinere Mo-  
schoviæ pag. 68. Porro Velaminus sese Romanæ Sedis  
Communionis tenacem professus est, missà ad PAULUM  
V. Legatione Annò 1615. Quinimo Leo Allatius Lib. de  
Ætate, PAULI V. literas profert, quibus Velamino decla-  
ravit, nullam Ruthenis, qui Romanæ Sedis Communionem  
amplexi erant, necessitatem impositam, pristinos  
suos mores omittendi, & Latinum Ritum capeffendi, E-  
gregiam memoriàm Velamini fecit Cardinalis Palavicinus  
Tract. de Bono, parte 1. Cap. 2. pag. 141. Cum pleri-  
què

què auctores necis Beato Josaphato Archiepiscopo Poto-  
 censi illatæ, pænientiâ ducti, Supplicarent Sigismundo  
 Regi, ut ad veniam, & Communionem Ecclesiæ Catho-  
 licæ reciperentur, Velaminus Rege annuente, indixit Con-  
 gressum Leopoli die 18. Decembris, Annô 1629, in Co-  
 mitatu septem Episcoporum, Archimandritarum, & No-  
 bilium, venit Leopolim, *Solemne Missam cantavit*, cu-  
 jus tempore, Mathæus Bembus Soc. JESU, Concionato-  
 rem egit, non Comparentibûs verò disunitis, spe conce-  
 ptâ Velaminus frustratus est. Interea consolatus est De-  
 us Velaminum Conversione Maximi Meletij Smotrycki,  
 Archimandritæ Dermanensis, qui primus motor fuit oc-  
 cisionis B. Josaphati, hic cum Obedientiam URBANO  
 VIII. præstitisset, & absolutionem sui sceleris clementer  
 obtinuisset, per Breve Apostolicum die 23. Februarij,  
 Annô 1629. datum, quo eidem Archiepiscopatus Hiera-  
 politanus ab URBANO oblatus est, morti proximus ro-  
 gavit Monachos, ut illi morienti Breve Urbanum porrige-  
 retur, illis cunctantibus, expiravit, itaque digitis dexteræ  
 manûs insertum Breve defunctus Meletius ita fortiter com-  
 pressit, ut illud nullâ vi avelli potuerit. Venit ad visi-  
 tandum Corpus Velaminus, præcepitque mortuo Meletio,  
 ut in signum obedientiæ Breve illud ipsi liberum permit-  
 teret, res stupenda! mox defunctus, manum aperuit, &  
 Breve dimisit. Legit illud coram ingenti multitudine  
 Velaminus, cunctis mirantibus, & lachrymantibus, perle-  
 ctum Breve amplius Velaminus digitis mortui non resti-  
 tuit, ut refert oculatus testis Albertus Cortisius. Soc. JE-  
 SU, in Sermone edito, quem in funere Meletij habuit,  
 quamvis affirmaverit, illud restitutum fuisse Meletio, Jaco-  
 bus Sufza Episcopus Chelmenfis in Vita B. Josaphat fol.  
 112. Multis gratiis, & privilegiis à Paulo V. donatus est.  
 Denique Velaminus perpeffis pro Sancta Unione, immen-



sis laboribus, ærumnis, & persecutionibus toleratis, in bona senectute, Apostolatûs sui præmium accepit, Annô 1637. cum sedisset Annis viginti quatuor. Corpus ejus Vilnæ sepultum, & diù incorruptum Annô 1655. in Moschoviam asportatum fuisse perhibetur.

## XLVIII. R A P H A E L.

Mundi 7145.

Annô

Christi 1637.

Doctissimus noster Michâel Le-Quien Josepho Velamino successisse alium Josephum, optimè quoque erga Romanam Ecclesiam affectum, pacis, & Unionis studiosissimum refert, sed cum nullo testimonio illum probet, inferendum Cathalogo Metropolitanorum illum non judicavi, sed Raphaëlem Velamini Successorem statuo, hic nobili Korsakorum in Litvania genere natus, Deo vocante Monasticum Sancti Basilij Institutum amplexus est, Velamino susceptore illius, & Prophetâ futuræ Successionis suæ in Metropolitana dignitate. In Romano Græcorum Collegio Sacris Literis eruditus, evasit in Virum Velamino simillimum, pietate, doctrinâ, & zelô vindicandæ Unionis. Post reditum in Patriam, Concionibus, ac dissertationibus multos à Schismate ad Communionem Ecclesiæ revocavit, indefessus Velamini adjutor. Ad Episcopatum Pinscensem promotus, ab URBANO VIII. pretioso Episcopali apparatu muneratus, Cui & Cardinalibus ob egregias animi dotes charus, & acceptus erat. A Vladislao IV. Rege, ad URBANUM VIII. missus, Legatione functus est, ubi inter Prælatos Assistentes, in Sacello Pontificio locum obtinuit. Post decessum Velamini ad Metropolitanum honorem provectus, alter Atlas, & spes Russiæ affulsit, sed eo tempore quo Vladislao

dislaus IV. indulserat Kozacis, ut Kijoviæ suum haberent Metropolitam, hic autem erat tunc Petrus Mohyla, è Moldaviæ Palatinis originem trahens, à Theophane Hierosolymorum Patriarcha, annuente Constantinopolitano ordinatus, Schismati addictus, Vir alioquin doctus, Volumen egregium, parvum licet Russico idiomate edidit, cui titulus: Confessio Catholicæ Ecclesiæ orientalis, ut Catholicam Fidem ob grassantem in Polonia, & Litvania Calvinismum, apud suos obfirmaret. Librum hunc subinde Orientis Patriarchæ quatuor Annô 1643. in Constantinopolitana Synodo Parthenio II. Duce approbaverunt, legendumquæ suis commendaverunt. Hæc autem Confessio Græcè translata, Bucorestij in Valachia prodiit Annô 1659. Subinde rursus Amstelodami Annô 1642. Parthenius I. Patriarcha Constantinopolitanus lassus in Moldavia Concilium cœgit, in quo Cyrilli Lucaris Calviniana dogmata anathemate secunda vice confixa sunt, hujusquæ Decretis omnium primus post Patriarcham subscripsit. Petrus Mohyla humilis Archiepiscopus & Metropoli- ta Kijoviæ, & Haliciæ, totiusquæ Russiæ, Sancti Apostolici Throni Constantinopolitani Exarcha, Archimandrita Lauræ Pieczarensis pro me, & ex persona totius in Christo Ecclesiæ Orthodoxæ & Catholicæ, quæ est in Russia minore. Illum obiisse Annô 1662. scribit Nestarius Patriarcha Hierosolymitanus in Epistola ad Monachos Sinaitas. Quo tempore igitur Petrus Mohyla Kijoviæ suis præerat, Raphaël Catholicus Vilnam migrare coactus est; deniquæ relictâ Litvaniâ bellis oppressâ, Romam profectus, Promotorem egit strenuum Beatificandi Josaphat Martyris, ubi optimè de Ecclesia Catholica meritis, ad præmium æternum migravit Annô 1641. cum sedisset Annis quatuor. Corpus ejus sepultum est in Templo SS. Sergij, & Bachi ad Montes.



## XLIX. A N T O N I U S

Mundi 7150.

Annô

Christi 1642.

Quem Allatius Anastasium appellat, Nobilis Litvanus, Cognomine Sielawa, in Archiepiscopatu Polocensi successit B. Josaphato Martyri, deindè eodè retentò cum dispensatione Sedis Apostolicæ, ad Metropolitanum honorem promotus, gravissimis persecutionibus, & ærumnis agitatus fuit. Decreto enim Joannis Casimiri Regis, Sedes Kijoviensis cum aliis Cathedris, Difunitis adjudicata est, undè Antonius sæpius quæsitus ad necem, Tykocinium aufugiens, obiit 1655. Ejus Corpus ad Monasterium Suprasliense translatum est. Sedit Annis tredecim. Sedes vacabat annis novem.

## L. G A B R I E L.

Mundi 7172.

Annô

Christi 1664.

De Domo Nobili, Kolendarum in Litvania natus, primum Polocensis Archiepiscopus, deindè restitutâ paulisper pace, Metropolita renunciatus, retentò eodè Archiepiscopatu per dispensationem Sedis Apostolicæ, Cui Joannes Casimirus Rex abrogatò ut extortò Decretò in favorem Difunitorum latò, novum dedit Privilegium pro recuperanda Sede Kijoviensi, aliisque Cathedris, Monasteriis, eorumquè bonis avulsis recipiendis, in quibus vindicandis cum duodecim Annos summo cum labore impendisset, quievit in pace. 1676. Corpus ejus in Monasterio Suprasliensi tumulatum est.

## LI. CYPRIANUS III.

Mundi 7184.

Annô

Christi 1676.

Illustri Zochowsciorum familia natus successit Gabrieli, Cujus viventis Coadjutor fuit, erat vir Sacris politionibusquè Literis excellenter excultus, eloquentiâ, & gravitate rationum movit JOANNEM III. Regem; ut Diploma ederet, quò omnia Privilegia Unitis concessa, confirmata sunt. Ut verò disuniti cum Unitis componerentur, indixit JOANNES Rex Colloquium publicum Lublini pro die 24. Januarij 1680. in præsentia Commissariorum, & Senatorum, sed disuniti prorogationem ad aliud tempus impetrârunt à Rege, sicquè pax, & unio hucusquè est prorogata. De hoc Colloquio Lublinensi edidit eruditissimum Tractatum Cyprianus, multisquè strenuè pro Unione Sancta gestis. Obiit 1694. Cum sedisset Annis Octodecim.

## LII. LEO I.

Mundi 7202.

.Annô

Christi 1694.

In Wołhynia Nobili Załęsciorum Slubicz parentelâ progenitus, moribus ac literis clarus, primùm Vladimiriensem promeruit Episcopatum, deindè Kijoviensem Archiepiscopatum, & Metropolitanam Dignitatem, sed quùm in talia incidisset tempora, quibus summa disunitorum persecutio per potentiam, & tyrannidem plurimos Monachos in Polocensi Monasterio crudeliter trucidavit, Dionysium Zabokrzycki Episcopum Luceoriensem in captivitate abduxit, alios inquirebat ad necem; Optimus Pastor Leo coactus est in Dominio Imperatoris suæ consu-



lere vitæ cum aliis Episcopis. Tanta clades movit CLEMENTEM XI. qui scriptis ad Augustum II. Regem Apostolicis Literis, tantisper mitiorem effecit sævitiam, quâ cessante, pacatô Regnô, Leo ex Austria revertens, non diu præluxit gregi suo desolato, Annô enim 1708. Vladimiriæ decessit, Pastor insigni pietate, liberalitate, eruditione, & amore suæ Religionis conspicuus. Sedit Annis quatuordecim.

## SÆCULO XVIII.

### LIII. GEORGIUS II.

Mundi 7217.                      Annô                      Christi 1709.

**W**Innicki, genere nobilis, virtutibus nobilior, primûm Præmisliensis Episcopus, deinde ab Augusto II. Rege Nominatus Metropolita totius Russiæ, totum se in Unitorum auxilium, & utilitatem devovit, Seminarium erexit, Capitulo Generali Ordinis S. Basilij Magni die 30. Julij, Annô 1713. celebrato præsidebat, cumquæ Præmisliam reverteretur, eodem Annô cum ingenti omnium mæore decessit. Sedit annis quatuor. Corpus Ejus in Monasterio Lauroviensi Diæcesis Præmisliensis reconditum, incorruptum esse perhibetur.

### LIV. LEO II.

Mundi 7221.                      Annô                      Christi 1713.

Clarissimo Kiszkarum Sangvine illustris, primûm Prothoarchimandrita Congregationis Litvanæ, deindè Episcopus Vladimiriensis, demûm Metropolita ab Augusto II. renunciatus, libros Slavonicos vitiatos emendari, ab erroribus

erroribus purgari, & in lucem edi curavit, bona Ecclesiastica erepta, & dissipata jure vindicavit. Synodum Provincialem Zamoscianam convocavit, Annô 1720. Cui præsidebat Hieronymus Grimaldus Nuncius Apostolicus, postea Cardinalis, quam Synodum, Sanctis Ordinationibus plenam, confirmavit BENEDICTUS XIII. & Sacra Congregatio de Propaganda Fide Sumptibus suis imprimi curavit. Homilias, & Vitam Hypatij Prædecessoris Sui in lucem edidit, magnisque meritis clarus, obiit Annô 1728. cum sedisset Annis sexdecim.

## LV. ATHANASIUS

Mundi 7237.

Annô

Christi 1729.

Ex præstantissima Szeptycciorum Familia oriundus, primò Abbas Unioviensis, deindè Episcopus Leopoliensis, Coadjutor Metropolitæ jam designatus à Leone Kiszka Metropolitano, post Ejus decessum ab Augusto II. Rege Nominatus Metropolita totius Russiæ, Clerum Sæcularem in Diæcesibus suis reformavit, Ordinem Sancti Basilij Magni in Capitulo Generali Dubnensi, cui ipse præsidebat, in duas Congregationes sub uno Protho-Archimandrita alternativè eligendo dividendas curavit, Pro quatuor Alumnis Ruthenis in Collegio Leopoliensi Pontificio Foundationem inscripsit, Episcopos Suffraganeos pro Russia, Litvania, & Hungaria circiter octo consecravit. Ecclesiam Vilnensem incendio conflamatam notabili sumptu restauravit. Grodecki Cænobium Monialibus Basilianis cum Ecclesiâ erexit, in Villa Grodek, Bonis Metropolitanis Templum sub Titulo Sancti Nicolai cum residentia ex muro extruxit. Abbatialem residentiam cum Monasterio Unioviæ ex Ligna, muratam suis sumptibus effecit. Bona avulsa ad mensam Metropolitanam



ſpectantia à Laicis poſſeſſa, jure vindicavit, & poſſeſſioni Metropolitanorum Succedaneorum ſuorum reſtituit. In Wołhynia Bona Grodek & Obarow in Palatinatu Kijowienſi Bona Dydowczyzna nuncupata, magnis expenſis rehabuit. Miraculoſam Deiparæ Imaginem Zyrowiciis propriis Sumptibus à ſe Coronandam curavit. Pro Eccleſia S. Georgij Leopolienſi, quam, fundamentis à ſe jactis, perficere morte præventus nequiverat, ſummam pecuniariam Centum ſexdecim millium, octingentorum Florenorum Polonicalium, ultimæ Voluntatis ſux diſpoſitione reliquit, Fuit acerrimus immunitatis, libertatis Eccleſiaſticæ, & bonorum Metropolitanorum Defenſor & vindex. Sanctæ Communionis cum Romana Eccleſia alter in Ruſſia Athanaſius. Monafteriorum, Xenodochiorum, & pauperum Pater beneficentiſſimus. Regibus Auguſto II. & Auguſto III. ac Mariæ Joſephæ Reginae acceptiſſimus, à quibus ſibi locum in Senatu oblatum, niſi ſucceſſoribus ſuis Metropolitanis concederetur, humiliter recuſavit. Senatorum, & Civium amorem, & Venerationem magnam ſibi conciliavit, utpote vir ſuaviſſimis moribus, & candore animi præditus. Plurimos Juvenes ad ſtudia Literarum ſubſidiis ſuis promovit, ex quibus Viri doctiſſimi Sacris initiati Ritûs Rutheni, cum utilitate Eccleſiæ prodierunt. Tandem morbo hydropico correptus laboribus & meritis plenior quàm Annorum, cum ſummo omnium mæore Leopoli Sancto ſine quievit die undecima Decembris, Annô 1746. Cujus virtutes Perilluſtris Revmuſ Dominuſ Stephanuſ Mikulſki Canonicuſ, nunc Archidiaconuſ & Officialiſ Generaliſ Leopolienſiſ, funebri diſertiffima Concione celebravit, Corpus ejus in Eccleſia Cathedrali Sancti Georgij reconditum eſt. Tantus Præſul immortalẽ Sui Nominis reliquit memoriã.

## LVI. FLORIANUS.

Mundi 7255.      Annò      Christi 1747.

In Palatinatu Połocensi M. D. L. ex Nobili Hrebni-  
ckiorum Familia natus, præclaris pietatis, eruditionis, &  
prudentiæ exigentibus meritis, ad Archiepiscopatum Po-  
łocensem ab Augusto II. promotus, interfuit Synodo Za-  
moscensi, cui subscriptus legitur post Episcopum Vladi-  
miriensem, salvâ deciſione Sedis Apostolicæ circa præce-  
dentiam, sed decifum est, ut Vladimiriensis Episcopus, uti  
Prothotronius, præcedat Archiepiscopum Połocensem. Be-  
nedicto XIII. Pontifici Optimo ob egregias virtutes ac-  
ceptissimus fuit, à quo inter Prælatos Solio Pontificio Affi-  
sentes, primarium locum obtinuit. Post decessum Atha-  
nasia administravit Metropoliam, donec ab Augusto III.  
Rege renunciaretur Metropolita totius Russiæ, quâ digni-  
tate auctus, Pastoralem vigilantiam in conservanda Com-  
munione Ecclesiæ Romanæ, magnam in agendis pruden-  
tiam, & dexteritatem, insignem pietatem, & morum sva-  
vitatem auxit, & testatam reliquit. Sedi Apostolicæ pro-  
indè, quam sæpius filiali visitavit affectu, charus, & fide-  
lissimus fuit. Połociæ Ecclesiam Cathedralem, adinstar S.  
Caroli Borromæi Romæ in via Cursûs erexit, & exornavit.  
Duos Coadjutores sibi cooptavit, Philippum Felicianum  
Wołodkowiez Episcopum Vladimiriensem, Metropolitanum,  
Jasone Smogorzewski Połocensis Archiepiscopatus, Suc-  
cessorem habere voluit, & declaravit. Obiit in bona sen-  
ctute, meritis & Annis coronatus. Cui Successit.



## LVII. PHILIPPUS FELICIANUS.

Mundi 7270. Annò Christi 1762.

In Minscensi Palatinatu, Nobilissimo Sangvine Wołodkowiciorum, patre Dominico, Aloysio, Dapifero Minscensi, Mareschalco olim Tribunalis M.D.L. progenitus, cujus duo germani fratres Leo, & Stanislaus in Ordine Prædicatorum floruere in Provincia Russiæ. Relictâ Domo Paternâ, ex qua viri Senatorii, & heroicis clari rectefactis prodierunt, Monasticum S. Basilii Magni Institutum amplexus, primò Dubnensis & Dermanensis Monasterii Abbas electus, Monasticæ perfectionis exemplar se præbuit. Ad Chelmensem promotus Episcopatum, quantum pro reædificanda, & exornanda Cathedrali sua Ecclesia, quantum pro augendo Cultu Divino, & Coronanda Icone Deiparæ Virginis, miraculis claræ, liberalitatis, & sollicitudinis impenderit, ejusdem Cathedræ testantur monumenta. Ad Vladimiriensem, quæ Prothotroni insignitur titulo, provectus Cathedram, multa in utilitatem Ecclesiæ & gregis sibi commissi egregia reliquit documenta. His meritis præcedentibus, dignus fuit; ut ab Augusto III. Rege post pretiosam Floriani mortem, Metropolita totius Russiæ renunciaretur. Duos Coadjutores & Successores declaravit, Vladimiriensis Episcopatus Coadjutorem, Antoninum Młodowski Episcopum Brestensem in Litvania, Metropoliam verò Episcopum Leopoliensem.

COADJUTOR cum futura Successione  
Metropoliam totius Russiæ, & Administrator.

LUDOVICUS LEO SZEPTYCKI

Episcopus Leopoliensis, Haliciensis, & Camenecensis  
in Podo-

in Podolia, designatus ab Illmo Philippo Feliciano Metropolitano, & ab Augusto III. renunciatus Varfaviæ die nonâ Novembris, Annô 1762. à Clemente XIII. Apostolicis Literis confirmatus die decimâ tertiâ Januarii, ejusdem Anni, factâ Fidei Professione coram Eugenio Vicecomite, Archiepiscopo Ephesino, Nuncio Apostolico, Amantissimis Literis Eminentissimorum Cardinalium, scilicet Joannis Francisci Albani, Protectoris Regni, Spinelli Præfetti Sacræ Congregationis de Propaganda Fide, Torrigiani Secretarii Statûs, nec non Illmorum & Rmorum D. Marefuschii Canonici Sacrosanctæ Basilicæ Vaticanæ, Secretarii Congr: de Propaganda Fide, Georgii de Lascaris, Patriarchæ Hierosolymitani, præfatæ Basilicæ Vicarii, aliorumquæ Romanæ Curiæ Prælatorum, salutatus, qui propenso corde eidem hanc Dignitatem gratulati sunt. Annô verò 1768. die 28. Augusti, ab eodem Clemente XIII. in Administratorem totius Metropolitæ tam in spiritualibus, quàm temporalibus deputatus fuit, cum Stanislaô Augusto Rege Potentissimo, tum Philippo Metropolitano volente, & benignè annuente. Hisce calamitosis temporibus, expeditis ad Clerum, & populum Literis suis, plures ad Unionem sanctam revocavit. Tempora avulsa recepit. Bona Metropolitana ab ultima devastatione præservavit. Plura de eo vide in serie Episcoporum Leopoliensium.



DIS-



# DISSERTATIO II.

De Archiepiscopatu Metropolitano  
Haliciensi, uti distincto à Kijoviensi

## CAPUT I.

*De Statu Urbis Haliciensis.*



Alicia olim amplissima Civitas, ad fluvium Tyram, sub monte extensa, non procul à montibus Carpatiis, ubi frequentes sunt salinae, distans, quam Sancti Pontifices, & Slavinarum Gentium Apostoli Cyrillus, & Methodius, Evangelii, & sacri Corporis S. Clementis Papæ & Martyris bajuli, pergentes in Moraviam, Haliciensi tractu, Sacris initiaverunt Legibus. Illam illustravit Romanus Mscislawicz Vladimiriensis, & Haliciensis Dux fede suâ Kijoviensi huc translata, cujus majestatem auxit Colomanus, Andreæ Regis Hungariæ filius, cum Salomea, Lesci quinti, & Grymislavæ filia, per Vincentium Kadlubkonem Cracoviensem Episcopum, in Regem Haliciæ & Vladimiriæ Coronatus, illô è vivis veneno extincto, Regiam dignitatem renovavit Daniel Romanowicz Dux Haliciæ, bis coronatus per Opisonem Legatum INNOCENTII IV. Sanctificavit illam Urbem S. Hyacinthus Odrovonsius Vir Apostolicus, qui Colomanum cum Salomea ad Castitatis perpetuæ amorem, Daniele ad Unionem Catholicæ Ecclesiæ amplectendam inflam-

inflammavit, Bernardus subinde, & Bernardinus de Or-  
 dine Prædicatorum, primi Halicienses Archiepiscopi præ-  
 claro Martyrio, Christinus, & Jacobus Stropa de Ordi-  
 ne Minorum Conventualium Archiepiscopi Sanctitate vi-  
 tæ, & doctrinis instruxerunt, & Clariorem reddiderunt.  
 Nec solum Latino Archiepiscopatu, verum etiam Græ-  
 co Metropolitano in Krytos, quod uno milliari Italico  
 Haliciâ distat Oppidum, profundis fossis, & vallis Mon-  
 tem munientibus, ubi Metropolitanæ Haliciensis Cathedra  
 & dilecta, ac amæna Principum quondam habitatio fu-  
 isse traditur, quo loco nunc Templum veteri labente  
 de latere erectum beneficio Josephi Szumlański Episco-  
 pi, sub Invocatione Deiparæ Dormientis, & in Cælum  
 Assumptæ, cum Episcopali visitur Residencia. Halicia  
 tamen tam olim celebris, crebris bellis devastata, com-  
 busta, & fluvio aquarum compressa, nunc oppido desola-  
 to similior. Præfecturâ, & Judiciis Castrensibus, ac Ter-  
 restribus insignita, nullum vetustatis reliquit monumen-  
 tum, præter Propugnaculum in Monte ab Andrea Poto-  
 cki tunc Præfecto erectum, Solam magni Nominis fa-  
 mam reliquit in Scriptoribus. Sede enim Archiepiscopi  
 Latini translata Leopolim, Decanalis nunc remansit Ec-  
 clesia cum duobus Minorum, & uno Prædicatorum ligneo  
 domicilio. Metropolitana verò Cathedra Ritûs Græci,  
 à quo Principe fundata & dotata fuerit, ignotum planè  
 est, non à Leone, nec à Daniele Patre ejus, quum hi  
 Principes non Fundatores, sed Benefactores ejus fuisse le-  
 guntur; altius repetenda est hujus Cathedræ fundatio,  
 sed nihil certi, determinatiquè de ea statuere possumus  
 ob deficientiam documentorum. Certum tamèn explora-  
 tum est, Haliciensem Archiepiscopum Metropolitanum,  
 diversum omninò fuisse ab eo qui Kijoviensi præsidebat  
 Ecclesiæ; de quo nuper magna contentio exorta est, ad quam



illustrandam, & sedandam, hanc Dissertationem instituendam judicavi.

## C A P U T II.

*Haliciensis Archiepiscopus Metropolitanus diversus olim fuisse evincitur à Kijoviensi.*

I. **H**anc Assertionem duplici Diplomate Leonis Ducis, Privilegio Sigismundi Augusti Regis, & testimonio Curopalatis Græci Scriptoris probandam aggredior. Primum Leonis Diploma in augendam dotem Templi Leopoliensis Suburbani S. Nicolai Episcopi in Cracoviensi Suburbio siti, scriptum in pargameno Slavonico idiomate, mihi exhibitum fuit à R. D. Gregorio Sufzalski tunc Præposito & Decano ejusdem Ecclesiæ, in quo hæc leguntur: Ecce Ego Leo, Dux Terrarum Russiæ, filius Danielis Regis, consilió captó cum Senatu meo &c. In præsentia Venerabilis Metropolitæ Haliciensis, Josephi de Krytos, Andreæ Ducis Jaroslawicz, Ducis Wafzko, & aliorum plurimorum fide dignorum, circa præmissa existentium. Scriptæ sunt hæc Literæ Leopoli Feriâ Sextâ die octava Mensis Octobris, Anno 6800. Hic Annus juxta Calculum Græcorum correspondet Annô ab Incarnatione Christi 1292. Diploma verò subindè confirmaverunt Reges Poloniæ, Stephanus, Sigismundus III. Michâel, Joannes III. Augustus II. & Augustus III. ex quo talis eruitur ratio: Si Josephus de Krytos Metropolita Haliciensis, allegatus in Leonino Diplomate, idem esset, ac Metropolita Kijoviensis, tunc eodem Annô Kijoviensem simul ac Haliciensem regeret Ecclesiam; sed eodem Annô 1292. Kijoviensem

vienſem Eccleſiam regebat Maximus, qui Annô 1270. inauguratus, obiit Annô 1295. Joſephus quidem primus ejus Nominis exſtat inſerie Kijoviënſium Metropolitanarum ſed ille longè ſuperiori vixit tempore. Annô enim 1231. electus ille fuit, & Annô 1236. deceſſit, Tum etiam, quia Joſephus ille fuit genere Græcus, patriâ Nicænus, hic autem Joſephus fuit genere Ruthenus, diverſus igitur fuit Metropoliſta Haliciënſis Joſephus de Kryſos, à Kijoviënſi Metropolitanò; qui ſedit ad Annum 1296. Cui ſucceſſit in Haliciënſi Sede Gregorius ab Anno 1296. ſedit ad Annum 1306. quod nunc demonſtrandum eſt.

II. Secundum Leonis Diploma in favorem Eccleſiæ Metropolitanæ Haliciënſis, ſub nuncupatione Dormitionis Deiparæ Virginis in Kryſos erectæ Slavonicâ lingvâ ſcriptum Haliciæ die Jovis Octavâ Menſis Martij Annô à Creatione Mundi juxta Computum Græcum 6809. qui correfpondet Annô Incarnationis Chriſti 1301 quod ſubindè Stephanus, & Sigismundus III. Reges Poloniæ adpoſtulationem Gedeonis Epifcopi Leopoliënſis confirmaverunt, mihi exhibitum à Perilluſtri Rmo Dno Antonio Lewiński Præpoſito inſignis Eccleſiæ Dormitionis Deiparæ Stauropigianæ, Judice, & Officiali Generali Leopoliënſi, Viro optimè merito, ex ſuo Authographo, Slavonicè & Latinè refero.

Actum in Caſtro Haliciënſi Sabbathô poſt Feſtum Nativitatis Beatiffimæ Virginis Mariæ proximô, Annô Domini Milleſimô Sexcentefimô Quadrageſimô Secundô.

Ad Officium & Acta præſentia Caſtrenſia Capitanealia Haliciënſia perſonaliter veniens Famatus Gabriel Civis & Incola Haliciënſis Senior Frater Confraternitatis



Ecclesiam Nativitatis Christi Domini Ritûs Græci hic Haliciæ existen, & Religiosi Stephanus Commendarius Kryłosiensis, Jwan Podhorny & Petrus Popones, & Wasył Diaconus, suo & totius Capituli tam Kryłosiensis quam & Halicensis Ritûs Græci Nomine obtulerunt, & ad Acticandum permodum oblatae porrexerunt Privilegium infra scriptum, tam Latino, quam Ruthenico idiomate scriptum, manu propria Serenissimi olim Sigismundi Tertij Regis Poloniæ subscriptum, & Sigillô Minoris Cancellariæ Regni in sericeo filo appensô communitum, petentes illud à se offerentibus suscipi, & in acta sua ingrossari mandari, quorum affectationi Officium præsens annuendo, illud ab eisdem uti sanum & illæsum, omniquè suspicionis nota carens, suscepit, & in Acta sua ingrossari mandavit. Cujus tenor sequitur talis:

**SIGISMUNDUS III.** Dei Gratiâ Rex Poloniæ, Magnus Dux Litvaniæ, Russiæ, Prussiæ, Masoviæ, Samogitiæ, Livoniæquè, nec non Regni Sveciæ proximus Hæres, & futurus Rex.

Significamus præsentibus Literis nostris quorum interest universis & singulis, exhibitas Nobis fuisse Nomine Venerabilis Gedeonis Balaban Leopoliensis Haliciensis Vladicæ Literas Pargamineas Titulo Serenissimi olim Stephani Prædecessoris Nostri inscriptas, Manuquè Ejus subscriptas, atquè Sigillô Regni majori Communitas, sanas ac integras, omniquè suspicione carentes, Supplicatumquè Nobis fuit, ut easdem auctoritate Nostra Regia approbare & confirmare dignaremur. Earum verò Exemplum de Verbo ad verbum sequitur, estquè tale:

**STEPHANUS** Dei Gratiâ Rex Poloniæ, Magnus Dux Litvaniæ, Russiæ, Prussiæ, Masoviæ, Samogitiæ, Livoniæquè, Princeps Transylvaniæ.

Significamus præsentibus Literis Nostris, quorum interest  
Universis

Universis & singulis, productas fuisse apud Nos per Venerabilem Gedeonem Baſaban Vladicam Haliciensem ac Leopoliensem Literas vetustas Leonis Filij Regis Danielis habentes Sigillum, appensum corruptum seu potius Sigilli speciem in serico pendentem, continentisque Concessionem quasdam per Ducem eundem Leonem Ecclesie Halicensi Ritûs Græci, Ejusque Metropolitæ Gregorio factas, tum etiam Jurisdictionem in sui Ordinis Homines, hoc est; Ecclesiarum Rectores, & Ministros, quorum in ipsis iisdem Literis copiosius habetur descriptum, Supplicatumque Nobis fuit prædicti Vladicæ Nomine, quo literas easdem, ut quæ propter vetustatem ad corruptionem spectare videantur, innovare, easdemque Auctoritate Nostra approbare, & confirmare dignaremur. Earum verò tenor de Verbo ad verbum sequitur & est talis:

А СЕ Я КНАЗЬ ЛЕВЪ СЪНЪ  
Королѣ Даніѣла, згадѣвшіа  
ѣмоу зъ нашими Коары,  
Прѣдѣдъ нашъ Царь великій  
Владимиръ, ѣ Оцъ Нашъ, ѣ  
прѣдѣдъ Мѣтрополитѣмъ ѣ  
ѣписѣмъ по вѣмъ землѣмъ  
Рускимъ, ꙗкожъ ѣ Мы Кѣхъ,  
ѣ прѣдѣдъ ѣмоу Мѣтрѣ ко Црквѣ  
Сѣтѣи ѣа Оуспѣніа Кѣнлоуѣ  
Попѣмъ Соборнымъ Мѣтро-  
полѣи Гѣллицѣи, ѣ вѣмъ  
Арѣписѣпѣмъ ѣ ѣписѣпѣмъ,  
ѣ Монастырѣмъ Правослѣвной  
Сѣтѣи Вѣры Грѣчѣскѣи, далѣи  
ѣмоу Право Дѣховѣи, по  
ГОМУ

*Et ecce Ego Dux Leo Fili-  
us Regis Danielis inito Con-  
silio cum Senatoribus No-  
stris, Proavus noster Rex  
Magnus Vladimirus, & Pa-  
ter Noster, addidit Metro-  
politans & Episcopis per  
omnes Terras Russiæ, sicut  
& Nos DEO, & Purissimæ  
Ejus Matri ad Ecclesiam  
Sanctæ Ejus Dormitionis  
Kryłosiensibus Poponibus Ca-  
pitularibus Metropolitæ Ha-  
liciensis & omnibus Archie-  
piscopis & Episcopis & Mo-  
nasteriis Orthodoxæ Sanctæ  
Fidei*



ТОМЪ ЖЕ КАКЪ ДЕРЖИТЪ КІЕВ-  
СКАЯ ЧРКОВЪ ПО ХРІТІАНСКОМУ,  
И СТЫХЪ ОЦЪ ОУПРАВЛЕНІИ,  
И ПОТВЕРДІАНИМО ПРІДАНА  
ЦЕРКОВНІЕ НА ВѢКИ ВѢЧНІЕ.  
СЕЛА ЗЪ ЛЮДМИ, И ПОЛА ЗЪ  
ЛѢСЫ, И ЕЩЕМО ДАЛИ НА  
ТОТЫ СЕЛА ГРАМОТЫ ОБО-  
ЛНѢИ МЕЖИ НАШНУХЪ ГРАНИЦЪ  
И БОДРЕННУХЪ, И КЪ НХЪ ПО-  
ЛХЪ И ЛѢСХЪ, ВЫЗНАЧАЮЧИ  
ГРАНИЦЫ, ЯКЪ БЫЛО И ЗАК-  
НА. И ПРІДААНЕМО ДЕСЯТИ-  
НЫ СЪ НАШЕГО И КНЯЗКІА,  
И ШЕ ПРИВОЗОВА, НЕВОЗМѢГЪ  
ДЕСЯТИНЪ, И ПО БОДРЕННУХЪ  
СЕЛШУХЪ, ПРІДААНІЕ И ДАНИ  
МЕДОВІЕ, ВЫХОДЫ И БОДЫ,  
И РЫБНЫЯ ЛОВИЦА, И БУВА  
ДАЕМЪ ЧРКВИ СТОИ КТОМА-  
ТЕРИ МИТРОПОЛИТЕ НАШЕМО  
ГРИГОРИИ, И ПО НЕМУХЪ ЕДЪ-  
ЧНУХЪ АРХІЕПІСКОПШУХЪ, КОМУ  
БѢЗЪ ИЗВОЛЕНІА, И ДАЮТЪ ДЕР-  
ЖАТИ НА ВѢКИ И ПОЖИВАТИ,  
И ЦЕРКОВЬ СТЫЮ ПРАВИТИ И  
РАДИТИ, А ЗА НАША ПРІДАНІА,  
И ЗА НАШЕ МАТИВАГО КРА  
ПРОСИТИ, А КТОМУ ЕЩЕ ПРІ-  
ДАЕМЪ КНИИ КЪ РОКЪ СЪ ПО-  
ПШУХЪ ДАВАТИ, И СЪДНІ ДЪ-  
ХОВНІА СЪДНІТИ ЧРКОВЬ СТО-  
ЛІЧНАА ШЕ МІРЕННУХЪ КЪ ЗА-  
КОНѢ

*Fidei Græcæ, dedimus Diplo-  
ma Spirituale, ita sicuti te-  
net Kijoviensis Ecclesia juxta  
Christiana & Sanctorum Pa-  
trum statuta, & confirmavi-  
mus Foundationes Ecclesiasti-  
cas in Sæcula Sæculorum.  
Villas cum Hominibus, &  
Campos cum Sylvis, & ad-  
huc dedimus pro his Villis Di-  
plomata particularia inter  
Nostros Limites, & Senato-  
rum, ac Subditorum campos  
& Sylvas, designando grani-  
cies, sicuti fuit ab antiquo, &  
addidimus Decimas de Nostro  
& Principum, & de trans-  
navigatione per fluvium, non  
accipiet Decimam, & ex Pro-  
cerum Villis, additæ & da-  
tiones Mellis, pascua & al-  
vearia, & piscinas & lacus  
damus ad Ecclesiam Sanctæ  
Deiparæ Metropolitæ Nostro  
Gregorio & post illum futu-  
ris Archiepiscopis, quibus  
Deus voluerit, & dederit te-  
nere in ævum & uti frui, ac  
Ecclesiam Sanctam regere &  
gubernare, & pro nostris  
Prædecessoribus, ac pro No-  
bis Misericordem Deum exo-  
rare. Et insuper adhuc addi-  
mus*

КОНѢ ШЛЮЧИННІ, РАСПЯТЫ, СВАДѢЩИННІ, Н БѢЗАКОННО-  
 ПОЛТІА ВСѢ ДУХОВНІЕ ПРАВА  
 СЪДАЮТЪ АРХІЕПІКОПЫ, А СІН  
 ЛЮДІЕ ШПРИШНІН ЧЕРКОВНІН:  
 ИГЪМНЫ, ПОПОВЕ, Н ДІА-  
 КОНЫ, Н СЦѢМНИЦЫ, ПОН-  
 ЧѢТНИЦЫ ЧЕРКОВНІН, Н ЧЕР-  
 НОРІЗЦЫ, ИКОНИН ПІСАРОВЕ,  
 ПОПОВНОЧОВЕ, Н ДАЦН, ПРО-  
 ИКЪРНИКОВЕ Н БѢГДѢЛНІН, Н  
 СТРАШНІН, Н ТІЕ ЛЮДІЕ ЧЕР-  
 КОВНІЕ КОЛНЫ Ш НАСЪ, Н Ш  
 КОАРЪ НАШНУХЪ, ШБЛАДАЮТЪ  
 Н СЪДЮТЪ НХЪ БЕЛІКАА ЧЕР-  
 КОВЬ, ОПРОУХЪ МІРАНУХЪ. А  
 НА МОЕ СЛОВО НЕ ТРЕБА ОУ-  
 ШТЪПАТНІА НѢКОМУ, НИ Ш-  
 НАТН, НИ ДѢТЕМЪ МОИМЪ,  
 НИ ТЫМЪ КОМУ ПО НАСЪ БѢЗЪ  
 ДАЮТЪ НА ВѢКН ВѢЧНІЕ. А  
 СЕ ОУПРАВЛАНІМО СЪТІХЪ  
 ОЦЪ, Н ПЕРВЫХЪ ЧАРЕН ХРІ-  
 СТІАНІКНУХЪ. А КТО НА МОЕ  
 СЛОВО ОУШТЪПНІТЪ, СЪДЪ-  
 МН СЪ НИМЪ ПРЕДЪ БГОМЪ,  
 Н ШЛЮЧЕНЪ БѢДЕТЪ МНЛОСТН  
 БЖІА, ВЪ ДНЬ СТРАШНАГО  
 БЖОГО СЪДА, Н ДА БѢДЕТЪ  
 КЛАТВА БЖАА НА НЕМЪ ВЪ  
 СІН ВѢКЪ Н ВЪ БѢДУЩІН.

*mus Martes vulgò Kuny in*  
*Anno à Poponibus accipere,*  
*& Judicia Spiritualia exer-*  
*cere Ecclesia Cathedralis à*  
*Secularibus in Religione Se-*  
*parationes, divortia, Spon-*  
*salia, & illegitima Matrimo-*  
*nia secundum Fura Spiri-*  
*tualia judicabunt Archiepi-*  
*scopi. Hi autem homines e-*  
*xempti Ecclesiastici: Hegu-*  
*meni, Popones, & Diaconi,*  
*& Sacerdotes, Cleatrici Ec-*  
*clesiastici, & Monachi, Pictor-*  
*es, Notarij, Presbyterorum*  
*Filij, & Abecedarij, hostiarum*  
*pistores, sculptores, & Pe-*  
*regrini, & hi homines Eccle-*  
*siastici liberi à Nobis & Se-*  
*natoribus nostris, gubernabit*  
*& judicabit eos Magna Ec-*  
*clesia & non Laici. Et in meo*  
*Verbo nulli est cedendum, nec*  
*debet recipi à meis filiis, nec*  
*ab illis quibus post Nos Deus*  
*dabit in Sæcula Sæculorum,*  
*Hoc autem statuimus juxta*  
*Sancita Sanctorum Patrum*  
*& primorum Regum Chri-*  
*stianorum. Si quis autem meo*  
*verbo cedit, judicium mihi*  
*erit cum illo coram Deo, &*  
*privatus erit Misericordiæ*



*Dei in die tremendi Iudicii  
Dei, & sit maledictio Dei su-  
per illum in hoc Sæculo &  
in futuro.*

На то́мъ Грамотѣ Нашѣ  
даанѣ, и Печать свою при-  
вѣнчан. И при томъ были  
Митрополитъ Кіевскій Кѹ-  
пріанъ, Влака Перемишльскій  
Ларіонъ, и Князь Андрей  
Ярославичъ, и Паны Васко,  
и иныхъ Коаръ много было  
при томъ. И писана и дана  
Грамота въ Галичъ въ Че-  
твертокъ, Мѣсяца Марта,  
въ О́смыи день, Лѣта Шест-  
тысящнаго О́смыотногоу де-  
сятогоу.

И Писецъ Захарія Выхотъ.

*Pro quo Diploma nostrum  
dedimus, & sigillum nostrum  
appendimus. Et huic præsentes  
erant Metropolita Kijo-  
viensis Cypranus, Vladica  
Præmisliensis Hilarion, &  
Princeps Andreas Jarosla-  
wicz, & Dominus Wasco, &  
alii Senatores multi erant  
præsentes. Scriptum autem  
& Datum Diploma Haliciæ.  
Die Jovis 8. Mensis Martij.  
Annò 6809.*

*Notarius Zacharias Wychot.*

Nos igitur Rex Stephanus admiffâ benignè & Cle-  
mentèr eâ, cujus suprâ mentionem fecimus Supplicatio-  
ne, Literas easdem hic insertas ob earum vetustatem in-  
novandas esse duximus, innovamusquè per præsentes, at-  
què easdem & quidquid in illis continetur, quatenus illæ  
usu sint comprobatæ, & Juris publici ratio permittit,  
approbamus, ratificamus, & confirmamus; decernendo  
eas ratas, atque firmas fore in omnibus Earum Clausulis  
& Conditionibus, roburquè suum debitum perpetuis tem-  
poribus obtinere debere. In cujus rei fidem hæcæ Manu  
nostra subscripsimus, & Sigillò Regni communiri manda-  
vimus. Datum Varſaviæ in Generalibus Regni Comitijis,  
Die Ultima Mensis Januarij Annò Domini 1581. Regni  
verò Nostri Annò Quintò.

STEPHANUS REX.

Petrus Tylicki.

Nos itaque prædictæ Supplicationi uti justæ benignè annuendo, præinfertas Literas, in omnibus earum punctis, Clausulis, Conditionibus, & articulis, quantum Juris Communis ratio permittit, ususque earum habetur approbamus & confirmamus præsentibus Literis nostris, easque debitum robur obtinere semper volumus. In Cujus rei fidem præsentibus manu Nostrâ subscriptas, Sigillò Regni Minoris communiri mandavimus, Datum in Comitibus Regni Generalibus Varsoviæ die prima Mensis Octobris Annò Domini 1592. Regni nostri Annò Quintò.

SIGISMUNDUS REX. Alb: Rychlewski

Originale offerentibus post ingrossationem in instanti est restitutum, de quo Officium præsentibus quietatur.

Ex Actis Castrensibus Capituli Haliciensis Extraditt.

*Correxì CHODYKIEWICZ*

(Locus Sigilli Castren:)

*Legit Łoziński*

Ex hoc Diplomate vetustissimo constat

I. Daniele, Patrem Leonis non fundasse Cathedram Metropolitanam Haliciensem, sed antiquitus fundatam bonis cumulasse, ipsumque Leonem ejusdem Ecclesiæ dotem auxisse.

II. Non unum fuisse in Russia Metropolitanum Archiepiscopum, sed plures, & ante Daniele Regem jam fundatos, ita enim Leo testatur: *Pater Noster addidit Metropolitanis, & Episcopis per omnes Terras Russiae.*

X

III. Duos



III. Duos diversos fuisse Archiepiscopos Metropolitanos, unum Haliciensem Gregorium, ut patet ex his Leonis Verbis: *Damus ad Ecclesiam Sanctæ Deiparæ, Metropolitæ Nostro Gregorio.* Alterum Kijoviensem Cyprianum, ut liquet ex his verbis: *Et huic præsentēs erant Metropolita Kijoviensis Cyprianus.* Ex cujus luculento testimonio tale eruitur in eluctabile argumentum: Duo Episcopi eodem Annō ejusdem sedis non possunt esse simul; at eodem Annō 1301. Gregorius præfuit Haliciensī Metropolitæ, Cyprianus verò Kijoviensī Metropolitæ præsidebat: manifestum igitur est, Haliciensem distinctum fuisse Metropolitanam à Kijoviensī.

IV. Comprobat hanc diversitatem Metropolitæ utriusquē Authoritate Regia SIGISMUNDUS AUGUSTUS, qui in Privilegio Nominationis in Episcopum Leopoliensem Macario Tuczapski impartito, de quo inferius Sermonem instituo pleniorē, ita testatur: *Sub potestatem illius damus Ecclesiam Haliciensem Metropolitanam, in qua quondam Archiepiscopus, alias Metropolitanus eorum præsidebat, qui nunc eorum lingua Kryłos dicitur.* Ex his verbis colligitur, propter diversam Jurisdictionem, non propter residentiam, Ecclesiam Haliciensem appellatam fuisse Metropolitanam. Utiquē Summus Pontifex residebat Avenione in Gallia, nec tamen propter residentiam appellabatur Avenionensis Pontifex, sed Romanus, nec Ecclesia Avenionensis appellata est Ecclesia Romana propter residentiam Papæ Avenione continuam, Sicut æquē nec Metropolita Kijoviensis propter residentiam in Urbe Moscuā, in quam Sedem Suam detulerat, appellatus est Metropolita Moschensis, sed Kijoviensis, ita pariter non propter residentiam Haliciæ, Metropolita appellatus est Haliciensis, sed propter distinctam jurisdictionem à jurisdictione Kijoviensis Metropolitæ. Si enim

enim à residentia Haliciensi ita appellaretur, quælibet residentialis Metropolitæ Ecclesiæ, foret Metropolitana, quò nihil absurdius dici potest.

V. Adstipulatur his Curopalates, Græcus scriptor, qui Libro de Officiis Constantinopolitanæ Ecclesiæ recensens subiectos Patriarchæ Metropolitæ, tres in Russiæ partibus enumerat Metropolitæ, Kijoviensem scilicet, Haliciensem, & Litvaniæ. Vitoldus quidem Magnus Dux Litvaniæ Russiam in duas Metropolias Kijoviensem, & Novogrodensem partitus est, quæ non diu in unam postea redactæ sunt. Duces verò Russiæ Haliciensem distinxerunt Metropolitam, cui Haliciam, Leopolim, & Camenecum cum suis Terris in Jurisdictionem tradiderunt, qui alios Suffraganeos Episcopos habuisse non legitur, aut si fuerint, qui illi essent, vetustis Literis proditum non habemus. Hoc tamen nihil obest Metropolitano Haliciensi, Archiepiscopus enim Metropolitanus Kijoviensis diu quoque caruisse Suffraganeis Episcopis legitur apud Nicetam Choniatem. Porro cum unus tantum, & alter Haliciensis Metropolitæ non diuturnam obtineret hanc dignitatem, antequam instituerentur ejus Suffraganei, Episcopi, absque illis Archiepiscopali honore, & Jurisdictione utebatur.

### C A P U T III.

*Proponuntur tria Argumenta contraria, & solvuntur.*

- I. **L**EO Dux præfatum Diploma in Præsentia Cypriani Metropolitæ Kijoviensis scripsisse dicitur Annò 1301. At hoc Annò Cyprianus nec dum natus,  
X2 minus



minus verò renunciatus est Metropolita, Annò enim 1376. electus est: Ergo hòc Annò non potuit adhiberi in testem Diplomatis à Leone Principe.

R. Chronologiam Metropolitaram Kijoviensium prorsus erroneam, & vitiatam esse, demonstravi superius à primo Micháele ad Hilarionem, emendatis itaque Sessionis Annis, cuilibet Metropolitæ assignatis, constat, Cyprianum allegatum in Diplomate Leonino, successisse Maximo, ac sedisse ab Anno 1296. ad Annum 1308. Alterum verò Cyprianum inauguratum esse Annò 1376. Primus præsens erat dum Diploma Leonis scriberetur Annò 1301. non alter Cyprianus, qui longè posteriori tempore vixit. Quod ergo de primo asseritur, alteri attribuit Patronus adversæ sententiæ confundens primum Cyprianum cum altero, Ruente igitur falso fundamento, tota vis difficultatis ruat, necesse est.

II. Juxta Stricovium, Scriptorem Litvanum, Leo cum Romano Duce Branscensi gladio Gedimini cæsus occubuit, Annò 1276. Ergo Annò 1301. jam non supervixit, quomodo igitur hòc Annò Diploma suum poterat expedire, nisi fortè post mortem?

R. Stricovius falsi convincitur in allegata violenta Leonis morte, etenim Eruditus Zimorovius ex vetustis documentis Archivi Consularis Leopoliensis in sua triplici Leopoli MSS. 1672. de Leonis obitu hæc verba habet: *Leo mitior Agno ante mortem, placidè vitam consummavit Annò 1301. iuxta ei nullo apparatu, modico sumptu, sine frivolis pompæ militaris ludicris, uti supremis tabulis mandaverat, per soluta sunt. Elatus à Fratribus Basilianis sacco pullo indutus, Crucifixi Imaginem utraqùe manu prætendens, Russis complorantibus.* Eòdem ergò Annò 1301. licèt non eodem Mense, nam Diploma scribi jusserat Mense Martio, diem extremum Obivit

Obiit Leo, non occisus à Gedimino, sed à gladio ejus aufugiens, non Annô 1276. ut fingit Stricovius, aut quisquis alter, sed Annô 1301. Vetustis enim Leoninæ Urbis secretioribus Actis, quæ nullus scriptor antea viderat, major fides est adhibenda, quàm recentiorum Scriptorum narratiunculis ex Conjecturis solis emanatis.

III. Quùm Gedeon Episcopus hoc Diploma Regibus confirmandum dedisset, jam tum lacerum, & vetustate corruptum erat; ut nequè Sigillum dignosceretur: Ab illo ergo vitiatum fuisse constat, qui ab Unione Romanæ Ecclesiæ recesserat, undè in Synodo Brestensi Annô 1576. Sacris fuit interdictus, deque Sede Episcopali dejectus.

R. Imò sinceritas hujus Diplomatis ex ipsa vetustate convincitur, si enim Gedeon illud vitiasset, recentiorum potius fabricasset Literam, integrumque apposuisset Sigillum, Cùm ergò ruditas Scriptionis Sæculum incul tum redoleat, & vetustas ad corruptionem scriptum illud redegerit, absit; ut à Gedeone confictum, aut vitiatum suspicemur. Deindè non rectè infertur falsificatio Diplomatis ex recessu à Communione Ecclesiæ, hæc enim verba: *Orthodoxæ Sanctæ Fidei* in Diplomate illæsa legimus. Porro Gedeonem Episcopum Catholicum fuisse constat ex subscriptione Epistolæ Synodicæ ad CLEMENTEM VIII. per Hypatium Legatum missæ Annô 1594. Undè incredibile est; ut post Rescriptum CLEMENTIS datum Annô 1595. in Schisma prolapsus, & Episcopatu privatus Gedeonem admittamus. Hæc de Haliciensî Metropoli illustrandæ Sacræ Historiæ causa scripsi, deficiente tamen hac Metropoli, Metropolita Kijoviensis simul Haliciensîs, & totius Russiæ intitulatur, & scribitur.



# DISSERTATIO III.

## De Episcopaut Leopoliensi, Haliciensi, & Camenecensi simultaneo.

I. **M**agnanimus Leo occisô Woysetcone, Mendogi Litvanorum Regis Filiô Vladimiriæ, finem-  
quë Litvanici belli faciens, Ad Annum 1267.  
teste Stricovio, Princeps & Monarcha totius Russiæ re-  
nunciatus, propter securitatem dominij sui, in ipso limi-  
ne Russiæ Montem Convallibus numerosis impeditum su-  
spicatus, laborioso aditu hostibus arcendis opportunum,  
Castrum è trabibus cæsis ibi excitavit, prævalidis fudi-  
bus circumvallavit, ipse quoquë in eadem specula excu-  
biturus, Sedem fixit. Hic ergo Mons arce infestus pri-  
mordium infra radices suas Urbi Leoninæ fundandæ de-  
dit. Cæterum Princeps hyemem unam in penetralibus  
arcis commoratus, propter ærem importunum, & con-  
tinuo flantem, domicilium mutavit, nec procul Curiam  
inferius habitationi accommodam propè Templum S.  
Joanni Baptistæ Sacrum, à Basilianis Monachis inhabita-  
tum statuit. Familia Ducalis domus lignæ, per plateo-  
las dispositæ, oppidum quoddam copiosum efformârunt,  
confluentibus undiquë diversarum nationum hominibus.  
Condedit itaquë hanc Urbem à Suo Nomine, quam Russi  
suo idiomate vocârunt Lwihorod, Leonis Oppidum, An-  
nô 1268. ut ex ipsius Leonis Diplomate, quod pro fun-  
datione Prædicatoribus dederat, Annô post conditam Ur-  
bem Leopolim secundo, Christi 1270. exploratum est.  
Interea Lescus Niger, Dux Poloniæ, ulciscens injurias,  
quas à Leone acceperant Poloni, hanc ejus Civitatem  
oriri

oriri cæptam, igne combussit, ac ipsum Leonem fugavit, circa Annum 1269. Eo igne Curia Ducis, unâ cum Cænobio & Capella Monachorum Sancti Basilij, conflagravit, in qua coram Jcone Deiparæ cantando Psalterio erant dediti. Constantia igitur Mater Leonis totum Curiaë spatium Prædicatoribus de Societate Peregrinantium inter gentes propter Christum impetravit à filio, quod ejusdem Diplomate firmatum fuit. Monachis Basilianis ad Aedem Sancti Joannis Baptistæ, ad radices Mõntis Calvi sitam, translatis.

II. Rebus humanis exempto Leone Annô 1301. & Romano Ejus fratre, sine mascula prole decedentibus, per illorum germanas Sorores Principatus Russiæ pedentim ad Litvanos, deinde ad Polonos migravit. Lubartus enim Gedimini Filius, cum Sororem Leonis Agaphiam duxisset uxorem, omni eo tractu Russiæ, qui Litvanis finitimus, potitus est. Cætera Russiæ, quæ Haliciâ & Leopoli in Podoliam vergit, Troideno Semoviti Ducis filio, qui Mariam, alteram Leonis Sororem acceperat, obvenit, cujus postea filius Boleslaus, hæres Russiæ factus, nec tamen diuturnum dominatum habuit, offensus enim Russi, incontinentiâ ejus, veneno eum de medio sustulerunt. Quod ubi accepit Casimirus Rex, ejus Nominis tertius, cognomento Magnus, cum Exercitu, Mense Aprili Leopolim venit, Russiamquæ occupavit, ingentibus thesauris in Castro inferiori inventis, Russiam in formam Provinciæ redegit, novam Urbem Leopolim in vestigiis antiquæ statuere destinavit, dorsum montis Castro, & propugnaculis exornavit, Urbem vallis, muro munivit, Germanis militibus præsidium pacis & belli commisit, Urbanam ex oppidana fecit, quam Germani Lemburgam. Latini Leoburgum, & Leopolim, aut Leontopolim appellârunt. Inter quadraginta quinque Castella, &



viginti sex Urbes à se erectas, plus dotis Leopoli præ cæteris contulit, illam unice dilectam, sæpius visitatam inhabitavit, munivit, Privilegiis auxit, & tuebatur.

III. Hanc Metropolim Ruffiæ proprio SIXTI V. Pontificis Maximi Stemmata insignitam, tres Episcopatus decorant diverforum Sacrorum Rituum. Antiquitate temporis primus est Illustri Nationis Armenicæ, quæ in Auxilium à Ducibus Ruffiæ expetita, & conducta, primum Archiepiscopum, Joannem è Regio Sangvine descendente habuit Annò 1363. qui præter Cathedralem Basilicam Assumptionis Deiparæ in Urbe, tria in Suburbio Cracoviensi S. Crucis, S. Annæ, & S. Jacobi possidet Tempia. Alter ejusdem Assumptionis Deiparæ titulo Consecratam habet Ecclesiam Archiepiscopalem Latini Ritûs, Joannes enim Rzeszowski Sedem Suam Archiepiscopalem Leopolim traſtulit Annò 1414. Ultimus Haliciensis, primus Lemburgensis seu Leopoliensis Archiepiscopus Salutatus. Quadraginta habet Tempia, quorum pleraquæ sunt ornatissima, Coronata Jcone Deiparæ apud Prædicatores, Corpore Beati Joannis de Ducla apud Minores Observantes, quos Bernardinos vocant, & Corpore integro Venerabilis Jacobi Stropa Archiepiscopi Haliciensis, apud Minores Conventuales, quorum Frater & decus erat, insignitus. Tertius Episcopatus Ritûs Græci Uniti possidet Leopoli quatuordecem Tempia, inter quæ sunt tria antiqua Monasteria Ordinis S. Basilij Magni, primum S. Georgij Martyris, secundum S. Onuphrij, tertium S. Joannis Evangelistæ in nemore, ad declivium Caſtri Superioris situm. In Urbe extat Celeberrimum Templum Assumptionis, quod Stauropigianum appellatur. In Suburbio verò Haliciensi Templum & Monasterium S. Georgij Martyris Fundatorem Suum recognoscit Leonem Ducem Urbis Conditoem, qui svasu Basilij Ducis Haliciensis

ciensis Patruī Sui in Supercilio Collis Oratorium fagine-  
um erexit, Mandris Ascetis Basiliani Instituti Sodalibus  
circumdedit, Divo Georgio Martyri in tutelam & titu-  
lum vovit Annō Domini 1280. Basilius verò Princeps,  
quem Russi Wafzkonem vocabant, cruenti animi Vir au-  
dax & bellicosus post juventam in Castris actam, post  
multa bellorum incommoda senio confectus in Monachum  
Sancti Basilij spontē tonsus, specum rubetis hispidam, infra  
Montem Sancti Georgij inhabitabat, cruentam Arcis San-  
domiriensis devastationem, ductu suo patratam, austerita-  
te vitæ expiare satagebat. Ut ex vetustis Actis Con-  
sularibus refert Eruditus Zimorovius in sua triplici Leopo-  
li MSS. Beneficio Demetrii Principis fusa est Æra Cam-  
pana ex pretioso metallo jucundè sonora Annō à Crea-  
tione Mundi 6849. ut constat ex inscriptione Slavonicis  
Literis ibi expressa, qui Annus à Creatione Mundi juxta  
Calculus Græcum, correspondet Anno Incarnationis 1341.  
Deindè Annō 1370. Opere lateritio extructum est Tem-  
plum eodem Architecto, quo Cathedralis Ecclesia Ar-  
menica, Insigne hujus Templi decus est, Sacra Imago  
Deiparæ Virginis, quæ ex Castro Trembovliensi huc  
translata est Annō 1673. propter devastationem Podo-  
liæ à Turcis illatam, cujus tristissimum præsagium erat  
miraculosa lachrymarum effusio ex oculis Deiparæ Virgi-  
nis, & Christi JESU, quadraginta enim diebus, & toti-  
dem noctibus lachrymâsse hanc Imaginem memoriæ pro-  
ditum est, Annō 1662. die 26. Martij. Tantâ clade per-  
territi Poloni ad Castrum Trembovliense cum Sacra Ma-  
riæ Icone confugerunt, Ejusquē in ultimo vitæ discrimi-  
ne auxilium experti sunt, quatuordecim diebus Castrum  
obsidentibus Turcis, ac bellico pulvere clam mæniorum  
effossis cuniculis supposito, everfionem Castri, ac excidi-  
um intentantibus, non sine ingenti prodigio pulveres



spontè accensi, in ipsos hostes erumpentes, eos ab aditu Castrì rejecerunt. Nocte verò sequenti Deipara Virgo splendido amictu decorata, mœnia Castrì deambulans, minax visa est non solum à Palatinis Valachiæ & Moldaviæ, qui tunc in Castris Turcarum vigiles erant, verum etiam ab ipsis hostibus, qui timore percussi, ab expugnatione Castrì recesserunt. Sacra Verò Imago annuente Josepho Szumlański Episcopo, per Dionysium Alexandrowicz Superiorem Monasterij Trembovliensis, Leopolum ad Ædem S. Georgij asportata, Miraculis illustris hucusquè in magna asservatur Veneratione. Hujus rei gestæ memoria, in tabella Slavonicè conscripta est, quam ex Deposito ejusdem Monasterij mihi communicatam obtinui. Tandem Athanasius Szeptycki, Metropolita & Episcopus Leopoliensis everso antiquo Templò, novæ Basilicæ excellenti arte erigendæ fundamenta posuit, quò vivis ereptò, Successor Ejus Leo Szeptycki Episcopus Leopoliensis feliciter modernus, eandem perfecit, Palatio quoquè novo exornavit, cum ingenti Urbis Ornamento. In contiguo huic Basilicæ Monasterio Basiliano, excellenter florent Studia Theologica cum honore & utilitate Ecclesiæ.

IV. Originem huic Cathedræ dedit defectio proprii Archiepiscopi Metropolitanì Haliciensis, qui administrabat Haliciensem, Leopoliensem, Camenecensem, & Trembovliensem Terram. Porro crebris bellorum tumultibus postquam Russia in Regis Poloni dominatum & hæreditatem venerat, cessante Archiepiscopatu Haliciensi, per Vicarios administrabatur cum Kijoviensis, tum Haliciensis Ecclesia, Kijoviensis enim Archiepiscopus in Urbe Moscua Sedem suam collocaverat, quo factum est, ut pro percipiendis rebus Sacris aut in Moschoviam, aut in Valachiam recurrendum erat. Hac re pertæsi Nobiles Rutheni

theni Suo destituti Pastore, Supplicârunt Sigismundo Augusto Regi, ut illis proprium Pastorem providere dignaretur, quorum justis desideriis annuit Rex, ac Macarium Tuczapski, Vicarium Haliciensis, & Leopoliensis Ecclesiæ ad S. Georgium, Episcopum nominavit, Verba Regia ex Diplomate dato Cracoviæ feriâ quintâ post Festum undecim millium Virginum proximâ, Annô 1539. Regni sui Annô Trigesimô tertiô, in medium profero: *Locum tenens Haliciensis & Sancti Georgij extra muros Civitatis Nostræ Leopoliensis Honorabilis Macarius Tuczapski, vulgari Nomine Namieśnik dictus, qui hactenus Metropolitanus ipsorum Archiepiscopi Haliciensis locum administrare & tenere dicitur.* Et paulò inferius: *Cui quidem Vladicæ Macario sub potestatem illius damus Ecclesiam Haliciensem Metropolitanam, in qua quondam Archiepiscopus, alias Metropolitanus eorum præsidebat, qui nunc eorum lingua Kryłos dicitur.* His Regiis Literis quid Clarius adferri potest, pro demonstranda & comprobanda Metropolia Halicensi à Kioviensi omninò distincta.

Illustratô itaque Statu & Origine Episcopatus Leopoliensis Haliciensis, & Camenecensis, Seriem Chronologicam Episcoporum ex Authenticis collectam Documentis exhibeo.

## E P I S C O P I

Leopolienses, Halicienses, & Camenecenses  
juxtâ Sessionis Annos proponuntur.

I. M A C A R I U S.

Mundi 7047.

Annô

Christi 1539.

Cognomine Tuczapski Nobilis de Stemmata Prawdzic,



wdzie, quem memorant Acta Castrı Leopoliensis Annō 1537. Cum esset Vicarius seu Locum tenens Metropolitæ Haliciensis ad postulationem Nobilium promotus est & inauguratus à Sigismundo Augusto Rege Episcopus Leopoliensis, Haliciensis, & Camenecensis, ut constat ex Regio Diplomate, quem Macarius Metropolita Kioviensis consecravit, ut patet ex Ejusdem testimonio, quod ex Slavonico Jdiomate Latine refero:

*Macarius Divina & Castissimæ Ejus Matris Miseratione Archiepiscopus Metropolitanus Kioviensis Haliciensis & Totius Russiæ.*

*Universis &c. Quoniam Archiepiscopatus Metropolitiæ Haliciensis ab aliquot Annorum Centenariis amissus, & extinctus fuerat, carens longo tempore suo Pastore Halicia, Leopoli, & Camenecum, Sigismundus Rex & Magnus Dux Lithvaniæ Sanctæ & gloriosæ memoriæ Princeps Noster considerans, quod in his primariis Civitatibus Gloria Dei ingens damnum pateretur, nec non ovile Christi suo destitueretur Pastore, proinde Sua Majestas quorundam Nobilium postulationibus inclinata, dignata est illis providere Episcopum, ac Episcopatum Honorabili Macario Tuczapski conferre: Nos igitur juxta Voluntatem & Mandatum Regium hunc Macarium in Episcopum Metropolitiæ Haliciensis consecravimus, & benediximus, ac per Nos in Vicarium seu Suffraganeum in loco Episcopi Nostri Curialis constituimus, conferentes ei potestatem in Causis Spiritualibus.*

Macarius itaque institutus Episcopus congregatis Præbyteris diversorum Templorum Leopoliensium Parochis, videlicet Zacharia Parcho S. Theodori, Stephano S. Nicolai, Antonio Theophaniæ, Jacobo Annunciationis, Gregorio Resurrectionis, Autonomo Transfigurationis, Joanne  
Prote-

Protectionis Deiparæ, Gregorio Ascensionis, & Zacharia Diacono, antiquam neglectam consuetudinem refuscitavit Celebrandi cum præfatis Præsbyteris Congregationem seu Capitulum & Causas spirituales Judicandi in Ecclesia Cathedrali S. Georgij Martyris, juxta formam in aliis Episcopatibus servari solitam ut constat ex ejusdem Macarij documento Authentico Slavonicè in Pargameno Scripto Annò 1539. Mensis Novembris die 16. Quod subindè Macarius Metropolita confirmavit. Integrum verò Instrumentum in medium non profero, nisi initium Ejus cum sit nimis prolixum, adservatur illud in Archivo Episcopali.

**In Nomine Patris & Filij & Sancti Spiritûs Amen**

Fiat ad perpetuam Memoriam, & firmitatem & immobilitatem in Sæcula Sæculorum.

*N*Os humilis Macarius Episcopus Haliciensis, Leopoliensis, & Camenecensis in Podolia. Notum facimus præsentibus Literis Nostris, universis præsentibus & post futuris, tam Dominis Nobilibus, quàm Dominis Civibus & Suburbanis, & omnibus Orthodoxis Christianis Sacri Ritûs Græci, omnibus has Literas Nostras visuris, qualiter fecerimus, & rem jam collapsam renovaverimus, quæ deperierat à multis temporibus usquè ad præsens, quod causæ Spirituales erant ad hanc Sanctam Cathedralem Ecclesiam Sancti Magni Martyris Christi & Victoriosi Georgij Leopoli ante mænia, & Consistorium Spirituale erat ad Laudem Dei, id est Capitulum erat. Igitur Nos humilis Macarius Episcopus Metropolitæ Haliciensis Vladica Leopoliensis & Camenecensis in Podolia, sæpius habitò Consiliò, qualiter faciendum esset, aliis relictis negotijs, se-



*cundum Donationem Sanctæ Causubstantialis & Individuæ Trinitatis, & Supervenientis Sancti Spiritûs, convocatis Præbyteris Leopoliensibus, fecimus Capitulum, quibus Præsentibus & futuris strictè tenendam formam reliquimus, quemadmodum in aliis Episcopatibus servari solet &c. Datt Annò Domini 1539. Mensis Novembris Decima sexta die.*

Macarij verò Metropolitæ Testimonium quo à se Consecratum refert Macarium Tuczapski Episcopum Leopoliensem, confirmatum est ab eodem Sigismundo Rege, in Conventu Regni Generali Lublini die 15. Julij, Annò 1566. & à Vladislao IV. Leopoli 12. Octobris 1624. Actis quoquè Castri Inferioris Leopoliensis ingrossatum Feriâ quintâ post Dominicam Conductûs Paschæ proximâ, Annò 1635, Sedit Macarius in Episcopatu Annis Novem, Cui Successit.

## II. A R S E N I U S I.

Mundi 7056.                      Annò                      Christi 1548.

In Albania floruit antiqua Nobilis Balabanorum Familia, ex qua Baderam Balabanum Turcici Exercitûs Supremum Ducem, victoriis clarum memorat Raynaudus Annò 1465. Ex Albania subindè in Poloniam, & Magnum Ducatum Litvaniæ migravit Marcus Balaban, cum duobus filiis, primus erat Gedeon, deindè Episcopus Leopoliensis, alter Basilius Vir militaris, qui plures posteritati reliquit bellatores egregios. Marcus itaque solutô Matrimoniali vinculô Spirituali militiæ adscriptus, post decessum Macarij, meruit à SIGISMUNDO AUGUSTO Rege ad Episcopatum Leopoliensem promoveri, ut constat ex ejusdem Nominationis Privilegio, Feriâ quintâ, ipso die S. Lucæ Annò 1548. Petricoviæ expedito, cujus  
Authogra-

Authographum in Archivo Episcopali conservatur. In Consecratione, mutatô Nomine Marci, assumpsit Nomen Arsenij. Emendandus est R. P. Gaspar Niesiecki Soc: JESU, Vir cæteroquin eruditissimus, qui Arsenium Fratrem Gedeonis fuisse asserit, cum certum sit, Gedeonem filium fuisse Marci, non fratrem, ut infrà in Gedeone videbitur. Sedit Arsenius ab Anno 1548. ad Annum 1568. Cui successit.

### III. J O A N N E S

Mundi 7077.      Annô      Christi 1569.

Hunc pleriquè Scriptores Arsenium appellant sed im-  
meritò, quùm Nomine Joannis Episcopi facta fuerit Re-  
latio per Martinum Dobrzański in Castro Haliciensî, ut  
patet ex Actis Feriâ quintâ post Festum Assumptionis  
Deiparæ Annô 1569. quo renunciatus est Episcopus. Fu-  
it de Nobili genere Cognominatus Ostalovius Łopatka,  
Sedit Annô unô, cui successit.

### IV. G E D E O N

Mundi 7078.      Annô      Christi 1570.

Filius Marci, nuncupati Arsenij Bałaban, ut constat  
ex informatione Josephi Szumlański Episcopi, in causa  
ejusdem cum Metropolita circa Diæcesim Haliciensem,  
porrecta Sacræ Nunciaturæ, ut Acta Ejusdem Varsoviæ  
testantur. Promotus ad Episcopatum, instituit Sodalita-  
tem Sancti Theodori Martyris, in Suburbio Cracoviensi  
Leopoli sitam, ut patet ex Diplomate ejus in pargame-  
no Slavonicè scripto cum pensili Sigillo, Annô à Crea-  
tione Mundi juxta Græcum Computum 7097. qui cor-



respondet Annô Christi 1589. mihi exhibito à R. D. Petro Prymowicz, Surrogato Leopoliensi, Parocho Templi Theodoriani. Diploma Leonis Ducis pro Ecclesia Haliciensî confirmandum à Stephano, & Sigismundo III. Regibus curavit Annô 1592. De illo Simon Okolski noster, insignis Orbis Poloni Scriptor Tom. I. pag. 444. hæc habet: Gedeon ritûs sui Promotor ardentissimus, sed in Schisma suum cæcutiens. Hinc Advocatus Romanus in Restricto Juris & facti Annô 1753. Sacræ Congregationi de Propaganda Fide porrecto, asserit Gedeonem propter recessum ab Unione, Sede Episcopali dejectum fuisse, Si hæc vera sunt, nisi Gedeon accesserit ad Communionem Romanæ Ecclesiæ, conciliari non possunt, cum ejus subscriptione Synodicæ Epistolæ ad Clementem VIII. Annô 1594. missæ, ita enim subscriptus legitur: *Gedeon Bataban Episcopus Leopoliensis*. Si enim Annô 1576. Episcopatu privatus fuit, post consensum ineundæ Communionis Romanæ, restitutum Annô 1594. fuisse manifestum est. Sedit Gedeon Annis triginta Septem.

V. HIEREMIAS  
Mundi 7115.                      Annô                      Christi 1607.

Eustachius in Sacro fonte appellatus, in Episcopatu Hieremias, de Nobili Tysslarowsciorum domo, Stemmate Sas insignita, originem habuit, ad postulationem Nobilium Virorum Haliciensium & Leopoliensium à SIGISMUNDO III. Rege promotus ad Episcopatum die ultima Octobris, Annô 1607. Cracoviæ, ut constat ex Diplomate Regio quod adservatur in Archivo Episcopali sub Litera W. Sedit Annis Triginta quatuor. Cui successit.

VI. ARSENI-

## VI. A R S E N I U S II.

Mundi 7149.

Annô

Christi 1641.

Nobili genere Zeliborskiorum in Palatinatu Russiæ ortus, à VLADISLAO IV. Rege Poloniæ promotus ad Episcopatum, à Petro Mohyla, Archiepiscopo Metropolitano Kijovienfi disunito consecratus die 17. Novembris, Annô 1641. ut constat ex ejusdem Authentica institutione, quæ adservatur in Archivo Episcopali sub Litera R. Arsenius porro Synodo, quam Parthemius in Moldavia ad configenda Calviniana Cyrilli Lucaris Patriarchæ Constantinopolitani placita, convocaverat, aderat, subscripsitque, ut testatur Michâel Le Quien in Oriente Christiano. Sedit Annis novem. Cui successit.

## VII. A T H A N A S I U S I.

Mundi 7158.

Annô

Christi 1650.

Frater Germanus Arsenij, à JOANNE CASIMIRO Rege promotus ad Episcopatum, & ab eodem Petro Metropolita consecratus, Sedit Annis Septemdecim. Cui successit quidem Jeremias Switelnicki, sed non diù post, Episcopatum Josepho Szumlański cessit, proindè in serie omittitur.

## VIII. J O S E P H U S

Mundi 7175.

Annô

Christi 1667.

Joannes in baptismo appellatus, in Religione Basiliana Josephus nuncupatus, ex Nobilissima Szumlanskiorum Familia, Stanislaum Rothomagistrum, & Annam Hofzowskiam, parentes, Alexandrum S.R.M. Rothomagistrum, & Annam Poniatowskiam Avos sortitus est. In-

Bb

ter



ter sex Fratres primogenitus, primò Equitem Regiæ Cohortis egit, quem JOANNES III. Rex, in quadam Epistola ita laudavit: Tam in bellicis, quàm in publicis expeditionibus, & functionibus præstitis multoties sat, superquè insignis. A Joanne Casimiro Rege renunciatus Episcopus Leopoliensis die 27. Februarij Varsoviæ Annò 1667. ut constat ex Diplomate Regio Archivi Episcopalis. Communionem Romanæ Ecclesiæ suscepit Annò 1704. Professione Fidei factâ in manibus Cardinalis Radziejovij Primatis, coram Nuncio Apostolico Varsoviæ, magnus Sanctæ Unionis deinceps zelator, & promotor factus. Templum Dormitionis Deiparæ Virginis in Urbe Leopoliensi, quod Stauropigianum vocant, à Schismaticis possessum, die SS. Apostolorum Petri & Pauli, in Assistentia Stanislai Jablonowski Castellani Cracoviensis, Supremi Ducis Exercituum, filij ejus Palatini Russiæ, & Vexilliferi Regni, multorumque Nobilium, ex Spirituali verò Statu, Constantini Mrozowicki, Administratoris Archiepiscopatus Sede vacante, Prælatorum, & Religiosorum, nec non Magistratus Consularis, recepturus venit, sed quum januam Templi benè obseratam reperisset, obtentis à Jablonovio militibus, qui per tegulas vicinioris lapideæ Domûs subintrantes, abditas Ecclesiæ portas securibus referârunt, iterquè ad Templum Episcopo, & hospitibus patefecerunt, ubi Sacram Liturgiam cantavit, cujus tempore egregium sermonem habuit de Sancta Unione P. Daniel Szumlański Ordinis Prædicatorum ejus ex Fratre Nepos. Ecclesiam illam reconciliatam Josephus Catholicis consignavit, sed à plebe inconditas voces multorum audire patienter debebat, quas tamen flocci pendebat, non ignarus, nullum melius esse probitatis testimonium, quàm odio haberi ab iis, qui oderunt probitatem. Templum Cathedrale Haliciense in Kryłos  
è funda-

è fundamentis erexit, ut ejus in fronte Templi testantur Arma gentilitia. Ad eandem Ecclesiam bona spectantiâ Perehińsko nuncupata cum suis attinentiis, quæ diu à sæcularibus Nobilibus occupata possidebantur, longo Juris processu & impensis vindicavit, & Ecclesiæ Suæ restituit, Constitutioneque Anni 1690. confirmari curavit. Sacram Deiparæ Imaginem ex Trembovliensi Arce propter Turcarum, & Tartarorum hostilitatem, Leopolim ad Templum S. Georgij Martyris Solemni ritu transtulit, propter Cujus majorem venerationem, Capellam contiguam erexit, ac pro animæ suæ suffragio ad eandem Imaginem, certam Summam pecuniariam legavit, inscripsitque. Capituli Ecclesiarum suarum Cathedralium jura neglecta, & intermissa, pristino statui restituit, ac renovavit, confectio hac de re instrumento Leopoli die 10. Julij. Annô 1700. Tam præclare rebus gestis, de Ecclesia Catholica bene meritis, migravit è vivis, cum sedisset Annis Quadraginta tribus.

## IX. B A R L A A M

Mundi 7218.

Annô

Christi 1710.

Ex Clarissima SZEPTYCCIORUM Profapiâ exortus, quadraginta Annorum tempore Abbatiae Unioviensis dignitatem gessit, de eadem optimè meritis. Ecclesiam illam, Residentiam Abbatialem, ac Monasterium reædificavit, profundis fossis, vallis, & aquæductu circumdedit, ac munivit, tandem ab AUGUSTO II. Rege nominatus post decessum Josephi Episcopus Leopoliensis Annô 1710. die Decima Septima Februarij Varsaviæ, ut constat ex Diplomate Regio ejusdem Archivi Episcopalis, à Georgio Winnicki Metropolitano totius Russiæ consecratus,



per quinquennium ovile suum in Sancta Unione pavit  
plenus Annorum & meritorum.

## X. ATHANASIUS II.

Mundi 7223.                      Annò                      Christi 1715.

Ejusdem SZEPTYCCIANÆ Familix Lumen, decus,  
& Ornamentum, primò Abbas Unioviensis, deinde ab  
eodem AUGUSTO II. Rege nominatus Episcopus Leo-  
poliensis die decima septima Aprilis Annò 1715. à Leo-  
ne Kiszka Metropolitano totius Russiæ, consecratus est  
Leopoli, quem Laudatus Leo in Synodo Zamosciana Su-  
um voluit esse Coadjutorem & Successorem, quod AU-  
GUSTUS II. Rex, ratum, & gratissimum habuit. Annis  
quatuordecim præfuit Leopoliensi Cathedræ, antequam  
Metropolitana dignitate augeretur, in qua constitutus,  
eundem Episcopatum cum dispensatione Apostolicæ Se-  
dis retinuit ad Obitum Suum.

## XI. LUDOVICUS LEO

Mundi 7255.                      Annò                      Christi 1747.

Successit Athanasio, Virtute Simillimus Pastor, Philo-  
sophicis & Theologicis in Collegio Pontificio Leopoli-  
ensi Convictorem agens, in Collegio Romano, quod Na-  
zarænum vocant, iterum Theologicis disciplinis, in Aca-  
demia Ecclesiastica Juris Canonici, & Civilis scientiâ adeò  
excellenter eruditus est; ut in Romano Gymnasio Sa-  
pientiæ, Doctoralem Lauream meruerit obtinere. Egredi-  
is animi dotibus, lingvarum peritiâ, & omni scientiarum  
genere excultus, cum rediisset in Patriam, Basilianum  
Institutum amplexus, Sancti Leonis Magni Doctoris, &  
Maximi

Maximi Pontificis Nōmine insignitus, probationis religio-  
 ſæ expletō tyrociniō, Monasticam Vitam profeſſus eſt,  
 coram Athanaſio Metropolitano, à quo Concionatoris  
 Metropolitani Officiū ſibi impoſitum cum toto quadri-  
 ennio laudabiliter geſſiſſet, ac in Capitulo Generali Du-  
 bnenſi coram eodem Metropolitano, uti Præſidente, ma-  
 gnoquē Virorum illuſtrium congreſſū die Sanctiſſimæ Tri-  
 nitati Sacrā Oratorem eruditum egieſſet, ad Abbatiam  
 Mielecenſem promotus eſt die Translationis Sancti Ni-  
 colai Episcopī, cujus Nomine hæc Abbatialis Eccleſia  
 inſignitur. Eodem Sancto Nicolao patrocinate, poſt de-  
 ceſſum Athanaſii Metropolitæ, ab AUGUSTO III. Re-  
 ge, Cui, præ aliis Candidatis charior, & acceptior ap-  
 paruit, Nominatus eſt Episcopus Leopoliensis, Halicien-  
 ſis & Camenecenſis die Nonā Martij Annō 1747. ut  
 conſtat ex Regio Diplomate Dreſnæ expedito, quem  
 Theophilus Godebski, Episcopus Vladimiriensis Protho-  
 tronius Sedis Metropolitanæ, delegatus à Floriano Hre-  
 bnicki Metropolita, unā cum Theodoſio Łubieniecki Ru-  
 dnicki, Episcopo Luceoriensi & Oſtrogienſi Exarcha to-  
 tius Ruſſiæ, nec non cum Adamo Woyna Orański Epi-  
 ſcopo Bellinenſi, Suffraganeo Camenecenſi, Ritūs Latini,  
 in Eccleſia Abbatiali Mielecenſi, die Dominicā Pente-  
 coſtes, quæ incidit in diem decimā quartā Maij Sole-  
 mni Ritu Annō 1749. conſecravit. Itaque in Paſtorali  
 Officio conſtitutus, curas, & ſolicitudinem Clero refor-  
 mando, Eccleſijs juvandis, earumque juribus vindicandis  
 impendit. Ad Eccleſiam ſtauropigianam in Urbe Leo-  
 poli inſignem, Clerum Sæcularem Cælibem ſub Præpoſi-  
 ſito locavit. Eccleſiam Zarwanicenſem, & Buczniowien-  
 ſem, Præpoſitura paritèr & Vicariis exornavit, pleroſque  
 ex Clero ſuo Viros doctos Capitularium Prælatorum præ-  
 rogativis honorando confirmavit. Ad Sacros Ordines



neminem nisi competenti scientiâ instructum, & à Col-  
latoribus cum sufficiente dote Ecclesiæ præsentatum ad-  
mittere statuit, & admittit. Ecclesiam Suburbanam Ca-  
thedralem Leopoliensem S. Georgij Martyris, Cujus fun-  
damenta Athanasius Metropolita Prædecessor Ejus posue-  
rat, ejusdem relictæ æris subsidio, suis quoque ac Cleri-  
collatis sumptibus, unâ cum Palatio Episcopali, ac ne-  
cessariis residentiis, excellenti artificio cum ingenti Ur-  
bis decore ædificavit, ac perfecit. Eandem Curam Ec-  
clesiæ suæ Haliciensæ voluit esse testatam, præter enim  
domum ligneam pro residentia sua commodam, impen-  
sis suis ædificatam, Decretum in Tribunali Regni Leopo-  
li celebrati 1765. pro vindicandis avulsis ad Villam Pe-  
rehin'sko spectantibus obtinuit, Villam quoque Podgrodzie  
ad eandem Haliciensæ Cathedralam spectantem è mani-  
bus Sæcularium juris processu recuperavit. Certas Sum-  
mas pecuniarias pro Præbyteris Sæcularibus Prælaturis  
inſignendis, ac pro Seminarij Alumnis inſcripsit. In  
Oppido Horodenka Templum insigne à Nicolao Poto-  
cki Palatinida Beizenſi munificentissimo Fundatore ere-  
ctum pro Præbyteris Sæcularibus Ritûs Rutheni Uniti  
in Cælibatu viventibus, titulo Miſſionis fundatum, Sole-  
mni Ritu consecravit. Coronationi STANISLAI AUGU-  
STI Regis Poloniarum Potentissimi cum aliis Sui ritûs  
Episcopis interfuit, ac subscripsit, locumque immediatum  
post Episcopos Senatores cum jure aſſiſtendi Regibus ob-  
tinuit. Ab eadem Regia Majestate inter Equites Sancti  
Stanislai Episcopi & Martyris, adſcribi meruit die 8. Maij  
Annô 1767. Quantus ſit Sanctæ Unionis cum Romana  
Ecclesia defenſor, in ultimis Comitibus Generalibus patu-  
it, Non unitis enim prætendentibus quinque Unitorum  
Episcopatus unâ cum multis Eccleſiis, & Monaſteriis ſuæ  
potestati ſubijcerē, avellere, & diſtrahere, tam fortiter &  
constan-

constanter restitit fretus auxilio Regiæ Majestatis, ut suam integritatem, Conservationem & tutelam Ecclesia Ruthena Catholica debeat Leoni Episcopo, fortissimo Fidei Propugnatori, tantæquæ dexteritatis actum perenni commendare memoriæ teneatur. Gedeonem Daszkowicz Horbacki post decessum Georgij Bulhak. Nominatum Episcopum Pinscensem, & Turoviansem, in Assistentia Samuelis Głowiński Episcopi Hebronensis, Suffraganei Leopoliensis, ac Stanislai Raymundi Jezierski Episcopi Baccoviensis, Decani Capituli Leopoliensis Assistentis Solij Pontificij, ex Ordine Prædicatorum assumpti, in Ecclesia S. Geotgij Martyris Vices Mesropolitani gerens Jure Administrationis, Solemniter consecravit Annô 1769. Denique ut de Virtutibus Ejus, quæ tam Celebres, tamque numerosæ sunt, ut hâc paginâ, paucisque Literis comprehendendi nequeant, summatim loquar, Præsulem Deo, & hominibus dilectum, Ecclesiæ tuendæ strenuum, Regibus fidelissimum, Patriæ proficuum, Proceribus Regni acceptissimum, cunctis amabilem & affabilem, Divina Bonitas diutissimè fervet incolumem. Accessit hoc Annô 1770. Benedictio in Abbatem Drohobuscensem, quam Illmus LEO Episcopus die 23. Aprilis in Ecclesia Cathedrali S. Georgij, ipsa die eidem Martyri Sacra, Revmo Patri Theodosio de Ducibus Szuyiski Ordinis S. Basilij Magni, Solemni Ritu impertitus est.





# FACULTAS ORDINIS.

Fr. ALBERTUS SLOTWINSKI Sacrae  
Theologiae Magister. Prior Provincialis Pro-  
vinciae Sancti Hyacinthi in Russia, Sacri Ordi-  
nis Prædicatorum

*In DEI Filio Sibi dilecto Reverendo Patri Fr. CLE-  
MENTI CHODYKIEWICZ S. Th. Præsentato Ejusdem  
Ordinis & Provinciae Salutem.*

**C**Um designatus à Nobis Adm Rndus ac Eximius Pa-  
ter Fr. THOMAS KASPROWICZ S. Th Magister,  
*Dissertationes Historico-Criticas* de utroq; Archiepiscopa-  
tu Metropolitano Kijoviensi & Haliciensi, nec non de Epi-  
scopatu Leopoliensi Ritûs Græco-Uniti, à Te compositas  
legerit, & dignas luce publica judicaverit, ideò Tenore  
præsentium Nostriq; Authoritate Officii Tibi supranomina-  
to Rndo Patri CLEMENTI Præsentato facultatem conce-  
dimus illas imprimendi, si Jllustrissimo Ordinario Loci ita  
videbitur. In Nomine Patris, & Filii, & Spiritûs Sancti  
Amen. In Cujus rei fidem has Literas Sigillo Officij No-  
stri munitas, manu propriâ subscriptas dedimus in Con-  
ventu Nostro Leopoliensi Suburbano Sanctæ Mariæ Ma-  
gdalenæ die 21. Maij Annô 1770.

Reg. Pag. 42.

*Conservus in Domino*  
Fr. ALBERTUS Mgr. Prior  
Provincialis P.R.O.P. mpp.

Fr. Hyacinthus Solski S. Th. Lector Prior  
Rubei Castri & Socius mpp.



## JUDICIUM THEOLOGI.

*Dissertationes Historico Criticas* jussu Eximij Adm Rvdi Patris Fris  
ALBERTI SŁOTWINSKI Sacræ Theologiæ Magistri Provin-  
cialis Provinciæ Sancti Hyacinthi in Russia Ordinis Prædicatorum  
Ab Adm Rdo Patre Fr. CLEMENTE CHODYKIEWICZ Sacræ  
Theologiæ Præsentato non minùs diserto quam erudito calamo  
exaratas, legi; In quarum decursu Seriem Archiepiscoporum Me-  
tropolitanorum Kioviensium nec non Leopoliensium Episcoporum  
in luce positam, dissipatis tenebris ex varietate Chronologorum  
in suis opinationibus enatis animadverti. Cum igitur nihil Con-  
trarium Fidei Orthodoxæ, Moribus quoque offenderim, dignas luce  
publicâ ad legentium utilem notitiam Censeo. Salvo meliori Judicio.

Fr. Thomas Kasproicz S. Th. Mgr.  
mpp.

APPROBATIO JLLMI LOCI ORDINARIJ

J M P R I M A T U R.

**L**iber intitulatus: *Dissertationes Historico-Criticæ* ab Admodum Re-  
verendo Patre CLEMENTE CHODYKIEWICZ Sacræ Theo-  
logiæ Præsentato, magno & erudito labore conscriptæ, dili-  
genter & accuratè lectæ, quæ cum nihil in se Orthodoxæ Fi-  
dei, bonisque moribus dissonum contineant, quinimo ad curiosa  
scienda lectorem alliciant, ideò dignas censeo, ut Typis man-  
dentur. Datt Leopoli 15. Junij Annò Domini 1770.

LUCAS GODUROWSKI Primicerius Ecclesiæ  
Metropolitane Leopoliensis Judex Surrogatus  
mpp.







